






١١٧





THEOD. I. F. GRASWINCKELI,
DELPHENSIS, I. C.
DE
IVRE MAIESTATIS
Dissertatio,

AD
Serenissimam Potentissimamque
SVECORVM, GOTHORVM, VAN-
DALORVM, REGINAM.



HAGÆ COMITIS,
Ex Officina THEODORI MAIRE.
c15 15 c1111



THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO



THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

SERENISSIMÆ.
POTENTISSIMÆ.
PRINCIPI.

CHRISTINÆ.

D. G. SVECORVM. GOTHORVM.
VANDALORVM.
QVE. DESIGNATÆ. REGINÆ.
ET. PRINCIPI.
HÆREDITARIÆ. MAGNÆ.
PRINCIPI. FINLANDIÆ.
DVCISSÆ. ESTHONIÆ.
ET. CARELIÆ. DOMINÆ.
PIÆ. FOELICIT. TRIUMPHATRICI.
AVGVSTÆ.

(a) 2

SEREL



SERENISSIMA ET PO-
TENTISSIMA DOMINA

REGINA,

Domina Clementissima.



UÆ supremis potesta-
tibus offeruntur dona-
taria, perinde ut quæ in
templis dedicantur, de-
votione offerentis potis-
simum laudantur. Dig-
nitatis & pretii respectus
jure poltinetur; præcipue cum quid illis
offertur, quorum magnitudo omne inter
mortales fastigium excessit. Viles etiam res
& obvias; ut aquæ haustum, Persarum
Monarchæ, præ raris & exquisitissimis pla-
cuisset accepimus: studium quippe intuenti
subjecti

subjecti fidelis, animumque, etiam abjecta in re, magnum juxta ac devotum. Quod nunc, **AVGVSTISSIMA DOMINA**, ad pulvinaria tua supplex ego depono, habet aliquid cur nemini præterquam Tuæ Majestati possit offerri. Ausus sum delineare fulgentissimum illud decus, quod à Deo immortali derivatum, cumque solis communicatum rerum humanarum Dominis, tanto in te cognoscitur expressius, quanto inter omnes diademate & sceptro signatos, excelsius effulges. In ea terra statuit tibi sublime solium imperiorum ille auspex Deus, quæ cum ab omni annalium memoria celebretur, adeo sacras tamen absconditasque semper habuit incolarum origines, ut designare illas nemo permiserit sibi, & ne fabulis quidē in eas quid licuerit; quin imo & illi cui cæteræ nationes concessere, ceu primæ animantium genitrici nutritiq;, dignitatis hujus controversiam movere Gothos cum ratione creditū sit. Quæ per omnes pene terræ habitabilis regiones misit colonos, nunquam alios ipsa recepit, indigenarum ferax, migrationi-

bus advenarum laud vexata. Ei nationi
imperas, quæ militarem gloriam fortibus
factis domi forisque ab eo possedit tempore
quo nosci cœpit, eamque in hunc diem sine
ulla imbelliæ macula continuavit. Quæ jam
olim apud Poetas, qui fabularum pictura
vero gratiam & dulcedinem addiderunt,
meruit ut Martis in ea regia poneretur. Quæ
sola ex omnibus gentibus molliorem sexum
virosum virtute animavit, & late diuque do-
minantes Amazonas, non naturæ modo sed
& imperii pulcherrimum prodigium, tulit.
Cui Persicæ Monarchiæ conditor, tot laureis
decoratus & triumphis, quæ ante cum ne-
mo, procubuit uni, & quidem Reginæ ductus
vitamque simul, & firmissimum exercitum,
& majorem utroque famam amisit. Quam
successor ejus Darius cum eo jam crevisset
Persicæ opes, ut non numerum inirent
militum aut catalogis eos recenserent, sed
capacissimo loco multitudinem metiren-
tur & de summa capitum divinarent, non
meliore, sed paulo clementiore fato tenta-
vit, suum hostibus omnium cæterorum poti-
tis

tis spiritum eripuisse contentus. Quos magnus Alexander jam Græcia Asiaque subjugata, tam multiplicis victoriæ instrumentis adortus, etiam post minus scelericem congressum socios & amicos esse quam provinciam maluit. Alexandro vita functo cum alia regna prætores ejus ducesque multo cum sanguine partirentur, hanc hæreditatis partem velut sacram, & adeundæ ejus impares, cernere nullus cogitavit. Quos Romani omnibus pœne regnis gentibus sub jugum reductis, quamdiu sapuerunt, reliquerunt intactos, nec totius mundi vires adversus unum populum ausi sunt periclitari. Prudentius sane quam fortius: sed quotquot priorum manus cum illis conferuerant, ut limphatos & in cladem suam immiti thyrsos actos ludibrium debuisse aut pœnam noverant. Sollicitati toties & impetentes strenue ulsi, ne semper domi expectandos haberent, aut viæ laborem illis gratificarentur; cœperunt & ipsi de laceffendis æmulis cogitare, & inferre terrorem ultro, quem intra propugnandi aut repellendi hæctenus adorem stiterant. Tum
vero

vero rebus apparuit, nullos mortalium invicto animi robore, patientia corporum, arte tractandi arma & foelicitate ante tuam, DOMINA, gentem esse. Taceo alias expeditiones, nobiles quidem, sed minores: unam mente versor & ab oculis habeo: unam dico, qua illustrissimum post homines natos imperiũ Romanum, quod cætera suæ ditionis, sui fecerat juris & corporis, Asiæ, Africæ, Europæ omnia cultiora complexum, ac tot ætatum viribus validum, non concusserunt aut duntaxat carpserunt, aut aliquo membro mutilarunt, sed ab imis solum fundamentis everterunt ac dissiparunt. Hoc plus est, credo, quam aut Trojam aut Babylonã capere. Timuerant aliquando nepotes illi Romuli vicinos Sabinos aut Etruscos: fenserant à Gallis urbem captam & obsessum Capitolium: Pyrrhi impetu bellisque conterriti inhorruerant: cum Carthaginiensibus bellantes cogitare de supremis Hannibal ad portas adegerat. At vero non unius urbis cives, sed totius orbis Dominos, non obsidere, in metum conijcere, ad desperationem com-

compellere, sed plane exuere possessionibus,
adfligere & subdicere, non Brenni, non Pyr-
rhi, non Carthaginensium fuit, sed tuæ gen-
tis, DOMINA, sed eorum qui hoc ad
Tuam Majestatem sceptrum transmiserunt.
Sedem igitur & caput imperii septicollem
urbem occupatam & direptam aliquoties
composuerunt tandem, & ut regiam suam
habitarunt, legibus & jure gubernarunt:
Græciæ tenuerunt bonam partem inclitasq;
illas Athenas: Hispaniæ plus quam triginta
dederunt Regum successiones: in Gallia &
Germania se fecerunt adorari. Quis enim
homagium illis præstare recusaret, qui do-
muerant Romanos? Hujus indomitæ &
omnes alias virtute prætergressæ gentis fre-
num teneris tuis manibus commissum est,
SERENISSIMA AC POTEN-
TISSIMA VIRGO, hos. Tu sa-
pientia temperas, & velut leonem pec-ten-
dum suscepisti: ut nunc demum vivo exem-
plo demonstratum sit, quod finxit antiquitas,
Palladi parere Martem. Equidem facile &
prorum est imperare ad omnem servitiū
(b) patien-

patientiam natis, ubi tam vitia superiorum
coluntur quam virtutes, ubi pro jure & æ-
quo est vis improbissimorum satellitum &
effrenis libido regnantis. Asiaticorum ty-
rannorum hæc barbaries est, qui scelere oc-
cupatas dominationes non possunt nisi sce-
lere tueri, ac suæ potentiae munimen sta-
tuunt vilitatem & inertiam subjectorum.
Quos si sic oppresserint, ut sub servitute
gemant, sanguine suo ac medullis pascant
quotidie fucces illos, parasitos aularum &
corruptores, quibus nihil est prius quam
noxiiis blanditiis aures principum ad verum
obturare; prærogativam Regiam loqui, cum
rapacitati ambitionique & malitiæ suæ no-
men illorum obtendunt, cum sibi peccandi
impunitatem procurant, quibus ludus est
merus jugulare ac tollere quicquid est anti-
qui moris, juris, cōsuetudinis; semper deniq;
insufurrare illud, oderint dum metuant: tum
dum regnare se immani errore arbitran-
tur. Tibi contra amor tuorum certissimus est
sponsor diuturnitatis ab ipsa æternitate pri-
mæ; tuopue exemplo cives doces legum re-
veren-

verentiam. Optima cum sis ipsa, nihil prae-
vides magis quam ut optimis imperes. Talis
olim Antoninus Imperator, fratri Severo
gratias agebat, quod per eum Thraseam,
Helvidium, Catonem, Brutum cognovisset:
quodque sibi fuisset auctor concipiendi ani-
mo formam Reipublicæ, in qua æquo jure
cuncta administrarentur, formam Regni
quod nihil haberet antiquius libertate eo-
rum qui regnantur. Ipse adeo cœli Rector
cum liberrime agat, hanc tamen indicit ne-
cessitatem sibi, ut semper agat bene. Hunc
imitari præcipua Regum Majestas est, &
omni imperio majus, submittere legibus
principatum. Hæc tui species imperii est,
D O M I N A, eo perfectioris, quo
Majestati Tuæ majorem servat innocen-
tiam, atque ob supremi Numinis favo-
rem omniumque hominum benevolentiam
solidioribus nititur fuleris, & fidelius ob-
sequuntur qui se sciunt nunquam nisi ad
honestam cogi. Sic principatum & liber-
tatem res olim sociari nescias majores tui
miscuerunt. Sic imbutos esse oportebat,
(b) 2 qui

qui opem ferrent adflētis, & ferocientes in
Germania Hispanos, crudelissimumque ju-
gum Belgio excussum illius imponi cervici-
bus exultantes, compescerent & opportuno
sufflamine inhiherent. Quod quidem Pa-
renti Majestatis Tuæ incomparabili, atque
omnem supra laudem **DIVO GVS-**
TAVO MAGNO postremum ope-
rum mortalium fuit. Quem sane quis admi-
rari satis etiam candidissimorum alienæ vir-
tutis interpretum, ne dicam quis percensere
elequentissimorum & per omnem ire heroa
possit? Juvenis gubernaculo admotus du-
bio etiamnum & fluctuanti ob recentem
pulsam tyrannidem, robustam illam ac ma-
ximi regni lacertis & visceribus sustenta-
tam, Patris & procerum causam adseruit,
hostibus omnem recuperandi, quæ per su-
perstitiosam perfidiam & perfidam super-
stitionem, rupto sacramento regio, amise-
rant, spem & suspensionem ademit, religioni
securitatem circumdedit, thronum sibi &
suæ posteritati, quantum in rebus humanis,
firmum ac stabilem collocavit. Sic patria

CON-

constituta majorum laudabili imitatione aggressus, qui se inquietarant, quoties in campum descendit, exercitus prostravit ac dele-
vit, quoties castra movit, fines protulit. Mos-
chos domuit & parte regni multavit: Livo-
nos subegit: in Lithuania, Borussia, victricia
signa fixit: pacem denique sibi honestam,
fidelem, tutam, formidabilis pariter virtute
& ob bonitatem clementiamque adamatus
& inimicis undique & paravit & sanxit. Inde
misertus Germaniæ est. Illa, illa virorum
atque armorum juxta potens intestinis con-
fecta cladibus, religionem conculcatam &
propemodum exstirpatam, Principes digni-
tate & patrimoniis exsutos, vindices omnes
sui oppressos aut debilitatos, bonos pecorum
more mactatos, & per omnia tormentorum
& cruciatuum genera trucidatos, urbes igni
crematas, vastata omnia, ad solitudinem re-
ducta tot jam annos deploraverat, ut ne la-
chrimæ quidem sufficerent. At vero Sere-
nissima DOMINA immortalis memoriæ
DIVUS parens Tuus, cum foelicissima
quiete perfrui ac Phæacum deliciis, fidens
(b) 3 suis,

luis, ab externorum metu liber, immergi potuisset; tantorum laborum præmium sprexit, ut succurreret indigentibus vicinis & cognatis, novo discrimini partem per tot sudores gloriam maluit subicere, quam injurias miserorum tolerare aut oppressores dimittere impunitos. Itaque Deo sospitate fretus & propositi sui justitia, non magna & contemta hostibus armatorum manu mare trajecit: in eam regionem exscendit, in qua ubi pedem poneret, armis erat parandum. Ibi medio omnia campo posuisse præsidem bellis Deum Sebaoth experiundo monstravit. Immenso numini quod sedulo venerabatur, quodq; imitando exprimebat, & bello, & belli & ipse sui privatim publiceque victor, victoriis ac triumphis assuetos & ducum suorum stipendiis pares exercitus, toties cecidit, toties profligavit, quoties obvios habuit: religioni & libertati signum salutis extulit: depulit tyrannos, exules restituit: innumeras urbes cepit non ut in pretium victoriæ possideret, sed ut legitimis possessoribus vindicaret: donec in pulcher-

pulcherrimo hoc opere augustum illum spiritum reddidit Deo suo, imperatorem ut decebat conferta in acie, stans, ac victor. Tantas illis non annorum sed multorum seculorum res, tam brevi vita, breviori multo temporis spatio gessit, ut cogitandi etiam destinandique moram præveniret, & cum effectu appareant, ut ne celeritate agendi fidem apud posteritatem minuant, scriptoribus laborandum sit. Raro militibus ingeniis adsunt togatæ virtutes, multique fortissimi imperatores partem in paludamento & sub pellibus laudem in prætexta decoxerunt. Ille vero hujus quoque meriti tulit palmam, tantoque moderamine civiles habenas admoderatus est ut non seditiones aut turbas, sed ne querelam unquam sit expertus populi sui: pietate in Deum maximus, justus, clemens, misericors, humanus, facilissimi accessus: divitiarum nec avarus nec prodigus, in meritis liberalis, sobrius in victu, sanctus, innocens, unius matrimonii, eruditus qui quicquid historiarum aut civilis providentiæ charti

con-

conditum erat, legendo addidicerat : plurimarum linguarum peritus & exprimendarum in tempore promptus: doctorum amans: subtilissimus in legendis ministris imperii sui : sagacissimus futuri conjector, consilii expediti & in exsequendis mature consultis acer promptusque, cui deniq; nihil omnium, quæ maximum Monarcham perficiunt, deerat, multa ad decorem superessent. Quare hac quoq; nascendi fœlicitate Tua Majestas omnes, qui per totum terrarum orbem rerum potiuntur, multis parasangis antecellit. Et miraremur magis in Virgine plusquam virilium curarum pondus, tot regna tranquillitate summa omnibusque boni regiminis proventibus fruëntia, tot provincias sine motu obnoxias & obsequentes, infestissimum & longe lateque dispersum bellum extra fines in locis hostilibus & transmarinis multo cum successu administratum, fœdera cum præcipuis Christiani nominis Regibus & Rebus publicis aut inita aut renovata: nisi Te gloriosissimæ et domitricis quidem cæterarum, semper autem indomitæ, gentis Reginam;

ginam ; nisi Theodoricorum , Alaricorum ,
 Genfericorum traducem sceptrique hære-
 dem ; nisi , quod nulla inferius gloria est ,
DIVI GUSTAVI MAGNI
 unicam filiam , virtutum ejus vastique animi
 compendium , inque amabiliore sexu simili-
 tudinem , vivam denique Regiæ dignitatis
 imaginem nosceremus. Nisi in Te venera-
 remur augustam illam Majestatem , qua su-
 premam in terris sine pari repræsentas ?
 Hanc , quæ votorum nobis summa utinam
 diu repræsentes Augusta , Pia , Fœlix , Trium-
 phatrix , sero repetant cœli hoc nobile pig-
 nus , & dum nobis cum eris , minus desidere-
 tur summus ille **GUSTAVUS** , cujus in
 Te virtus , animus , fortuna duplicetur.

NUMMI MAJESTAS
TIQUE TUE

Devotissimus

THEOD. GRASWINCKEL

(c)

EXI.

THE UNIVERSITY OF CHICAGO

LIBRARY

1900

CHICAGO, ILL.

1900



EXIMIO VIRO RUM
ET AMICORUM

THEOD. GRASWINCKELIO,

Equiti, Fisci Advocato, &c.

POST EXPEDITAS TOT CLIENTIBUS CAUSAS;
ORATIONIS VI FLUENTIS ET LINGUÆ,
TORRENTIS INSTAR QUÆ VOLUBILIS FERTUR,
VER MAGNE ET ACER, IN TUAM CLIENTELAM
LEX PRIMA REGUM, PRINCIPUMQUE REGINA
SE DIDIT IPSA SUBJICITQUE MAJESTAS,
RERUMQUE FISCUS ARBITER GERENDARUM,
QUOS NUNC PATRONUS TOT CLIENTIBUS
JUNGIS.

DANIEL HEINSIUS.

THE
AMERICAN
REPUBLICAN
PARTY
OF THE
UNITED STATES
OF AMERICA
OFFICE
OF THE
TREASURER
OF THE
REPUBLICAN
PARTY
OF THE
UNITED STATES
OF AMERICA
WASHINGTON
D. C.

AMERICAN REPUBLICAN PARTY

.1

THEOD. GRASWINCKELI

DELPHENSIS. I.C.

De

IVRE MAIESTATIS

DISSERTATIO.

CAP. I.

*De Origine Summæ potestatis. Hanc esse
à DEO demonstratur.*



Summam potestatem, quando quidem sibi à se ipso nemo præstare potest, ejusdem proinde originem, quatenus illam & videre in terris & agnoscere contingit, nemo sanus aliunde deducat, quam ab ipso Deo. Hujus ut est in omnia imperium, ita ab illius eodem imperio Reges sunt & Regna. *Per me Reges regnant, & Principes justitiam decernunt, per me dominantur Iudices terræ,* ait Sapientia, quæ ipse Deus. Est quidem illa summa potestas, Deo, qui eam exstruxit contulitque, ex asse subdita; est pro illius beneplacito mutabilis: sed non alio modo, quam ut huic uni submissa, omnibus cæteris indistincte dominetur; illi secunda, reliquis sit prior. Hac ipsa de causa non male dixerit quis, propiorem aliquem cognitionis

A

tionis nexum inter Deum & Reges spectari: cum, quod ipse Deus in Rege, tanquam se quæ referat imagine, observari ac coli velit: (quod testentur illa, *Deum tuum honorabis, Principi populi tui non maledices.*) tum, quod in universi bonum quam prudentissime semel constituta, constanter servari velit, servetque: tum denique, quod ea quæ ad universi ejusque partium gubernationem à se concepta, decreta, ac conclusa sunt, sæpe admodum per Reges, ut dilecta sibi atque destinata organa, potenter explicet, atque ad fines suos, qua de re suo loco nobis sermo erit, perducatur. Ergo & in ipsorum actus influit: *Dat salutem Regibus. magnificat salutem Regnantum. docet manus eorum ad prælium, & digitos ipsorum ad bellum.* Idem Reges Deos appellat, cor ipsorum manu premit, ut aquarum scaturiginem ac divergia inflectit, in medio Deorum sedet, & se quidem abscondendo rerum arcana, illos autem ab latentium causarum detectos nexus, ob protracta in lucem secreta, claros ac magnos haberi cupit: quæque his similia passim in sacris occurrunt. Ita honorem suum eorum honori vult blande conspirare. Sed tamen hæc ita facit, quod jam nunc dictum, ut ipsorum Regum dominus absolutissimus, & ut eorundem quaquaversum dominator. Ut eadem habet sacra Scriptura, *est illi constitutum in cælis tribunal, exercet in ipsos regnum, ac cum regno dominium. in cælo, terris, abyssis omnibus, quod visum fuerit, pro libitu facit.* ipsos certe Reges pro eodem beneplacito fert agitque, *Dominantium* (sunt hæc verba sancta) *coronas pedibus conculcans, despectionem super Principes effundens, oppressos attollens, cingulo dominantium renes aut præcingens, aut dissolvens.* Hinc & ab aratro & stiva,

*stirva, ab ergastulis & sterquilinio Regem legit. Sin ita res ferat, aut meritum poenæ, virgam furoris sui hunc ipsum facit. eundem in indignatione sua aufert. Dat item in furore suo, populis iratus, Reges malos, Principes quos non cognovit, Dominatores qui non exstiterunt ex ipso, (sic enim sacra eos pagina appellat :) infrunitos, effaminatos, pueros, hypocritas, & id genus alios. At enim vero, qualescunque tandem Reges populis præponit cum imperio, absolute summos, & præterquam sibi, nulli obnoxios eosdem præponit; sibi rationem commissi regni, sibi imperii administrati reddituros; se præter, nemmi. Prius firmant illa: *Fili mi ne discedito perturbatus à facie Regis, ne consurgat de repente ira illius, & quis dicat ei, quid facis?* Item, *Turbantibus, in Regem moventibus, ne te admisceto, ruina eorum & destructio stant præ foribus.* Evincunt, *Corah, Dathan, Abyron,* quos superiori potestati obstrigilantes subita voragine immane hiantis terræ barathrum absorbuit. Posterius claret per illam regii prophetæ confessionem, quam neque Deus mentientem non laturus, neque Ecclesia Dei, ut veritatis propagatrix, ita mendaciorum se vera expultrix, unquam falsi ream fecit; *Tibi soli peccavi.* Vtrumque clarissime evincitur per jam dicenda. Primo quia quos reges facit, non solum regali nomine adornat, sed ad se quoque tuendum fortes facit, ac gloriam iis & majestatem, quæ reverendos reddat, atque adeo visibilem, & visibiliter etiamnum, circumdat. Huc faciat quod & à Chrysologo observatum sermone 131. conspexisse E-saiam (de quo legere est apud prophetam ipsum cap. 6.) *Deum sedere habitu regali*, ut agnosceret, nisi à Deo*

regerentur Reges, eos, cum sint homines, nihil regere posse rectores. At ait divinum effatum, Regem sedentem in solio suo dissipare oculis suis omne malum: Sane in ipsorum partes Deo veniente, atque ipsos adgubernante. Non est enim, ut quis malum in regios se oculos protollens, ipso coram throno se sistens, subruat evertatq; , nisi qui idem subruendi illud atq; evertendi sit potens divinitus factus. At neque levis aut evanida potestas censeretur, per quam omne malorum genus, in ipsam majestatem incursum, solo oculorum non fulgore dicam, aut fulgure, sed ictu dumtaxat affligatur, prostratum confundatur, dissipetur. Qualis ea sit ex hoc dicto intelligas; *Deus cæli, regnum & fortitudinem, & gloriam dedit tibi*, ait Daniel propheta Regum Regi Nabuchodonosori. Secundo, quod venerationem regis majestatis tanto cum potentis, omnia sibi subjicientis, effectum, ipsis subditorum animis insinuet Deus, ut eam omnes non expectorandi mentibus circumferant, nisi majestate ipsa divina prius calcata atque elusa. Quantum se super Reges efferat major augustiorque Deus, jam vidimus. Quantum homines supra cætera animantia extare voluerit, docet illa vox, *Terror vester ac tremor sit supra volucres cæli, pisces maris, terræ animalia*. At neq; minus verum. Quantum homines belluis antestare voluit, quanto sibi Reges decedere; tanto velle ipsum, subditi demissiores ut sese illis ferant, quos sibi cum imperio præfectos agnoscunt, sed Deo autore. Exemplo res illustretur. Humili de sorte regale ad fastigium Saul evehitur, evectus in Ammonitis expeditionem parat, vires cogit, trans-

transmittit par boum in frustra dissectum per extrema regni, minis regalibus detonat, edici jubet sic armento ejus futurum qui Regem non protinus sequatur. Quid fit? pavor populum invadit, egrediuntur tanquam si vir unus esset. Vnde pavor? Scriptura divinitus immissum testatur. Hoc per se satis: at nec ratione destituitur, cum in imperii majestate salutis tutela sit. Hoc ferrumen animorum, hic ille spiritus vitalis, quem tot millium millia agnoscunt. Hunc qui animis excusserit, idem excusserit ipsum Deum. Vnde nota illa veneratio Davidis, Christum Domini Saulum sic respectantis, ut desertum atque à suis destitutum, male habere non sustinuerit; ut vel folio, cui se ipse divinitus super imponendum noverat, deturbatum, lædere cum posset, & milites id contenderent, non modo lædere ausus non fuerit, sed vel rotundo ore detestabundus procul à se abfore edixerit, ut in Christum Domini manus intenderet. Quid, quod non modo Reges à Deo sint, sed immediate quoque sint à Deo! quod nobis tertii argumenti loco esto. Vnde illud, *Dixi dñi estis*. Hæc vox non alium quam Deum ipsum loquentem exhibet. Sic in citato primitus loco quater illud repeti videas, *Per me Reges regnant, per me Principes, per me Dominatores, &c.* Sed neque simile vero, ut qui immediate agere deprehenditur, hoc quod facit, nolle dicatur, aut eosdem ipsos, quos immediate à se pendere vult, aliis substernere. Cum de spiritu Mosis ablata pars fuit, factum id immediate: cum pars ablata in septuaginta viros fuit collata, factum perinde. Cum & Saulum, quem Regem sibi electum edixerat Deus, & designa-

verat Regem per Samuelem, alius spiritus invasit: sane ille Dei spiritus fuit, & quidem, ut immediate hæc agentis, immediatus. *Invasit eum spiritu suo, & repente mutavit in alium virum*: ita textus. Ergo immediate à Deo Reges, solumque ipso minores. Quod inde quoque evidenter apparet, quod Regem Deus sibi justitiam exercere, ac judicia Domini in populos sibi commissos ac submissos expedire, mandat. Est ille cui ratio reddenda, superior; à quo reddenda, illo minor. Quin diversa sint Deus & homo, dubio caret. Cum ergo dicitur à Iosaphato, iudices *non hominis exercere iudicium sed domini*, excluso homine, ut pote cuius ab hoc exercitio interventus arcetur, Deus ipse immediate ponitur. Quinimo, quo manifestius nihil adferri pote, ipsum Deum judiciis istis immiscet sacer textus cum ait *Et ille erit vobiscum*, supple, Deus; *in negotio iudicii*: aut, ut non minus efficaciter alia versio; *quodcunque judicaveritis in eos redundabit*. Non alio vortum hoc, quam quo planum fiat, inter ipsum Deum, ac constitutas à Deo potestates summas, medium aut intergerinum nihil intervenire. Qui hominem fecit ad honorem sui, multo magis Regem, hominibus cunctis antestantem. Hominem qui nullo mediante, & Regem quoque eundem ad modum qui creavit, ipse sui honoris vindex atque exactor acerrimus est, honorem suum hominibus transcribi præfracte vetat. Procul absit, ut ministerium aut opem hic agnoscat, cuius non indiguit. Nemo pius, nemo sanus, credat, ut quos summos voluit, admissò medio aliquo velut sequestro moderamine, inferiori populo subesse voluerit: nedum ut voluerit contra manifesta-

riam

riam voluntatem & per contrarias antestationes omnibus patentem: nedū ut voluerit haud alio nomine, quam quod mediate partes aliquas in constituendo Rege sustinere, jam dictus nobis populus quandoque posset. Quarto, etiam ex illo patent jam dicta, quod ipsis Regibus se explicuerit. Deus. Nempe quod vellet ipsos supereminentia potestatis, non qualicumque demum, sed expressa, subditis existere. Fidem in temporibus, quæ à Theocratico regimine fluxerunt proxima, faciunt illa Prophetæ, *Ecce unxit te Deus super hereditatem suam in Principem*: Verba sunt ad Saulum Samuelis. Altera Prophetæ ad Iehu (notentur, sodes, verba, & quidem ipsum Dei testimonium immediatam hic in Regem unctionem testantis.) *Hæc dicit Dominus Deus Israel, unxi te in Regem super populum Domini Israel. Vbi & verbum illud super non aliter quàm pleno cum effectu intelligi potest. Ut in illa quoque oratione Dei ad Samuelem non te spreverunt, sed me spreverunt. Cur vero spreverunt? Deum audiamus: me spreverunt Quoniam ne regnem super ipsos. Nempe quod à Deo datum ipso iudicem repudiaverint. Attendantur autem ibidem ratio illa Regis super Israëlitas regnaturi, quam Deus Samuelem edicere populo jubet, continens gravem illum regnandi modum, qui populos regio sub imperio agentes nunquam non premat. Nam quod non alium Regem habere voluerint Israëlita quam qui summo imperio ipsis præesset, tria potenter evincunt. Primum est, quod Regem flagitaverint ad instar cæterarum gentium. At quod fuit illud instar? Audiamus abbreviatorem Trogi. Populus nullus legibus tenebatur, arbi-*

arbitria Regum pro legibus erant : perinde ac si cum Pomponio nostro diceret , *Manu regia omnia gubernata fuisse*. Alterum , quod mandante numine propheta edixerit , *Denique vos eritis et servi* ; aut ut commodius explicari videtur , *Eritis ei in servis*. Hæc saltem nunc altera immediata Dei voluntas petenti populo annunciata , rem dubio omni-evolvit. Tertium , quod nequaquam se istis denunciationibus ab instituto dimoveri passa duricervix natio , *Nequaquam* regesserit denuncianti propheta , subjunxeritque , *Rex præerit nobis*. Quintæ rationis aut argumenti locum tueri possit ipsa , eaque continua , & praxis & observatio. Reges etiam propalam improbos , & populorum tormenta , sanguifugas , hoc ipso nomine tutatus est Deus quod Reges essent. Non Vrias trucidatus etiam contaminato per adulterium maritali lecto , non actus in censum populus , hic fibulam injecere. Non Salomonem paterno è solio deturbarunt meretrices numero sane nimio in regiam receptæ , non in cultus idololatricos tanto Rege non dignus consensus. Obvia passim sunt exempla his similia , nec iis memoratis opus. Vnum Salvatoris nostri suffecerit , & vitæ & necis dominum agnoscentis non Regem ipsum , sed Regis etiam vicarium ; idque non alia de causa , quam quod exsequeretur sibi destinata , è potestate quæ ipsi data divinitus , quinimo directe edocentis , *non effecturum , nisi potestas ei divinitus fuisset facta*. Missa ut faciam , *Cæsari quod Cæsaris foret ut daretur eundem jussisse* , nec non obedientiam miraculo saucitam , dum ab intimo maris fundo , atque ex penitis interaneis piscis didrachma eruitur , quo nulli in du-

in dubium revocandus hic obedientiæ nexus pateret. Quid? quod neque alia praxis esse potuit, nisi quæ propatulo in ipsius præcepti districtam legem fuisset commissura. Præceptum est, *Omni anima potestatibus sublimioribus esto subiecta*. Verbum illud, *Omni anima*, nihil excludit. Certe Chrysostomus Apostolos, Evangelistas, Prophetas includit. Sed & quæ à nobis dicta sunt inconcussa autoritate ac momento firmant complura. Omnium loco esto, quod non sit potestas, nisi à Deo: id est, à contrario sensu, quod omnis potestas origine sit à Deo, & quidem privative & immediate. Esto & alterum, quod *quæ sunt potestates, sunt à Deo ordinata*. Ordinationis adjicitur ex præmissis effectus, quod *qui potestati resistit, idem divine etiam ordinationi resistat*. Iungamus, quod & hoc ipsum adeo profundas radices egerit, ut in ipsam naturam receptum transmissumque sit. Generale societatis humanæ pactum obedire Regibus suis, præclare alibi dicitur. Quovis modo se gentibus à Deo Regem datum Imperator Iustinianus edicit, loco non uno. Illo posterior Fredericus, se divina præordinante clementia, Regiæ majestatis solium conscendisse. Horum effatis tot adglomerare testimonia idem statuentia in proclivi sit, quot verba huc usque fecimus: sed ad tuendam veritatem scribo, non ad pompam.

CAP. II.

*Summæ potestatis originem non recte ad
populum referri.*

Actum hoc vertigine rerum humanarum, ut divulsis animis, aut nunc horum, nunc illorum studiis in contraria nitentibus, & mutata cum rebus temporum secta, contrariam opinionem pro vera obtrudere nonnulli sint conati; populumque ipsum Rege superiorem statuerint, quæ de immediata constitutione dicta sunt ad mediatam detorquentes. Hi ergo hoc agunt, ut persuadeant, populi eo fortiora jura esse, quod sit ipse populus antiquior Rege, & propter populum creatus Rex, non vero populus propter Regem. At est utrumque hoc falsum. Voluit Deus esse suos imperandi, esse parendi gradus. Huc spectet illud, *Dives & pauper sibi invicem occurrunt, efficiente utrumque Domino.* Nec non & hoc, *Est altus alto superior, est altissimus super illos.* Sed non est id circo, ut hic priorem existisse dominum subdito negemus, patrem liberis. Certius nihil, quam intentione Dei creatoris, & creatarum à se rerum conservatoris, prius existisse imperium, quam ea producerentur circa quæ imperium se exereret. Est in imperio quid integrum: in obsequio, quod non nisi applicatione facta aut relatione, partem integri constituat. Hæc autè & similia, non ab executione, sed à proposito & intentione agentis dimetiri æquum est. Antiquius

tiquius est omne instrumentum eo quod extruitur; partes domus ipsa domo priores sunt. At tamen est partibus suis totum prius. Finis media proponit quidem sibi, sed interim mediis prior. Effet cum ratione insanire velle, si quis dicendum sibi putaret, non esse finem præstantiorem mediis: sitque vecors, qui in fonte bonorum Deo figuret alium creationis finem, quam qui præstantissimus. Media fini consequendo ponamus apta, consona, non nisi bona; non tamen ideo finis ipsius præstantiam excedent: neque ipsum finem sic inducent, atque obliterabunt, ut intentio executioni decedere cogatur, tanquam de sublimiori gradu deturbata. Quod in intentione jam nunc præconceptum est, ipsa sui potentia, conceptum quatenus est, consistit, quod intentioni jam formatæ famulaturum in actum deducitur, re vera atque ipso facto existere intentionem, cui subserviat, demonstrat. Novum porro non est, ut nuda potentia dominus quis sit, qui non sit potestate aut actu. Sic, patre prægnante uxore è vivis sublato, uteri materni sarcina, lucis etiamnum expers, jam tum suus est hæres, jam tum dominus: ipso jure hæreditaria cæterorum cohæredum jura turbat, testamenti tabulas rumpit. Hinc facile videre est, nugas meras esse quæ de creato propter populum Rege adferuntur. Sed enimvero hoc qui sibi defendendum suscipiunt, mediatam sibi quandam creationem figurant: qua data satis valide ipsorum argumentum procedit, namque si creatur à populo Rex, est Rege antiquior populus, ut creator sua creatura, si ideo populus Regem creat, ut Regem habeat tanquam finem suum, nimirum

ut Rex eat ad populi perfectionem (ut certe vix aliud est Regia potestas recte inspecta, recte ad gubernata, quam cura salutis alienæ,) consequens est, creari Regem propter populum, sed non vice versa. At in eorum hæret tanquam in centro suo, quod mediata illa creatio, originem ipsam si spectemus (ut est de ea nobis sermo) figmentum cerebrinum sit; immediata, ipsum Dei effectum, ipsum factum, ipsa demonstratio, tot enunciationibus sancita, tot iterationibus firmata; libera, in omnes personas, rerum, temporum articulos diffusa, non arctata, non arctanda. Facere mediatae tali creationi locum qui volet, aut eandem dicat cum immediata & concurrentem, aut diversam. Si posterius ponit, impius in Deum sit, & à causa prima, ad remotiorem, vefanos cerebri æstus protrudat: sin prius, involet in Dei jura, & quæ liberum Deo per quæcumque instrumenta expedire, arctet ad populi voluntatem. Multis quidem quod humana ordinatio dicitur Divo Petro Magistratus, in argumentum cessit, sed enerve illud, dum non vident, obedientiae præceptum ibi incuclari. Est Magistratus Deiminister, sed qui vice Dei subditos curet, & eorum salutem summam: est Magistratus Dei ordinatio, ordinatus non ab homine, sed à Deo in bonum subditorum: ergo non in suum bonum ordinatus, sed in commune, in bonum quod in omnes diffundatur, universale, projectum. Si Dei ordinatio est, hominum non est. porro qua Dei ordinatio humana Magistratus est, pro sancto prudentiæ, misericordiæ, justitiæ beneplacito, non substernit humanis imperiis obsequia piorum Apostolus, sed ordina-

tioni

tioni divinæ. Quod satis per se evincunt illa sequentia verba, *propter conscientiam Dei*, scilicet Dei volentis ita fieri. alias quævis humana ordinatio aut constitutio, si talem, qualis fingitur, vult Petrus, humanam conscientiam ad summum sit ut liget; at vero conscientiam Dei ut involvat, & ad se trahat momento sui, id demum quovis absurdo absurdus putem. Quoquo modo rem sumamus, ex hoc loco nihil tale elicitur. Totum circa obedientiam, ut dicebam, versatur. Obedientiam commendat Apostolus Paulus, non modo propter iram, sed & propter conscientiam. Perinde & Petrus non tantum propter conscientiam simpliciter, sed disertim, propter conscientiam Dei, nempe ut religio sit Deum offendere, cujus voluntate intelligas tibi hanc impositam esse parendi necessitatem. Ex quo ipso facile intelligere est, si quis velit, ipsum etiam Regem sub humana illa ordinatione contineri, & si nonnulli negant, humanam eam dici, non quod ab hominibus excogitata, sed quod inter homines ab ipso Deo constituta sit civilis gubernatio, ut recte ab interpretibus nonnullis observatum est, vel sane, ut & ipsa vox *ἀρχή* iudicat, quod ea sit humanæ tantum naturæ conveniens. Concludo igitur, Regum absolute summam, nulli obnoxiam, uno Deo excepto, potestatem, immediate esse ab ipso Deo: proinde quoque immediate ab ipso Deo, omni humana ordinatione exclusâ, originem illius arcessi debere.

CAP. III.

*Majestas quid, & quomodo ei competant
proxime dicta.*

Restati absolute summæ, prælusere velur, potestas patria & herilis, idque eadem & parili ubique ratione. Exordium ei factum est ab imperio ipso, ut pote quod in se esset præstantissimum, atque ob id ipsum primum in intentione Dei, ad quem omnia imperia sese ut autorem suum referunt. Vetustissimum est illud Poëtæ,

*Dat conjugibus jus
Quisque suis natisque.*

Maritus quippe ac pater uxori ac liberis, servis dominus præcipit, sed suo quaquaversum imperandi modo servato. Non est quidem ubique personarum eadem conditio, aut idem status, neque etiam eadem ratio imperandi, sed imperatur tamen ab imperante pro jure quod habet, quod est suo jure. Frustra sit qui uxorem marito, filium patri, servum domino id juris contulisse nugetur. Quæ contulit summa ratio fuit, naturalis in universi, conservationem intenta, ab omnium gubernatore & proreta Deo, ut rerum omnium principio fluens, ad eundem refluens, ab ipso ut à principio motus sui nullo modo aut pacto revellenda. Quo non obscure spectet illud Halicarnassæi Dionysii, edicentis universalis ac sem-

sempiterna naturæ lege receptum esse, ut præstantioribus inferiores obediant. Familiarum aucto numero, propagato illo, per vicos, pagos, civitates, & iis similia cohabitantium corpora, poliæicum imperium manuducente, quam dixi, natura exsurrexit. Ut ergo familiam recte tuendi ac conservandi causa, uxoris liberorum, servorum caput ac præfectum oportuit patrem familias, absque quo ut bene beateque ageret ne quidem sperari poterat: ita pluribus familiarum patribus in unum corpus familias suas, (deductas illas velut à familiarum principe colonias,) coagmentantibus, necesse fuit jam non ultra in unius familiæ conservationem intentis, sed omnium curam habentibus, ut familiarum patres quoque ipsi commune corpus constituerent, quod communi omnium saluti ex æquo invigilaret; aut si quem inter se unum tam eximia virtute præditum viderent, ut comparatione instituta de illo pronunciari posset quod de Fabio Ennius.

Ille sapit solus, reliqui volitant velut umbrae

consultissimum fuit ut decederent compertissimæ virtuti, & se suosque illi regendos ultro permitterent.

Hinc inferitur primævum illud imperii genus, aut unum corpore fuisse, aut unum persona. at à principio jam tum fuisse summum in se, atque absolutum. Eam absolute summam potestatem nihil intercedit quo minus Majestatem vocemus, tanquam majorem statum, augustioremque illum, & cæteros amplitudinis suæ splendore obscurantem. Denuo inferitur, eandem illam Majestatem, in se, ac sui principio, non aliter attendi posse, quam
eximium

eximium aliquod Dei munus, absque quo, conservare se ac tueri non potuerit communio civilis. Utque crassiore distinctionis filo, natura naturata respectu Dei, quem naturam naturantem appellant, radius est naturæ naturantis, à qua ne transversum unguem decedat; ita primo genæ illius Majestatis sive absolutæ potestatis, inter genus humanum constitutæ receptæque conditio, eadem, plane fuit, quæ illius, quam immediate à Deo manasse, demonstratum est. Illum voluntas Dei absoluta, fecit absolutam toti humano generi. Simile est, quod *cap. 18. vers. 17.* Siracidæ dicitur, *In quamque gentem præpositum fuisse à Deo Rectorem.* Hanc, patrum familiarum conventus, consensus, libera voluntas, absolutam primo in familias in unum coactas exercuit, mox, & in se ab uno exerceri vidit, cujus se eminentiori virtuti gubernandos permiserat. Deo lex poni non potuit, quo minus ita disponderet. Patribus familias liberum pro se familiaque sua cuique fuit, parietibus unius domus non claudendas stirpes, jam tum propagatas, & in ulteriores gradus successu perpetere porro prorogandas, in indivulsam quoque unitatem cogere, coactas vel per se gubernare, vel se suosque uni gubernandos relinquere. Qui respectus est Dei erga genus humanum, plane idem respectus est singulorum patrum familias, ratione familiarum suarum. Singulorum quidem primo & privatim, sed mox omnium simul & conjunctim: dum nimirum pro virili quisque regimen paternum atque herile cum politico idem facit, aut unius politicæ gubernationi, & linguli pro se, & conjunctim omnes acquiescunt.

Ratio-

Ratione patris familias, quum considerentur ut subditi (quanquam, quod ultra non repeto, suo modo) uxor, liberi, famuli, clientes, nepotes, ceteræque partes domus, nemo neget. Posito regimine politico idem dicendum est: nimirum quod tam & eorum familias patrum, penes quos in omnia regimen, quam ejus, cui illis volentibus imperium cessit, intuitu, omnia, & singula subdita sint atque obnoxia; quin & ipsi etiam ex illo familiarum patres qui antea domini fuerant, & in illum translati Dominii jure illi se regendos addixerunt. Confit, ut potestas hæc talis, cui delatum ac decessum, fuerit potestas absolute summa, nulli obnoxia. Constat insuper potestatem istam talem perstare, nisi factum aliquod externum interveniat; idque cum sui natura, tum quod ei semel constitutæ, subditis sese subducere nefas sit: Ex eo quod antea voluntatis fuerat, necesse factum est, & nulla novatione revocandum.

CAP. IV.

Quæ sint essentialia Majestatis.

PAtet ex jam dictis, sufficere ut sit potestas absolute summa. Quod ergo dicitur potestas nulli obnoxia, eo collimat, ut omnem externam, sive directivam illam, sive coercitivam vim, ab ipsa atque illius naturali conditione ac statu procul habeat. Cum ergo dicitur

C tur

tur quod sit, ponitur quid in se perfectum, ut pote quod in se stet ac subsistat, quod se ipsum absolvat, ac determinet, quod denique ipsum sit, seque impleat, totum sui. Ergo nihil aliud de majestate, qua majestate, id est, de potestate absoluta, prædicari potest valentius, quam id ipsum, quod sit. Quid vero sit, quid possit, quanta sit illius dignitas, tam ex eis eluceat, quæ in ipsam non cadunt; (qualia sunt alterius ope non egere, in altero tanquam in subjecto suo non subsistere, regi à nullo exteriore, nulli juri aut vi agere obnoxiam, nulli se ferre precariam:) quam quæ cadunt; qualia sunt regimen in omnia, pro jure suo, & quæ his similia sunt. Ergo hæc in se collecta stat, majus aut minus non admittit, omni lege major, nullo limite circumscripta, nullis temporum spatiis arctata. Quæ enim ad tempus (ut obiter hoc notem) olim dictaturæ sumebantur, ut ut absoluta potestate præditæ, deposito propiores, erant, & ponendi legibus submissæ. Quod in universo Deus, in corpore anima, id in imperio majestas est. Hic superiorem non habet, item nec illa: hic libere agit, parem non agnoscit, eadem de majestate recte dicantur. Ut secundum Poëtam de Deo rectus sensus est.

Illum nempe ire per omnes

Terrasque, tractusque maris, cælumque profundum;

ut secundum nonnullorum dogma tota anima est in toto corpore, tota in singulis partibus: itidem & majestatis, in sibi subdita, in omnia, se infert, influit, se figit, ac solido stat. Ens individuum quid est: individuum quid
maje-

majestas, eoque nec dividi potest; & sacra cum sit nulla communione cum altero profanari. Summo non aliud summum. Majestatem quæ egrediatur superior majestas non est, priore asserta. Sed hæc & his similia illustrare si contendas aut annitare, verius obscures. Claudam verbis non meis, Recte summum imperium coronæ comparari, atque illius imagine pingi solere. Est ea utriusque natura, ut parte amissa, etiam substantiam amittat. De præcipiti loco qui cadit, in medio non hæret, de summo fertur in subjecta. Facit huc vulgatum illud *Ἐρίσαν μὲν Ἀχαιοί, Coronam ne carpseris.*

CAP. V.

*De Majestatis summa potestate circa res
personasque Ecclesiasticas.*

Ubium non est; quin à nobis hætenus dicta qui legerit omnino ea latissime exporrigi agnoscat; præsertim cum ad Ecclesiasticas etiam cum rebus personas, nec non ad vim & potestatem ipsam legum, quarum tamen nos omnes servi sumus, ut simus liberi, ad totum denique populum, sic à nobis extendantur, ut nullam prætereundere posse videantur vel Ecclesiastici exemptionem; ut legibus derogari videatur; ut denique totus quantus quantus est populus, nullum quovis obtentu jus habere integrum possit; sese si vel extrema inciderit

necessitas in libertatem asserendi. Quoniam vero circa hæc ipsa non una omnibus mens, quid rationi, quid juri, quid veritati consentaneum sit, expendamus.

Ac primo quidem, non putem quempiam, cui modo cor sapiat repertum iri, qui summæ potestatis jus in personas ac res Ecclesiasticorum neget extendi: si qui sint jamdudum eos redarguit Leo. I. sua ad Leonem Augustum epistola. Sic ille: *Si principum nihil interest rerum sacratum, cur de negotiis Ecclesiasticis in Codice, in Novellis, in Authenticis tot Augusta leges, atque constitutiones, tot in nostris & in omnium Christianorum Annalibus edicta Regia, tot denique Senatusconsulta?* Recte sane: cum enim Moyses Aaroni Deum constituit Deus, disertim testatus est, velle se à Summis potestatibus Ecclesiasticis & regi, & defendi. Huc spectent illaejusdem ad Marcianum, fatentis ad hoc electum à Deo Imperatorem, ut fides catholica ab insidiis inimicorum defenderetur: addit, *Ad Imperatoris enim & ad omnium salutem pertinet, ut Dei cultus nullo errore laedatur. Ejusdem est. Quod res humana tutæ esse non possunt, nisi quæ ad divinam confessionem pertinent, & Regia & sacerdotalis defendat autoritas.* Cum Regem indefinite atque universaliter præposuit Deus, etiam indefinitam atque universalem ab eo reddendam sibi rationem administratorum fore demonstravit: cui rationi si personas ac res Ecclesiasticas exemptas volumus, frustra simus. Generale quod est apud autorem Epistolæ ad Ebræos obedientiæ præceptum, & hanc quoque rationem includit. *Obedite, inquit ille, præpositis vestris, & ijs subiacete, ji enim pervigilant quasi*

ratio-

rationem reddituri pro animabus vestris. Sed & hoc quoque certissimum, neque naturam, neque qui autor naturæ est, Deum in necessariis deficere; id vero necessarium, nisi etiam in ecclesiastica se exporrigat potestas civilis. neque enim fieri potest, ut ecclesiastica disciplina, in iis, quæ non sunt mere ecclesiastica, eaque absolute ad ecclesiam ipsam, atque ordinem & regimen ecclesiasticum spectantia, absque adjumento summarum potestatum satis munita sit, aut sese tueatur. Ergo quod effectum dare nequeunt sacerdotes per suos sermones, hoc terrore sui summæ ut faciant potestates conveniens est, quo per terrenum regnum cœleste proficiat, quique intra ecclesiam positi, contra ejus fidem agunt, vigore • Magistratuum conterantur, & quam Ecclesiæ autoritas exercere disciplinam minus valet, cervicibus superborum principalis potestas imponat. Quo tandem spectat, quod communis Christianorum consensus summas potestates esse fateatur utriusque tabulæ custodes, neque ad illas duntaxat secundam, quæ proximum, sed primam quoque, quæ Deum atque ecclesiam Dei spectat pertinere. Ut disertim loquamur de ipsis personis ac rebus ecclesiasticorum, ita est: Potestas summa circa personas ac res ecclesiasticas fundatur in dictis Apostoli citatis cap. 1. nempe, *Omnis anima subiecta esto potestatibus sublimioribus.* At non est hac potestate altera sublimior, ac sunt Ecclesiasticæ personæ hic comprehensæ sub verbo omnis: quod verbum nullam quarumcunque demum libet personarum exceptionem admittit. Omitto huc facientia quæ primo capite jam nunc

exhibui. Bernardum addam Chrysoftomo superius citato, cujus hoc rotundum effatum est, *si omnis anima, & vestra: quis vos excipit ab universitate? si quis tentat excipere tentat decipere.* Mosén, ut jam dici cœptum est, Aaroni nunquam subjecit, sed ei Deum esse voluit. Propterea ut Aaroni nullum jus superioritatis concesserit in Mosén, sed eum illi subjecerit. Ergo quoque ut legere est in sacris, Aaronem Mosés pro jure imperii super ipsum quod habeat, peccati redarguit, corripuit. Vnum imperii corpus unius anima recte animari ac regi monstrat ipsa veritas. Ei desolationem regno indubie instare Dei filius edicit, quod sit in se divisum. At non est tetrior divisio ulla, aut major divulsio quam si, scissa unitate, altare contra altare erigatur; respublica in republica, aut contra ipsam adeoque rempublicam constituatur. Hoc procul dubio vitari non potest, si intra ipsa status penitissima viscera, receptum imus mortalium nescio quos, quos leges illius in quo vivunt ac sustentantur status, nullo nexu sibi habeant mancipatos. Non potest magis præsentaneum infundi venenum immediatæ Dei ordinationi, à nobis huc usque assertæ, quam si elusa illa pedibusque protrita, hominum subleestas machinationes, supra Deum ipsum attollimus. Apage ergo omnem ecclesiasticorum, quales quales sint, exemptionem, qui neque qua homines, neque qua incolæ, neque qua cives, eam ulla ratione tueantur. nam ordinis qualitatem sen characterem, quo se jactant aliqui, prætereo. Nihil æque indubium est, quam eam quæ debetur summæ potestati, sub qua vivimus, obedientiam esse juris divini.

ni. æque indubium est eandem illam qua talis est nunquam esse consilii, sed verius præcepti; & quidem istiusmodi quod in super habitum horrendas sibi pœnas in comitatum trahat. Si personæ ecclesiasticæ Regis sui summæ potestati se subducere possint pro libitu, cum tamen subditos eos esse negari non possit, etiam impune divinum jus abolebunt: quod absurdum. Habet (natura ipsa sic dictante) in se moralem bonitatem, obedientia: habet in se moralem turpitudinem, ab ejus imperio defectio, cui quem divina potentia obedire jussit. Contraria his molientes, non est quin merito dicantur supremis potestatibus non minus quam ipsi Deo ac naturæ, lymphato prorsus ac Titanico conatu, bellum inferre. Proximum à naturali jure est jus gentium. *Ex hoc jure, ut noster ait Hermogenianus, introducta bella, regna condita, discretæ gentes, dominia distincta, agris termini positi, & quæ sequuntur.* Non effugiat ergo hanc notam homo ecclesiasticus, quod subditus cum sit, sive nascendi sorte, sive electione, adscriptione, incolatu, aut quocunque demum modo, sibi conditionem subditi aut qualitatem status mutet; idque post condita regna, post discretas gentes, nec non in superioris, veri atque incunctabilis domini sui, præjudicium ac vilipendium. Iura civilia quoque non est ut attingamus. Hæc omnino istiusmodi homines temerario nixu ut impugnent necesse est, si quidem Imperatorum leges, personas ac res ecclesiasticas concernentes non admittant, aut tanquam alterius fori & ad se non pertinentes à se eant amolitur. At hoc qui
aulit

ausit nemo reperitur, qui non etiam historicae veritati
 ex professo obluetur, quod latius hoc ipso capite ex-
 sequemur, ubi ostensuri sumus, eam fuisse à primis sæ-
 culis vel ad Iustiniani Imperatoris nostri tempora senten-
 tiam, à qua nec diversi abierunt qui inde retro à Iusti-
 niani temporibus vixerunt. Idem dicendum de ordine
 politico, quem non leviter turbent & evertant adscitio
 hoc, ad exstruendam sibi exemptionem, vel ordinis ip-
 sius quem obtundunt mangonio. Certum est, inseri om-
 nes & singulos Reipublicae cives ipsi ecclesiae per baptis-
 mi sacramentum. at certum aequè, non eximi per ullum
 ecclesiae sacramentum ab obedientia quam debeant Ma-
 gistratui; nisi quis somniet ordinem hunc seu humanitus
 seu divinitus institutum ad evertenda & pessumdanda
 ipsius Dei mandata valere posse. Omnino non est, ut
 hoc tam levidensi ac vere ficulneo obtegumento sum-
 marum potestatum imperio se quis subtrahat. Ordinis
 porro politici præcipuum leges sunt, legum anima Ma-
 gistratus. at si neque leges admittant, neque exsecutio-
 nes earum; nemo non videat, quorsum hæc tendant.
 Sed transeo hoc levi brachio ut jam ante ceptum tangi.
 Vnum modo superaddam, quod & hoc pacto ipsa ju-
 dicatorum Majestas proteratur. Qua certè in te ipsum si-
 bi Apostolum contrarium habeant, qui & in iudicio se
 defendit, non alia utique de causa, quam quod & illum
 iudicem, & se subditum nosset: ait ergo, *Ex multis an-
 nis te iudicem esse huic genti sciens, bono animo pro me satisfac-
 ciam.* Defensionis summa est, Se neque in legem, neque
 in templum, neque in Caesarem peccasse. Idem Aposto-
 lus

lus ad ipsum Cæsarem provocavit, & beneficio civitatis Romanæ usus fuit: tantum ab est, ut sese exemptum à sæculari jurisdictione aut crediderit, aut haberi voluerit. Vidit & Petrus injecta collo brachia libero: sed exemptioni nulli innixus fuit, qua se, aut posteros suos, tam diræ subduceret tempestat. Ille omnium magister ac Dominus, carceri mancipandos, compedibus includendos, coram tribunali sistendos cum prædixit, non ut exemptioni suæ freti securi agerent jussit, sed ut innixi præsentaneo, qui suis ubique præsto est, Dei auxilio, non meditarentur quæsitos ullos sermones. ipsorum quippe in ora sponte ingestum iri, quod loquerentur. Hoc ille qui suis; qui Petro suo disertim & dixerat, & claves regni cælorum commiserat, in se ipso, ut jam dictum, probavit, & potestatem illam sæculari judici, se innoxium, etiam in ignominiosissimam, Deoque execratam mortem deruendi divinitus ac superne datam esse professus est; absque hoc longe & illam & quæcunque hujusmodi sit, potestatem fore. Non tulisset insolentiam verborum Pilati interrogantis, *An nescis quod habeam potestatem crucifigere te, & habeo potestatem dimittere te?* Si petendum ab hac exemptione præsidium putasset, utique petiisset. At sciebat quæ jam ante docuisset, & quæ illo ipso momento doceret, exemplo sanctissimo, omnibus imitando. Eadem fuit mens Petro, qui non ad cives, laicos, extra ecclesiam constitutos, sed ad genus electum, ad sacerdotium regiuni, ad populum sanctum, ad cœtum redemptum scripsit, *Subjēti estote omni humane ordinationi.* Videat quivis aut necesse esse, ut in malam rem

D

opten-

obtenſa illa clericorum faceſſat exemptio, aut ut exemptos qui ſe volent in Petrum ipſum ſive *modicus* ſive *modicus* crimen impingant. Scire interim deberent, quum Petrum hunc ſibi patronum habere affectant, quod non ſit diſcipulus ſupra Magiſtrum, neque ſervus ſupra Dominum. Niſi & forte deceptus eſt Salvator noſter, cum iſta eſt elocutus, niſi & forte manifeſtario erravit, cum audientibus diſcipulis, quæ Cæſaris eſſent, Cæſari reddenda pronunciavit. Accedit, quod non modo tota & in totum proteratur Majeſtas iudiciorum, ſed etiam illis in partibus, ſine quibus, nedum ſubſiſtere, aut ſe tueri poſſit. Redduntur in invitos iudicia: at ſi Eccleſiaſtici nolint, iudiciorum vigor, & in medio conſtituta juris publici tutela fruſtra erunt. Nequicquam iudex ſe torqueat, niſi malum quærit, etiam ab exemptorum, ſi diſplacet, ordine, anathemate feriendus. Iudiciorum præcipuum eſt æqualiter circa omnes explicari; cives dum ſunt, dum homines æque atque alii, dumque nec minus ſubditi, non poſſunt non cenſeri æqua cum omnibus lege. At nedum ut æqualem admittant, omnem reſpuunt, nullam non averſantur. Neque etiam illud quod inter præcipua juſtitia locatur, ſuum cuique tribuere, hic eſt ut pedem figat. Ut ait ille, & recte.

Adſit

*Regula peccatis quæ poenas irroget aquas,
Nec ſcutica dignum horribili inſeſtere flagello.*

Si ſubjectioni ſæculari Eccleſiaſticos placet ſubtractos, ſi delinquentes Eccleſiaſtico permittimus cœtui. quid fiet?

ut

ut est text. m. c. cum non Extra. de Iud. Clericus in furto, vel homicidio, vel perjurio, vel alio crimine deprehensus ab Ecclesiastico iudice deponendus est: qui si depositus incorrigibilis fuerit, excommunicari debet, deinde contumacia crescente, anathematis mucrone feriri. Postmodum vero si in profundum malorum veniens, contemserit, quum Ecclesia non habeat ultra quod faciat, per secularem comprimendus est potestatem: ita quod ei deputetur exilium, vel aliqua legitima pœna imponatur. Decretorius vero ille stylus, omnino is est, ad quem non devenitur, nisi casu quo hæreticus aut relapsus sit. c. ad abol. X. de Hæret. vel in proprium Episcopum conjuraverit Can. Si quis sacer. ii. quæst. i. vel. si falsum commiserit in literis Apostolicis. Can. ad. falsur. X. de crim. fals. At in Regem conjuret, sicarios excitet, animet, armet in unctos Dei, ipse sicarius sit, ipse parricida, uni ruinæ omnia pro se involvat, erit latere tecto, pœnas & suppliciorum piamenta ridebit, & tanquam infra se posita ex sublimi despiciet, ac ut ad se non valentia penetrare, etiam exhibebit. Est interim non punire, aut non inferre parem atrocitati criminis pœnam, unum idemque. Fremant reges, frendant, ringantur, statim audient, *Non habet ultra Ecclesia quod faciat.* His vero etiam missis, operæ erit videre, quæ priscis Christianis, purioris ævi traducibus, steterit circa hanc Ecclesiasticorum exemptionem sententia. Quo loco Christiani habiti facerit temporibus Tertulliani, nemo ignorat, vocabantur *omnium scelerum*, verba ipsius sunt, rei, *Deorum Imperatorum, legum, morum, natura totius inimici.* Si Tiberis ascendisset in mœnia, si

Nilus non ascendisset in arva, si stetisset cælum, si terra movisset, si fames, si lues: ilicet omnis in Christianos faba cubebatur. Vbi nunc exemptio? dormit. Non alia iustior, non alia major occasio erat asserendi, se, & exemptos ferendi à potestate sæculari. Si quod ullum, tum sane tempuserat si quam tuebantur exemptionem sanguinis etiam profluvio sancienti, vel absque hoc morituris & jugulum præbituris. Sed nihil minus factum. Quod attinet ad honores Regum & Principum, satis, inquit, prescriptum habemus in omni obsequio nos esse oportere, secundum Apostoli præceptum, subditos Magistratibus, & Principibus, & potestatibus. Idem in Apologetico adversum gentes, dominationem hanc illorum esse sive damnationem, civilem, non tyrannicam profitetur. Aggerare huc multa ex eodem Tertulliano, Cypriano, Arnobio, Theodoro, Theophylacto, Oecumenio, Iustino, Minutii Felicis Octavio, aliisque ut ut possim, non libet. Obvia sunt. cui otium est, quærat, operam non ludet. Pergamus. Trecentis ab excessu Salvatoris nostri annis involverunt Christianos novem quam horrendæ persecutiones: (unica quæ sub Diocletiano, triginta dierum plus minusus spatio septendecim ipsorum millia hantisse perhibetur.) Eadem Romanos aliquot Episcopos quos martyrii coronam adeptos Ecclesiastici annales testantur, in idem exitium secum traxere. At non meminere ulli annales eorum Episcoporum quemquã, aut de sua, aut Ecclesiasticorum exemptione vel per somnii umbrã quippiam ad posteros transmississe. At vero ut communi Ecclesiæ bono potestates summæ temporalem potestatem explicarent

rent ac tutarentur ab ipsis ecclesiasticis quæstissimas per preces adnixum fuisse multoties constat. Insignis ad hoc locus est ejus quem sub initium capitis hujus citabamus Leonis I. pariter citata jam nunc ad Leonem Augustum Epistola. *Debes incunctanter advertere, Regiam potestatem non solum ad mundi regimen sed vel maxime ad Ecclesiæ præsidium esse collatam, ut ausus nefarios comprimendo, & quæ bene sunt statuta defendas, & veram pacem his quæ sunt turbata restituas, depellendo scilicet perversores juris alieni, & antiquæ fidei, sedem Alexandrinam reformando, ut correctionibus tuis Dei iracundia mitigata, Regiæ civitati quæ antea admissa sunt remittat, non retribuatur. Constitue ante oculos cordis tui, Venerabilis Imperator, omnes qui per totum orbem sunt Domini sacerdotes, pro ea tibi fide, in qua totius mundi est redemptio, tibi supplicantes. In qua respecialius ambiunt, & quæ sequuntur. Sub quo primum eluctari & se attollere cœpit Ecclesia, auctior munificentia principum, & in spiritus majores quam pro decoro assurgens, fuit Imperator Constantinus. Sed ne tum quidem de exemptione somniatum. Præsidem Nicæna Synodus habuit Constantinum, ei libellos supplices à patribus porrectos liquet: ipsum Imp. Constantinum de plano jura petentibus iisdem dedisse, certum est. Notat Ecclesiastica Historia, maximam Concilii partem verbis illius obtemperasse, & mutuam concordiam, doctrinamque sanam fuisse amplexam: Theodoret. Hist. Eccles. lib. 1. c. 7. Idem de se Constantinus, in hanc rem, apud eundem Theodoretum; *Erga istos ingratos aliquod supplicium censis statuendum, & propterea mandatum dedi, ut à suis subrepti sedibus quam longissi-**

me relegarentur. lib. I. c. 18. Nec omittendum, quod idem cap. insequenti, nempe 19. dicti libri exemplum sup-
 peditat in Constantino, Episcopis ut Tyrum conveni-
 rent jubente. His Imperator verbis utitur; *Quod si quis*
nostrum mandatum etiam jam callide rejicere studens, recuset ad
concilium adventare; hinc à nobis aliquis mittetur, qui eum Re-
gio mandato, de sua dignitate deiciat, doceatque non decere quen-
quam decisioibus Imperatoris pro veritate editis adversari.
 Cui illud quoque consonum, quod de eodem Constan-
 tino Eusebius attestatur. Quod Ecclesiæ Dei peculia-
 rem sollicitudinem impartiens, cum per varia loca exo-
 zirentur dissensiones inter Episcopos, ipse (notentur ver-
 tur verba) *ceu communis Episcopus à Deo constitutus mini-*
strorum Dei indicebat conventum. His sumus contenti, Sin
 vero etiam Iustinianæum Codicem excussum imus, vi-
 dere est, Valentinianum, Valentent. & Gratian. A. A.
 antistitem, qui sanctitatem baptismatis illicita gemina-
 tione usurpaverit, sacerdotio indignum esse censuisse
 lib. I. C. ne Sanctum baptismum iteretur. Offert se titu-
 lus de Episcopali non jurisdictione, (est enim ea impe-
 rium seu potestas de publico introducta, cum necessita-
 te juris dicendi, & æquitatis introducendæ, qualis qui-
 dem in Episcopos non cadit) sed de Episcopali dun-
 taxat audientia, quæ, & cur, & qua forma, & quo mo-
 do concessa sit, ex dicto titulo satis claret. Hac ipsa si
 væcordes turgescunt indulgentia, consulant l. l. adductas
 C. cod. tit. ubi disertim Impp. Arcadius & Honorius,
Si tanta clericorum aut Monachorum est audacia, ut bel-
lum potius, quam judicium futurum existimetur ad clementiam
nostram

nostram commissa referantur, ut arbitrio nostro max severior ultio procedat. Quæ in Chalcedonenſi concilio fuere decreta, Marcianus Imperatorem ait ſtatuta fuiſſe per imperatoria (noſtra enim ait) præcepta; quæ nolit in diſceptationem trahi. Sequuntur verba textus: Si clericus ſit, qui tractare publice de Religione auſus fuerit, à conſortio clericorum removebitur. L. Nemo clericus C. de ſumma Trinitate. Evidentiſſimum teſtimonium eſt, non alio ſubjectionis gradu Eccleſiaſticos habitos fuiſſe, quam cæteros ſubditos, quod pari mulcta utrique provocantes à cauſſa præparatoria, non lædente cauſſam principalem afficiantur. Textus eſt, de Laiſis aut Sæcularibus, in l. ab exſecutione C. quorum appell. non recip. de clericis ſive Eccleſiaſticis in l. Si clericus C. de Episc. audient. Vbi totidem verbis textus; Si clericus ante definitivam ſententiam fruſtratoria dilationis cauſa, ad appellationis auxilium convolaſſet, mulctam quinquaginta librarum argenti, quam contra huiusmodi appellatores ſanctio generalis imponit, cogatur perſolvere. Dum vero in manibus Codex Juſtinianeus, perperam Juſtinianum ipſum omittimus. Sic ille Novellam 137. orditur. Si civiles leges, quarum poteſtatem nobis Deus ſua in homines benignitate credidit, firmas ab omnibus cuſtodiri, ad obedientium ſalutem ſtudemus; quanto plus ſtudii adhibere debemus, circa Sanctorum Canonum & divinarum legum coſtodiam? At qualis illa cuſtodia? ſua ſe jurisdictione in Eccleſiaſticas perſonas ſuſtentans. Teſtem cico L. 33. C. de Episc. & Cler. Vbi. Imperator, aſſertor & hic illius, indubie quod habet juris, omni-

omnibus qui sunt, & posthac futuri sunt, orthodoxæ fidei sacerdotibus, & clericis cujuscumque gradus sint, & monachis judices ordinarios assignat; præsidēs provinciarum. Non quidem eo inficias, liberum fuisse etiam instante judicio, causam ad Episcopum evocare, quod pro magno exemptionis fundamento jurisdictionis, quæ Episcopis competat nonnulli habent: sed repono, probatum non iri, ne cessitatis id fuisse, aut eo quempiam adigi potuisse, ac constringi: quo cessante, necesse est eorum ex tribu ut sit, quæ liberé fiunt; cujusmodi actus I. C. indigetant actus meræ facultatis. Tantum abest, ut ibi locus sit judicio, quod in invitum reddatur. Expressim textus L. 8. C. de Episc. Aud. sic habet; *Si qui ex consensu apud sacra legis antistitem litigare voluerint, non vetabuntur*. Proinde non hoc exemptioni deputandum, sed prorogationi, non jurisdictioni Episcopi, quam habeat privatim, aut privative, sed quam modo ex reciproco ligantium nanciscatur consensu. Novum hic nihil, aut à dispositione Iuris communis alienum. *Si se subjiciant aliqui jurisdictioni & consentiant*, I. C. Ulpian. in l. 1. ff. de ludiis *inter consentientes, cujus vis judicis qui tribunali præest, vel aliam Iurisdictionem habet est jurisdictionis*. Quo vero nemo hæc aliunde applicata, neget ita esse, stet pro omni decisione Sancitum Imperatoris nostri. Sic ille in L. Sancimus d. tit. de Episc. Aud. *Si civilium rerum controversia sit, volentes questionem apud antistites instituire patiemur, invitos tamen non cogemus*. Sin & auctoritati quid deferendum, & Ecclesiasticæ personæ, & magni nominis antistites fuere Augustinus, Bernardus, Thomas; Hipponensis, Clarus.

Clarovallensis, de Aquino. Primus ille in expositione quarundam propositionum Epistolæ ad Romanos sic ait: *Quum anima constemus & corpore, quamdiu in hac vita corporali sumus, oportet ex ea parte quæ ad vitam hanc pertinet subditos nos esse potestatibus id est hominibus, res humanas cum aliquo honore administrantibus.* Secundi est: *Secularitatem contemnitis. sed secularior nemo Pilato, cui Dominus adsciscit judicandus.* Epist. 42. ad Archiep Senon. Sin & Bernardi exemplum petitur, sic ait Serm. 47. super Cantic. *Vtrumque es mihi Domine Iesu, & speculum patiendi, & premium patienti.* Postremus in cap. 13. Ep. ad Rom. *Interim dum corruptibilem carnem gerimus, oportet nos carnalibus Dominis subjacere.* At non sit nobis, neque esse debeat major ulla autoritas, quam illa quæ elucet in prudentia & directione ipsius Sancti Spiritus, calamum & hortamenta divi Pauli sic dirigentis atque adgubernantis, ut quo loco sedes erat supremæ potentiae, quo loco & Romanus episcopus, e cujus officina Ecclesiasticorum exemptio prodiit, esset potentiae summæ sedem defixurus, eodem loco non temerandæ aut aut revellendæ autoritatis tибicine fulciret suum præceptum, debitam temporalibus potestatibus obedientiam concernens. Iudicavit id non obscure D. Chrysostomus nobis geminato citatus, & ad Ecclesiasticas personas spectare demonstravit. *Facit, inquit ille ad d. Paulum locum, Apostolus, ut ostendat, Christum leges suas non ad hoc induxisse, ut politicas evertat. sed ut ad melius instituat, ostendens quod ista omnibus imperentur, & monachis & sacerdotibus.* Et Paulo post. *Etiamsi Apostolus sis, etiamsi Evangelista, etiamsi Prophetæ, sive tandem quisquis es.* Agno-

E

scit

scit divinus præsul hæc ad commune bonum sic intendi, ut & qui bono communi deesse nolit, qui publicæ utilitati non adversari, obedientiam hanc amplecti debeat. Vnde & alibi inquit: *Hæc est Christianismi exacta definitio, hic est vertex super omnia eminens publicæ utilitati ubique consulere.* Plura non addo. Suffecerint hæc asserendæ veritati, quam tutamur, aut nihil, quod satisfactorum sit, adducetur.

CAP. VI.

Potestatem summam supra leges quoque esse.



Vjus in quæstionis discussione, frequenter utuntur D. D. verbis l. Princeps ff. de l. l. ubi dicitur, *Princeps legibus solutus est*, & veritatem illius legis ad amussim explorant. Sed minus recte. Ut enim hâbitum privatio, ita solutio nexum supponit. Est agendum citra ambigui involuera. Quærendum ergo, Sitne is, cui absolute summam potestatem exercendi jus est, quive eam ipso facto exercet, & quidem beneficio juris quod titulo recto tuetur, in tantum supra leges omnes omnino, ut illas excedens aut violans, à nullo, præterquam Deo solo, puniri ob hoc possit. Quanquam alias si legibus solutum esse idem sit, quod non obstringi legibus, non subjici imperio legum, facere ei quod lubet licere, res dubio careat. Ut dicam quod sentio, præmittendum est,

est, bifariam considerari debere eos qui habent potestatem absolutam; ratione Dei nempe, & ratione subditorum quibus præsunt. Ratione Dei etiam gentili poetæ scitum est,

*Regum timendorum in proprios greges,
Reges in ipsos imperium est Dei.*

Quod Deus vult, Regi in legem cedit, quam nec ei fas sit non exsequi. Cum vero Phophetæ Danieli Deus indigetetur Deus Deorum, & Dominus Regum, superfluum, imo impium sit, dicere divinis legibus quempiam solum. Eoque cum dicitur, Regem habere potentiam absolute summam, non hoc dicitur ratione ejus quod immensum atque infinitum est, quale Deus; sed quod finitum est, & quia finitum, Deo, qui infinitus est, suppositum atque obnoxium. De lege naturali res non æque est expedita. Impium sit ambigere, an, quatenus lex naturalis est lumen vultus divini, de quo Regius vates, Impressum est nobis lumen vultus tui Domine, ei obedire teneatur, quatenus animus, religio, atque interno ac sacratione stimulo mens subacta, rei gerendæ moralem turpitudinem vel bonitatem adesse aut abesse, ultro, per se, nullis externis irritamentis proritata, aut induceta, significat, ac sic informat, ut non possit non eadem, velit nolit, assentiri. Hic certe obnoxium se feret, & ut Deum, ipsam sequetur naturam. Sed, quid si occurrat utrimque æquum, & quidem naturaliter? Quin dicamus intrepide etiam legibus naturæ solum? Si enim, æquiore dato, constat minus æquum

non obligare; dicendum, non omne quod natura dicet faciundū, eum obstringere. At vero ut solutus habeatur, qui astrictus non est nihil intercedit. Ut ait I. C. Tripho-
ninus, *ea demum vera justitia est, quæ sic unicuique suum tri-
buit, ut alterius justiore petitione non removeatur.* Ergo in pe-
titione justiore dirigit eum naturalis ratio ad illam ip-
sam: quæ eadem naturalis ratio, ipsum coegisset, absque
hoc foret, suum tribuere, petenti quod erat justum. Por-
ro si quid casus se offerat, in quo cessare, omittere, aut ne-
gligere ipsi integrum non sit, in quo utrimque naturale
dictamen sic pugnet, & inter se committatur, ut in neutro
aut directivam naturæ vim, aut coercitivam amplecti
possit; ut in Abrahamo filium suum immolare jussio?
Scio reponet quis, omnino Abrahamo non attendenda
fuisse naturalia, obaudiendum fuisse Deo, naturæ Domi-
no. Sed intercurrent multo plurima, quamobrem non
omnino de facili talis solutio admitti possit, in quæ nunc
me non intromitto. Sed quid si non interveniat aliquod
imperium Dei, ut in primo isto salomonis judicio. Certe
prohibeat natura dissecandum tortori tradere innoxium
infantem, prohibeat non profutura segmenta in incer-
tam matrem dividere: divisa sic velle, turpitudini morali
vicinius erat, quam ut vel minus ad ullum bonum col-
limaret. Si quod animo occupaverat Rex fore, ut ma-
terni affectus pietas se manifestaret, non successisset; puta
hebetato matris veræ & genuinæ sensu, aut per dolorem
evicto, illa intrin in duritie cordis sui, quæ hypoboli-
mæum sibi fœtum vindicare contendebat, perstante, aut
alias Deo ob latentes causas sic permittente, sic dispen-
sante;

sante; si executioni mandata fuisset sententia, quæ hic iustitia fuerat futura? quæ æquitas? quod iudicium? At cessare Salomoni non licebat, tribuendum unicuique suum erat, jus reddendum petentibus. Probavit Deus non tantum regis effatum. quin hoc ipso factum, ut impressus, ille regibus divinæ majestatis character profundiore sulco in animos ipsius subditorum se penetraverit. *Quum audirent omnes Israelita quod judicaverat Rex, timuerunt à facie Regis, videbant enim sapientiam Dei in eo esse ad exercendum iudicium,* ait sacer Codex. Solutum ergo tali casu naturæ legibus Regem ausim dicere, qui tamen maximum hic temperamentum requiro. Solutum credo, quia docet me idem sacer Codex, Regem esse à Deo immediate constitutum, quia cor Regis in manu Dei, quia cordis Regii pervestigatio non magis datur, quam aut altitudinis cœli, aut terræ profunditatis: cui rei causam primo capite hujus libri jam nunc exposui. Quin cum Deus ipse sit, qui Regibus utitur ut organis; multa quæ nos fugiunt, & intellectum nostrum, per illorum explicat ministerium, quæ nobis non nisi à posteriori novisse conceditur, ipsi Deo decreta, à priori nota, & Regum animis divinitus inspirata. Quo & valide me impellit, quod etiam jam ante citavi, quod dicitur, honorem Regis esse rem pervestigare, quam Deus cæterorum oculis subductam, vel hoc ipso quod subduxerit, in honoris sui argumento habet, ut pote quam neque ulli præterquam Regi liberum sit rimari. Eo autem liberius id me sentire profiteor, quia scio & sciunt omnes mecum, qui sacras literas legerunt, enixe velle Deum ut Rex subditis suis inviolabi-

lis habeatur & sacrosanctus. Quippe qui sibi soli reservatas esse pœnas voluerit & relictas, quibus in Reges, non ex mandato suo regnum administrantes detumeat. Ut uni, soli, supremo, Spirituum regionum (sic eum Rex propheta vocat) vindemiatori. At vero si non essent solutæ istis, quas dixi, legibus naturæ, summæ potestates; si in istas impingentes averſari, insurgere, bello persequi, solio dejicere, regno, rebus omnibus, omni divino humanoque commercio excutere liceret, parata regnis & publicis quibuscunque rebus esset omni tyrannide peior Anarchia; esset Babylonica multis parasangis antecursura confusio.

Temperamentum, quod hic requiro, duplex est: primum, ut quovis modo curet, ne ullo omnino modo naturæ, aut naturalibus, qua honestati, qua præceptis, inferatur injuria, illatam vindicet, propulset, eoque in penitissimum sacri pectoris scrinium admittat aureum illud Imperatoris nostri dictum, *Oportet communibus existentibus contra naturam injuriis, communem super his esse iudiciis prohibitionem atque vindictam*. Alterum, ut ante omnia ad os Dei recurrat, precibus, jejniis, suppliciis illius auxilium atque opem petat, illius in quo vivimus omnes, vegetamur, & sumus: consilio etiam, si res ferat, fidelissimorum, prudentissimorum, & quorum in salute regni conservanda maximum interesse veritur, quique adeo, nisi regno salvo, salvi esse non possunt, adhibito. Fabulantur gentiles, etiam suos Deos Consentes Iovem habuisse. Seneca alibi, *Nec Iovi quidem ipsi, si aliquid fulmine percusi debet, suum consilium satis est: admittit Deos autores*. Eo peracto, non est ut attendat, durumne sit quod designat,

an

an ex traverſo hunc aut illum laſurum, huic aut illi legis parti minus reſponſurum, totam modo curet rempublicam, habeat pro ſuprema lege publicam omnium ſalutem, ſciat unum imperii corpus una anima ſibi regendum, vim ac jus principatus non eſſe reſolvendam, illaudatas in conſiliis & turpes moras eſſe, quæ non niſi per actum laudentur. Nec aberit ſucceſſus. Bene cognoviſcimus, ait Imperator noſter, quod cum conſilio noſtro fuerit ordinatum, id ad beatiitudinem noſtri Imperii, & ad gloriam noſtram redundare. Sin & ille abſuerit, ſin bene agitata deſtituerit, ferat. Nunquam ſucceſſu creſcit honeſtum: dum fert, ſecurus ſit; & cum regum præſtantiffimo Committat Domino vias ſuas, ipſe faciet. Sed conſtringamus ſermonem intra deſtinata. Succenturiatur Naturali Iuri Ius gentium, cui & ipſi ſubefſe poteſtates ſummas qui velint, ſunt non pauci. Sane, quatenus Apoſtolus ait, *gentes quæ legem non habeant natura aut naturaliter facere id quod ſit legis*, & quatenus idem divinæ juiſſionis dictamen eſt, quod naturæ, atque taliter uſu atque actu ipſo exprimitur à gentibus bene moratis, omnino iis attrineri eas, ſtatuumdum eſt. Quatenus quoque illa quæ gentium juris circumferuntur, poſt condita regna, gentes deſcretas, &c. Vltro atque incunçabiliter oſtentant, hæc aut illa eſſe per ſe bona, per ſe mala, amplexanda, fugienda, non magis ſe illis, quàm omni humanitate exuant. At vero qua non omnia ex æquo ubicumq; ſunt recepta, non omnia uno eodemque bonitatis habentur æſtimio, non eſt ut adſtriçtas pronunciem, ſed liberæ atque immunes, dommodo nequid abradatur illis, quæ quaquaverſum obſervata, ipſa natura,

ac natura potentior Deus, omnino insinuant, perpetuo servari debere. Postremo loco sunt leges civiles & positivæ. Quas ipsas suo momento, qua idem cum divinis institutis, præceptis naturalibus, & in utraque ista conspirantibus bene moratarum gentium moribus habent, servandas Regi asseverare non dubito. Illas, qua donum Dei lex est, reverenter habebit, quatenus communem Reipublicæ sponsonem continent, non magis negliget, quam ipsam Rempublicam. Quidquid à Demosthene dictum est, quidquid à Chrysippo Stoico, nempe, *Legem esse cui obtemperare omnes conveniat, tum ob alia multa: tum vel maxime, quod omnis lex inventum ac munus Dei est: decretum vero prudentium hominum: coercitio eorum quæ sponte vel ignorantia committuntur: communis sponso civitatis: ad cujus præscriptum omnes qui in ea Republ. sunt vitam instituere debeant.* Item, *Legem esse omnium divinarum & humanarum rerum reginam, oportere autem eam esse præsidem & bonis & malis, & Principem & ducem esse, secundum hoc, regulam esse justorum & injustorum, & eorum quæ natura civilia sunt animantium præceptricem quidem faciendorum, prohibitricem vero non faciendorum.* Et si quid denique commendare leges magis ex augusto potest, jugiter ipse observare, atque etiam sequi volet. Sed alia est consideratio legis, qua talis, alia legis civilis. Ius civile, ut est in Instit. *est jus cujusque civitatis*, ut jus civile Atheniense, & propter excellentiam, jus civile Romanorum. At ne ne quempiam Principum aut exterarum gentium alligat jus alienarum civitatum, nisi ultra admissum ac receptum. Non obligat etiam jus illud quempiam, præter

ter eum qui ejusdem juris utitur communione. Eo ipso quod ceteri externi sibi mutuo sint, alii Regi, alii statui subditi; cessat omnis illa, quæ, hoc nisi esset, obligationem juris introducere posset, juris communio. Sumpta ergo largo isto significatu voce Iuris Civilis, omnino immunis & liber est Rex ab isto jure, ut quod ne per communionem ipsum tangat, nedum ut obliget ad observantiam sui. Sed enim vero quandoquidem plurimis in regnis, rebus publicis, locis, recepta sunt civilia Romanorum jura, despiciendum est, an sit supra omnia illa positiva ac civilia jura qui jus habet summæ potestatis, an vero eis sic sit obnoxius, ut non modo vi directivæ, sed etiam coactivæ earundem teneatur deferre. Ego absolute supra omnia illa esse dico. Movet me ipsa majestatis natura; hæc cum superiorem non agnoscat, nihil datur quod illam legibus subjiciat, aut ad earundem observantiam præcise cogat. Movet me conditio legum, quas non male *Virtutes armatas* alibi Seneca vocat, eo quod in gyrum atque ordinem cogant malos mores. Sunt leges scita superioris potentia, quibus in officio continentur qui officium suum facere detrectant. At non est, ut cum superiorem non agnoscat Majestas, ei leges quibus substernatur, præscribi possint. Perinde itidem non, est ut leges ipsas armet si non vis ac potentia aliqua superior. nisi forte leges somniare placet, quales leonibus lepores tulisse apud Aristotelem in Politicis fabulatur Anaxthenes. Iunge, quod ut leges summas potestates suis nexibus attineant, opus sit eas aut à superiore latas, aut à subditis, aut ab aliquo cui æquale jus est ac potentia.

F

Atqui

Atqui superiorem Majestas non agnoscit, ergo non à superiore. Ut vero quibus obsequii gloria relicta est superiori legem ferant sana ratio negat. Ut neque æqualem ferat, quod summum est: esset enim ipsum illud æquale summum. duo autem summa dari non possunt. Summæ vero potestati æqualem si adjunxeris æque summam, jam neutra erit summa. Æque est ac si dicas dari duo infinita, contra infiniti definitionem, quæ id demum infinitum docet extra quod nihil assumi possit. Si quis infinita duo ponere vellet, utrumque destrueret: idem de summis potestatibus dictum esto. Divine in casu hoc nostro in Oratione contra Idol. D. Athanasius, *Ut multitudo Deorum nullitas est Deorum, ita quoque necesse est, multitudinem principum efficere, ut nullus esse princeps videatur.* Accedit quod se ipsum cogere nemo possit: at si legibus obnoxius sit Princeps, & leges in se ipsum exsequi teneatur, iam illa quæ penes ipsum est Majestas, desinet esse in ipso id quod est. Nisi eo provolvi lubet, ut dicamus simul quid esse posse, & non esse. & cum Majestas non possit esse non summa, quod autem legibus subjicitur non possit esse summum; necesse est, aut falsum esse, quod de subjectione legum adfertur, aut Majestatem non recte definiri potestatem absolute summam. Et quando quidem hæc quæstio I. C. proprie tangit, videamus, sodes, etiam dictum jus civile. Hujus ego dispositioni innixus idem sentio. Fundamentum est mihi lex tricesima prima de Legibus ff. ubi totidem verbis, *Princeps legibus solutus est:* abrogatam autem hanc esse legem nusquam apparet. Atqui vero, ad illum effectum, ut Princeps non esset legibus solutus, abrogari debuerat, & quidem specificè, expressim diser-

disertimq; neque ad hoc ulla tacita abrogatio aut elicitā, cerebrina atque imaginaria suffecerit. Quāquam (quod alterius quæstionis sit) abrogari potuisse, etiam omnino negem. de quo inferius. Inter cæteros qui abrogatā hanc legem volunt, est (unum omnia moventem aliorum argumenta, quo uno labore absolvam, liceat refutandum excipere) illustre Iurisprudentiæ politionis decus Valens Forsterus, eruditissimis, quos de Romana iurisdictione annum septuagesum octavum ingressus, scripsit libris. Primum quo movetur est, quod Alexander Severus, non quidem expressa constitutione imperatoriam hanc potestatem, ut legibus soluti essent diminuit, sed tamen in iure dicundo ac rescribendo, se iuri communi subiecit. Verum enimvero omnino leviculum id est, & arti magis imperatoriæ, quam ulli præter hoc rei imputandum. Novit hoc qui vel à limine salutavit Romanam historiam, de facili autem ille omnino transmittat, qui modo memor sit moniti ad Tiberium Sallustiani, ne cuncta ad Senatum referendo, &c. Sane nihil æquè tralatitium Imperatoribus occurrit, nihil minus quam id ipsum in animo habentibus. Sic faciundum erat, quo serio se libertatem cum modo velle persuaderent, qui non nisi sine fine dominatum, vastis & immoderata cupientibus animis, qua pote, protrudebant. Libertatem præferebant, libertatem everfuri. omnis id atas, omnis experientia testatum fecit. Sed nec verum, quod se iuri communi subjecerit, ut iuri communi, neque enim vel tantillum supremæ potestatis jura per illam constitutionem d.l. Princeps diminuit, nedum ut induxerit aut aboleverit: sed submittendo se, ideo atque ob ipsam illam submissionem jus

commune esse debere observantia propria testatus est. Sic Gallix Reges componunt se ad placita atque edicta Parliamentaria. Cum Parlamentum multoties non admittit, aut ut loquendi tralatitius in istis mos, non verificat edicta Regis, non submittit se Parlamento Rex, ut superiori suo, cui ad strictus sit, neque Parlamentum effert se supra regem, sed fit hoc ex puro atque absoluto regis arbitrio. Nempe dum Rex vult, non aliter edicta vim suam fortiri, quam si Parlamentum examine exacto instituto comperit, esse ea non per sub & obreptionem impetrata, principe circumducto, aut occupato, aut minus instructo, sed omnino è bono publico esse, ut promulgentur & servantur ab omnibus. Verbo ut absolvam, hoc cum ita Parlamentum facit, non ostendit non posse Regem id facere, quod Parlamento improbatur, sed facere nolle. Illæsa, nec hilum imminuta potentia Regis, non sat recte informata voluntas statuentis, in ea defectitur, quæ sint è bono publico, utique ei non adversentur. Quæ res, ut recte iudicatum ipsis Gallix Regibus, Majestatem principis facit illustriorem, dum eos tam insigni argumento patet totum Regnum curare, quod absque hoc Parlamenti in partem laboris & curarum venientis adjumento, vix possibile sit. Quippe cum singulorum negotiis Reges superesse non possint, cum alienis oculis multo plurima cogantur videre, alienis auribus audire, eoque multa in dies fiant legibus adversa, multa committantur quæ ad Reges non perveniant, multa etiam saluti publicæ apprime necessaria, legibus omittantur, non est aliud salubrius quam parliamentarium examen; in quo

quo ut suadendi auctoritatem Reges obviis ulnis amplectuntur, ita jubendi potentiam non admittunt, nisi qua salutem populi pro suprema lege sacrosanctam habent servanque. Atque huc forte referendum est illud I. C. *non ambigitur Senatum jus facere posse*. Quam autem verum sit, auctoritatem juri talem non aliunde circumdari, monstrant illa Iustiniani, qui non uno post Alexandrum saeculo vixit, in L. Humanum. C. de l. l. *Scitote*, inquit ille, *Patres Conscripti, non aliter legem in posterum à nostra clementia promulgandam, nisi supradicta forma fuerit observata*.

Quæ à Forstero adducitur lex, ex imperfecto C. de testamentis, etiam tota est politica, & ad politica stratagemata seu *negotia* referenda. Cum multi vitæ fortunarumque suarum haud nimium securi agerent in Imperio Romano, & præsentaneum sæpe ex opibus nimis exitium immineret, Imperatorem ipsum testamenti tabulis nuncupare solemne erat, tabulis de cætero remanentibus imperfectis. Tam autem male sancta compendia aucupari bonos Imperatores noluisse, mirum non est, eoque constituisse, non posse se vindicare hæreditatem, ex testamento tali. Verbum constituisse clare vel per se hoc demonstrat, & ipsam hanc voluntatem principis haud aliam fuisse evincit, neque legis præter d. constitutionem ullas hic esse partes. Tantum abest, ut dissolvatur hac lege potestas principis, ut intendatur potius, & quidem contra ipsam legem. Non enim quæsitum est, an princeps esset legibus solutus, quod inconcussum perstat; sed quia lex eum imperii solvisset solemnibus, an vi legis ei non esset integrum adire illam ex testamento

imperfecto hæreditatem; quod negat Imperator, & legi imperii, quam inducit antiquatque, suam ipse constitutionem ante ponit. Liceat hoc dicere, non videre me, cur qui solemnibus sit, si solemnitas essentialis sit, non etiam ipsa lege dicendus sit esse solutus. Quæ porro habet d. l. nihil tam esse proprium Imperii, quam legibus vivere, utque est in l. digna vox C. de l. quod *digna vox sit Majestate regnantis legibus se alligatum Principem profiteri*. Vbi etiam adjungitur, *Adeo etiam de autoritate legis nostra pendet autoritas, & revera majus imperio est submittere legibus Principatum*. Et oraculo præsentis edicti, quod nobis licere non patimur, aliis indicamus; illa nequaquam eo tendunt, ut d. l. Princeps velint adversari. Agunt d. ll. Ex imperfecto & Digna vox non de potestate Imperatoris, sed de officio illius. Legibus alligari, vivere secundum leges, cum Majestatis natura non pugnat, sed subjici, sed obligari vinculo juris. Habent præterea d. ll. quid quod se non ad præceptum componat, sed ad exemplum. Alexandro autem Imperatori cujus est illa l. Ex imperfecto, fuit cum primis familiare, ut, cujus testis Lampridius, ageret censuram de moribus suis. Et ne Alexandro hoc uni debeat, vita Principum censura perpetua est, ad quam subditi diriguntur, ut quibus multoties non tam imperio opus est, quam exemplo. Tantum vero abest, ut derogare quid potestati suæ voluerint, ut ex adverso, eodem illo titulo, non modo supra omnes leges, sed supra ipsos quoque judices & eorum judicia eam extulerint. Prius patet ex L. Leges Sacratissimæ C. de ll. verba sunt, *Si quid in iisdem legibus latum fortassis obscurius fuerit,*

fuert, oportet id ab Imperatoria interpretatione patefieri, duritiāque legum nostræ humanitati incongruam emendari. Posterius ex l. i. C. eodem. ubi Imperator Constantinus, Inter aequitatem jusque interpositam interpretationem nobis. solū & oportet & licet inspicere. Quæ tam clara sunt, ut superfluum sit dissolvere velle. Quod Forsterus infert ex verbo judicamus, quod est in d. l. digna vox, quasi diceretur judicamus, ut ostenderet parem in parem imperium non habere, cum alias dicturus fuisset mandamus, idque pro imperio; satis superque binæ quas attuli leges hanc tam parum stringentem illationem enervant. Cumque omnia cætera D. Forsteri allegata tantum ad officium Principis spectent, potestatem non tangant, neque ullus mortalium neget, Principes quibus Deus arbitrium vitæ & necis, potestatem in omnia concessit, sive componere debere, ut quæ officii, satagant: officii autem esse non minimam partem, ut vitam secundum leges instituunt, & quacumque fieri potest vitæ ac juri subditorum civili conforment aptentque; non est ultra eis ut nostra hæc impendamus. Alii civilibus legibus non quidem promiscue solum Principem volunt, sed duntaxat suis, ut ipsi sibi, quod in diverbio est inter practicos, manus non liget: alii ad legū solemnia, & caducarias leges, de quibus jam maximam partem egimus d. l. Princeps restringunt: alii negant pœnalibus legibus Principē atineri. quæ omnia simpliciter prolata, simpliciter esse vera jure merito negari possit, excepto illo quod dicitur de pœnalibus legibus, quarū alia res est, ubi non Regem penes, sed penes regnū potestas est absolute summa, utque distin-

distingunt Scholastici, ubi non personalis, sed realis est majestas, ac pro majestate jus, seu personæ seu regno datum. Omissa vero Majestatis illa inter realem & personalem distinctione, nullo negotio evinci potest, quod de pœnali lege observat Cujac. l. 26. Obs. c. 3. Cur ergo solutus est? ait Cujacius: quia si deliquerit non punitur, quia ab omni executione immunis est. Cur vero immunis est, nisi quod desit, qui eum punire possit? Salm lex punire non potest. At vero ecquæ legis etiam fingi obligatio potest, si commissum in legem quæ excipiat pœna non invenitur? Prorsus nulla. Amplius dicam. Quæcunque legis obligatio est, ea aut obedientiam ponit, aut pœnam. Consequens est, ubi ulla dari pœna potest, ibi neque legis ulla dari possit obligatio. deficiente obligatione, deficiunt virtus, anima legis, ipsa lex, nedum illa vis, quæ potestatem illam absolute summam habeat sub se. Ut veniamus in rem præsentem, Princeps in Romana civitate Romulus fuit. Illi leges nemo tulit. Non Senatus: lectus enim ille à Romulo, non ab illis Romulus. Non populus: urbem eum Romam primi Reges habuere. Ipsum Romulum quod concernit, lege lata constituit, ut de gravissimis criminibus inter subditos ipse decerneret, de levioribus Senatores. Leges, ipse superior tulit; leges à Senatu, à populo nullas accepit, nulli legum vinculo se innexuit. Notatum quidem Tacito præcipuum Servium Tullum legum sanctorem fuisse, quæis etiam Reges obtemperarent. Sed recte rem introsipientibus non est ut nimium large hæc asserentis Taciti dicta sumamus. Prorsus ita est, legem Regiam simul cum

cum ipsa urbe natam, Livius agnoscit. Servii autem Tulli factum omnino singulare. Factus erat perduellionis reus Horatius. Fecit ei Tullus licentiam, si Duumvirum iudicio vincere tur, cum Duumviris procuratione ad populum certandi. neque mirum: fontem absolvere non poterat, invidiam ingratiſſimæ ſententiæ ſubire formidabat. inveniendum erat temperamentum bono viri fortis, patriæ libertatis aſſertoris, patriæ patris, rei tamen, & dampnandi. Vt cumque cecidiſſet ſors, quo ne in ipſum ſcævum quid recideret cautio fuit; ea ſcilicet ut injuriæ, ſi liberaret nocentem, ingrati animi notam ſi condemnaret, à ſe amoliretur. Id ipſum ab illo factum, ut vero populum vel ſuperiorem ſe, aut ſibi parem agnoſceret, longe abſuit. Argum. ſit quod, ſi quid Halicarnaſſæo, ſi quid Livio credimus, ipſe ſibi Tullus majestatis crimina reſervavit, privatorum quaſtionibus ad populum delegatis. Stantibus intra factum ac cauſam Horatii, manifeſtario pervincit res ipſa non derogaffe ipſum vel tantillum juri ſupremæ, quæ penes ipſum erat, poteſtatis: ut qui abſolutum populi ſententia victorem Horatium, etiam poſt abſolutoriam, hoſtili more, miſerit ſub jugum. Quo nihil manifeſtius, quam poſt ac ſupra populi deciſionem exercuiſſe ipſum jura ſummæ poteſtatis. Stultum quippe ſit (ita cum Vlpiano l. C. effari liceat) monere, à principe appellare fas non eſſe, cum ipſe ſit qui provocetur. Vt vero clarius dicam, juriſdictio quam populus exercuit, Tulli concedentis fuit, eoque non populi propria, ſed delegata, ſed mandata à ſuperiore. Quid vero quod neque mandata ſimpliciter fuit, ſed ab eventu conditionis ſuſpenſa: ſi enim certami-

ne superiores fuissent Duumviri, ne quidem condemnandi populo potestas facta, cujus omne jus intra absolvendi facultatem coercitum; omne penes Regem jus condemnandi. Ita disertim habet horrendi criminis lex: *Duumviri per duellionem judicanto: si à Duumviris provocarit, provocatione certato: si vincent, caput obnubito, infelici arbori recte suspendito: verberato vel intra pomarium vel extra pomarium.* Quæ qui observare dignabitur, non dubito judicabit vel ex hoc ipso exemplo planum fieri, jam tum à Principio V. C. Principem fuisse supra leges. Quo ne accumulemus non necessaria, poterit omitti potestas Dictatoria, quæ tamen, Livio teste, talis, ut adversus illius vim Tribuni pl. aut ipsa plebs, ne attollere quidem oculos, aut hiscere auderet. Veniamus ergo ad tempora Cæsarum. Sub Severo vixit Papinianus, vixit Ulpianus, vixit & Paulus, Severo pariter à Consiliis. Sive Paulo, sive Papiniano, l. Princeps acceptum ferenda est, parum refert: id unum sufficit & receptam & probatam fuisse, nullo contradicente: abrogatam sane non fuisse evincat primiceria quæ lex est de Constitut. Princ. Sic illa, *Quod Principi placuit, legis habet vigorem.* additur immediate ratio; ut pote cum lege regia, quæ de imperio ejus lata est, populus ei & in eum omnem suam potestatem contulit. §. *Quodcunque ergo Imperator per epistolam & subscriptionem statuit, vel cognoscens decrevit, vel de plano interloquutus est, vel edicto precepit, legem esse constat.* Quod ergo primum occurrit est illa lex Regia, & quidem talis, qualem ipse Ulpianus describit. Nihil apertius, quam ut dicamus, recte inter se converti, summam illum habere, etiam supra leges civiles potestatem, cui quod placuit legis

gis habet vigorem. Si quid enim placeat extra, supra, præter, aut contra leges? sileant necesse est. Quidsi qui legibus solutus est, leges supra se detrectet admittere? Satisfecerit certe, quod nullis ipsarum vinculis attineatur impetritus. Si quid ergo hoc præter deferendum legibus aut putet, aut velit, beneficio deputandum erit; ut ulla nolentem lex eo cogat, nulla ratio pervincat. Penitius inspicienti, cur sit solutus legibus Princeps, cur habeat vigorem legis quidquid (alia ut ne recenseam) ipsi placuit, quæ ratio? fert ea se obviam, nempe quod lege regia, quæ de ejus imperio lata est populus ei & in eum omnem potestatem contulerit. Plane quot verba, tot pondera, sustentandæ veritati sententiæ illius quam tuemur. Si potestatem legum latricem populus contulit quod fecit; primū, non est quod contra niti possit. Dicendum cum Imp. Iustino, *Nimis indignum judicamus, quod sua quisque voce dilucide protestatus est, id in eundem casum infirmare, proprioque testimonio resistere.* Item, ut cum se fert solutum legibus Princeps, cum legis habitura vigorem decernit pro placito, fiat id omne & ex assē quidem populi consensu. Tertium, quod fiat jure potestatis, quam habet, ita ferente lege regia. Non me immitto in quæstionem, fueritne lex regia, nec ne. Eam annumeret qui volet Idæis Platoniciis, aut atomis, quibus mundum conflatum Epicuræi persuasum voluere, nihil hoc ad rem: super satisque quod eam habuerit indubiam P. R. & secundum eam decreverit, habere legis vigorem Principi quod placuerit. Interim, ni totus erro, fuit illa lata sub Augusto, ut jam non repetam,

citatam modo à me, Romulo ferente, & quidem actum id ea lege, ut esset Augustus legibus solutus: neque actum modo id, sed transactum. Ita ut plane in necessitatem legis demigraverit, quod concedendi aut abnuendi libertati reliquum ante superfuisset. Lex ipsa Regia de potestate principis lata est, text. d. l. Si de potestate, ut habet textus, frustra ad officium Principis spectantia sic ventilantur, ac si potestati summæ derogare possent. Sic lata, potestatem ei, & in eum, omnem contulit. Torquent hæc non nullos verba, sed, ut eloquar quod sentio, quærent in scirpo nodum, quocumque enim modo accepta, potestatem quæ supra leges sit, Principi statuminant. Volunt nonnulli verba, ei, & in eum, solum Imperatorem spectare, quemadmodum dicitur in l. i. §. 7. C. de Veter. jure enulcl. Quod antiqua lege, quæ Regia nuncupabatur, omne jus omnisque potestas P. R. in Imperatorem fuerit translata. quod si est, aut dicendus est populus ipse supra leges non fuisse, aut Imperatorem fuisse fatendum est. Alii dicunt, ei & in eum, id exprimere, inter quos est Theophilus Iustinionum paraphrastes, quod ipse populus omnem Imperatori in omnia potestatem, atque adeo in se ipsummet transfulerit. Quod si est, non est, ut quid haberi disertius, aut explicatius requiri possit. Sed neque alia, quæ Principem supra leges esse evincant, desunt argumenta. Principis est rogare leges, Principis est abrogare: quin ergo sit supra leges? Quæ leges in contractarium allatæ sunt, de officio Principis loquentes, hoc agunt, ut ostendant, uti legibus debere, tanquam bene regnum administrandi instrumentis. At impossibile est
hoc

hoc ut faciat, si legibus sit subjectus. Altera subjungi possit ratio, quod nempe aut ante legem Regiam leges fuerunt, aut post eam: si quidem ante, cesser earum obligatio, Regia lege lata: si quidem postmodum late sunt, in tantum valeant, quantum Principi placent. Possit & tertia à simili petita. De iurisdictione dicitur, l. 2. ff. de officio ejus cui mand. est jurisd. *iurisdictione concessa, simul omnia quoque esse concessa, sine quibus explicari iurisdiction non potest.* Idem ipsum si de Principatu dicendum, ut est omnino, nihil certius quam finem suum Principem consequi aut assequi non posse, nisi sit supra leges. *Neque leges, neque Senatusconsulta ita conscribi possunt, ut omnes casus qui quandoque incident comprehendant.* l. neque ff. de l. l. Silentio non est tegendum, quod in tantum fuerint supra leges, ut etiam se inconsultis nonnulla iudicibus Principes permiserint. Exemplum est in l. 3. C. de Episc. Aud. ubi text. *Nemo deinceps tardiores affatus peremitatis nostra expectet: exsequantur iudices quod indulgere consuevimus.* Nec quid manifestius verbis finalibus l. quidam consulebat ff. de Re. jud. ubi pro omni ratione potestas hæc sufficitur. Verba ponam. *Princeps enim qui ei Magistratum dedit, omnia gerere decrevit.* Videat cui integrum est & legem, & casum legis; neque quicquam occurreret in quo non se explicet leges super ipsas se asserens Principis potestas. Sed non opus est operosiores hic ut simus. Directe & ore pleno audiamus loquentem Imperatorem. Sic ille, Novella 105. *Omnibus prædictis, imperialis nobis fortuna exempta esto, Cui DEUS IPSAS ETIAM LEGES SUBIECIT: IPSA HOMINIBUS QUASI*

ANIMATA LEGE DIMISSA: eo quod Imperatori quidem omnibus civitatibus, populis, ac gentibus consulenti, quæ singulatim illi visa sunt & placent, consilatus nunquam non subsistit. Adtexi his possent etiam Politicæ rationes, ad quas oculos si retro hæcimus, omnino planum sit, solum legibus Principem necessario esse debere. Sed poterit earum habendarum curiosus, illas apud Aristotelem libro tertio Politicorum invenire; cumque qui mentem Aristotelis non curate minus explicat, quam nervose Guiliel. Budæum, suis in Pandectas notis, ad citatam multoties nobis hoc capite. l. Princeps, ff. de ll.

CAP. VII.

Summam absolute potestatem supra populum esse demonstratur.

VT patet ex iis, quæ dissertationis. hujus capite primo adducta fuerunt, origo immediata summæ potestatis ipse est Deus. Is cum ex certa ratione & consilio omnia in suos producat effectus, omniaque agat ex liberrimo beneplacito, paginam hic utramque facit. Sive ergo attendimus, quid agat circa Regum electionem (quod quidem, nec inepte, videri possit, instar aliquod creationis in se habere,) sive qualem sese in eorundem conservatione exhibeat, aut quæ demum illius sit cum causis secundis ^{motibus}, prodit se confestim, non alio nobis recurrendum, quam ad hunc fontem. Est vero id eò faciendum impensius, quia ipse met

met in Sacris & non obscure & passim testatur, influere sese, atque adeo nullo interveniente; in hujusmodi Regum creationes, ab hominibus designatas. Quare cum ejus solius sit omnia determinare, quæ subordinatè fiunt; ut qui inferiora ac subordinata quæque habeat tanquam instrumenta; quo & spectet illud, *Sicut in figuli manu lutum, ita nos in manu Domini*: cum sint ipsa instrumenta absque ejus concursu atque influxu, nullius momenti futura: cum sit infinitis periculationibus compertissimum, ejus virtute res creatas sæpe agere, contra, nedum præter naturam suam: quibus accedit, & quod ipse sit omnia in omnibus, & quod nos cupiat vivere, vegetari, atque esse in se solo: nemini dubium evadat, non aliud hic à nobis decerni aut posse aut debere, præter hoc ipsum, quod pariter & à nobis observari voluit, & ut observaretur velle se demonstravit. In Subjecto nobis themate, quid voluerit, non est operose ut quæramus. Ipsa illa superioritate (fas ita loqui sit) potestatis, ad quam summas potestates evexit, easdem censerè Deum velle, nemo neget. Hoc posito, quod præ cæteris eminentia talis summarum potestatum habeat Deum autorem, duo isto sequuntur, tum voluntatem hanc ratam haberi debere; tum nullo aut superiori aut æquali assignato exstructove, obrogari debere tantæ potentia, nedum deregari. Veritas utriusque in evidenti est. Voluit Deus, ut per ipsum Reges dominarentur, quia voluit, omnem animam potestatibus sublimioribus esse sejectam. Confit, nullam superesse contra nitendi rationem, quacumq; spectandâ se ac noscendam præbet voluntas Dei. Hæc dum omnibus potior est, firmum stat fun-

fundamentum volentis Dei. Is ubi se velle ostendit, ilico iustissimum est omne quod vult, vel hoc ipso quod vult. Nulla vestigandi necessitas est, cur Reges populis sibi subditis potentia velit antestare; utique nobis ea nulla, quâs vel id per se solum, quod voluerit, is qui iustissimus est, pro omni ratione sit, ac quovis modo satis superque. Quo ne tamen huius veritatis, ut ut exploratissimæ minus equi censores, fugillent, dici hæc facilius, quam evinci; dico, loqui rem ipsam, voluisse hoc bonorum omnium largitorem ac statuisse in humanæ societatis commune bonum; quæ nequicquam absque hoc ad bene beateque vivendum contendat anheletque. Sed & utilitas ipsius ordinis, vel nobis tacentibus, originem sibi à Deo esse probat. At vero, an & quatenus ratio illius communis boni in divinam voluntatem influxerit, ulterius vestigatum velle, non excusandæ temeritatis sit. Sufficiat, quod, ut loquendi fert mos, à posteriori rem inspecturis, voluntas illa quamplurimis argumentis se probet, & vel ultro oculis animisque nostris insinuet. Ita est: proximam suæ, Majestatem Regum, vult hic in terris exhibere, vivam ac spirantem imaginem sui. Hinc est quod Reges suo nomine Deos vocet; & quæ tales, indiget, etiam omnes, nullo excepto, filios Excelsi. Evidens quoque in illo dictæ nobis voluntatis testimonium, quod eisdem Vinctos suos appellarit: quam vocem traduce procul dubio spiritu exprimens Rex Propheta, Vinctos Domini dixit. Quæ quidem multis & non revincendis argumentis probant, voluisse Deum, quovis modo, ut esset Rex supra populum, & quidem promiscue, nullo rege

Rege seorsim habendo. Nam ut de Vnctione ipsa prefusus agamus, nusquam in Sacra Scriptura reperitur (quod primum ab unctione esto argumentum) ullum è Iudici-
bus unctum fuisse: insigni atque evidenti multum præ-
judicio, quanta quanta fuerit eorundem potestas, nun-
quam tamen ad Regii culminis fastigium eam assurrexif-
se: quam tamen fuisse super populum in sacris testatissi-
mum est; neque id ulli in mentem venit negare. Ergo
in singulare supereminentis potentia ~~manipulo~~ hanc unctio-
nem à Deo super inductam fuisse apparet, ut quod diser-
tissimum esset divinitatis symbolum ac velut Sacramen-
tum. Secundum est, quod hac unctione in nullius alte-
rius persona fuerit usus, quam duntaxat in persona Re-
gis, & cum Rege sacerdotis. Atqui vero nullam sibi po-
pulus potestatem usurpandam duxit supra sacerdotem;
quam ut supra Regem sibi ullam aut imaginetur aut fi-
guret, sana ratio non sinat. Certissimum est, supra sa-
cerdotes sublimiore imperio divinitus Reges fuisse lo-
catos, ut qui illos habuerint non minus, quam cæte-
ros, sibi subjectos, ac proinde etiam in eos, qua subdi-
tos, rebus ita ferentibus, summi imperii jus exercuerint.
Huc spectat illa in sacris sacerdotum convocatio ad
mandatum regale; faciunt, ut officio probe fungeren-
tur, data præcepta; faciunt increpationes, abdications,
pœnæ. Sic videre est Helciæ præcepisse Iosiam; Iojadam
à Ioaso increpitum, Abiatharem à Salomone sacerdo-
tio motum. Sed frustra nos exemplamorentur: dictum
jam geminato, injunxisse Deum Aaroni, ut esset os Moy-
sis, Moſen haberet loco: Dei nempe ut ad quem ver-
bum

H

bum

bum Dei factum esset, seu qui à Deo mandata haberet; nam hoc sensu ipse Dominus Iesus Deos esse dictos Magistratus exponit. In qua re ductum hoc ab unctionis præjudicio argumentum, tanto majoris momenti est, quod omnes ceteras inferiores potestates, ab hac ipsa procul habere, numini visum sit. Ut de oleo sacerdotali codex divinus, *Caro hominis non ungetur ex eo*. Ut de unctione Davidis sui ipse Deus, *Inveni ferrum meum David, oleo sancto inunxi eum*. Tertium sit, quod unctione hac regali adumbravit divinum numen, velle se, & Reges & sacerdotes, in typum venturi Messiae, Domini nostri & Salvatoris Iesu Christi, sic inungi; & proinde sacrosanctam quoque dignitatem obtinere. Erat vero futurum venturi Salvatoris munus, & regium & sacerdotale, futura erat potestas illius infinita & super omnia; utque ad Ephesios Apostolus, longe supra omne imperium ac potestatem, & potentiam, & dominationem, & omne nomen, non solum quod nominatur in hoc sæculo, verum etiam in futuro, ut pote cujus pedibus forent omnia subjicienda, quique super omnia in caput esset constituendus. Nemo, sic existimo, tam delirus inveniat, qui credat, illos & Deos dictos, & filios Excelsi, & Unctos, ac quidem unctos Domini, unctos oleo Sancto, Omnium Imperatorem, Dominum, monarcham se præsentaturos; populo, super quem constituti erant, subternendos aut fuisse, aut ullo modo substratos fuisse ac submissos; judicari posse. Quartum est, huic cognatum, quod unctos hosce, filii sui typos, ejusdem sui filii typos esse hoc ipso voluerit Deus, quod ut ille Salvator futu-

RUS

rus erat universi, & ipsi Salvatores essent istorum populorum, quibus ipsos cum imperio summo destinaret præponendos. Simulatque ad Saulem dixisset Samuel, *Ecce unxit te Dominus super hæreditatem suam in Principem*; immediate subjungit, *Et liberabis populum ejus de manu inimicorum ejus, qui in circuitu ejus sunt*: nam & ante dixerat ipsi Samueli Deus, *Unget eum ducem super populum meum Israel, & salvabit populum meum de manu Philistinorum*. Quo respectans magnis in Moralibus D. Gregorius, *Uncti*, inquit, *salvare alios possunt, quia spirituales gratias abundantius perceperunt. Nam qui à Domino ad regendos alios ordinantur, spiritualia charismatum dona, quibus eis prodesse possint, accipiunt; & eis, quos ordine præcedunt, etiam mentis superiores sunt*. Quintum est, quod eisdem; eo ipso, quod unctos suos voluit, etiam sufficienti, potentia præditos armatosq; voluerit, ad ea retundenda, quæ contra quid niti aut moliri, aut possent, aut vellent. Huc spectant illa ad eum directæ, cujus typum gerunt, *Confringes eos virga ferrea, ut vas figulinum dissipabis illos*: spectant quæ directæ de Regibus dicuntur, *Ira regis nuncius mortis*, Item *Repente insurget ejus ira, qui dicet ei, quid facis?* denique, *Quis in unctum Domini manum immitset, & innocens erit?* de quo etiam argumento jam supra locuti sumus. Sextum, quod non modo probos ac pios Reges, ac neque etiam solos Israeliticos, verum etiam impios & idololatrias atque externos quoque unctos suos appellet, nullo facto discrimine, prorsus ut ex æquo omnes illius uncti & perhibeantur & sint. Exhibet id nobis à vero Dei cultu propalam desciscens

Iehu ; nec non in detestandam idololatriam Azariel pronus devexusque , ut in sacra historia videre est. Quo ne in re satis nota , superflua exempla congeramus , teste Esaia , cujus sequuntur verba, *Sic ait Dominus uncto suo Cyro , cujus confirmaturus sum dexteram , ad sternendas coram eo gentes , &c.* Quem & eodem loco appellat *Virtutem suam* : perillustri sane iudicio , divinitus quoque valiturum in obstantia robur ac potentiam illis circumdari , quos sibi Deus unctos suos habere dignatur. Quovis modo , si obnoxios illos aliis voluisset , non potuissent de ipsorum potentia tot ac tanta prædicari , quibus repleti tamen omnes sunt libri , plena monumenta historiarum sanctarum , sunt oppido quam creberrimarum prophetarum voces , hæc & his similia quam rotundo ore ebuccinantium.

Excipit divinam voluntatem constitutio pariter divina : quam qui attenderit , nullo negotio agnoscet talem , ut se ejus beneficio supra omnem populum attollat Regum potestas. Quidni ? cum hæc ipsa voluntati Dei sic quaquaversum permixta sit , ut utraque non conspirare duntaxat , sed minimo minus unum idemque esse videantur. Primi Israelitarum Regis creatio , hujus immediata à Deo constitutionis supra ipsum populum , triplex nobis subministrat exemplum : quorum primum Dei , secundum populi , novissimum Prophetæ. Deum quod tangit , hoc est : Audito populi fremitu , cum spreitis Iudicibus dari sibi Regem efflagitaret , Saulem in Regum Deus destinat , quod populo nec dum apertum , Samueli notum facit : *Revelarat* (sc. Deus) *auriculam Samuelis unam diem antequam veniret Saul , dicens , hac ipsa hora*
quæ

quæ nunc est, cras mittam virum ad te de tribu Benjamin, & unges eum ducem, super populum meum Israel: Verba textus sunt. Quæ nisi Deum ipsum (quod blasphemum sit,) mendacii arguimus, fateri nos cogunt, Regem haud alia potestate electum, quam quæ populo superior, subiectum sibi illum atque obnoxium haberet: Eoque magis cogunt, quod immediate ab illis verbis, *Unges inducem super populum meum*, se ipse Deus ita explicet, *Dixit ei Dominus, Ecce vir quem dixeram tibi, iste dominabitur populo meo.* Quo sane effato nihil disertius, nihil explicatius vel excogitari possit, vel fingi. Ut in omnibus, ita in hoc ipso divino iudicio calculum adiectum licet videre, ut enim ad Samuelem dixerat, *Non te spreverunt sed me, ne regnem super eos*, ita dominari Regem super ipsos voluit: & ut velle ostenderet, eodem verbo, quo fere semper, usus est. Æquè ac quod statim dicebam, blasphemum fit. & sacrilegum, dicere velle, non fuisse Deum supra populum, aut peculiarem quandam populo fuisse potestatem, cuius se vi potuisset opponere constitutis à Deo iudicibus aut leges eis dictare. Eadem hæc confirmat omnia populi exemplum. Flagitarat populus Regem, qualem habebant ceteræ nationes, qui illos iudicaret. At constat, nationum quam plurimis imperitatum fuisse *ἡγεμονία*, id quod supra dictum; non repeto. Non minus evidens est, illa verba, Regem qui iudicet nos, idem esse, quod, qui cum imperio nobis præsit. Iudicare enim, in sacris, & regere, idem sonant. Tale illud Psalmo 2. *Et nunc erudimini qui iudicatis terram*; iudicatis, id est, ditione atque imperio vobis subditam habetis.

Hoc autem eo magis indubium, quia postquam explicuisset populo duram eorum sortem, qui sub regibus agitant, dum, fere semper, omnia sibi in omnes volunt licere & jus suum ex arbitrio voluntatis libidinisque ut plurimum vitiosæ metiuntur ac componunt, cui velis nolis obsecundandum sit; tamen noluit populus audire vocem Samuelis. Ait textus, sed dixit *Nequaquam: Rex enim erit supra nos.* quasi dicat, Esto, asper sit, iniquus, qualem denique descripsisti, talis existat, hic ille est quem nobis dominari velimus; ultra Iudices non laturi; huic nos mancipabimus, fidem, officia, obsequia, debitori, præstituri, ut vere summo Domino nostro ac moderatori. Non minus in propatulo est exemplum Samuelis, qui in Sauli caput oleo effuso, cum esset illum deosculatus, confestim dixit, *Ecce unxit te Dominus super hereditatem suam in Principem, & liberabis populum suum de manibus inimicorum ejus, qui sunt in circuitu ejus & erit hoc tibi signum, quia unxit te Deus in Principem.* Perinde est ac si & ipse diceret, qui in Principem te unxit, summam potestatem, quam in & super subditos sibi Princeps habet, tibi unctio suo contulit. Nec vero me credas cum esse qui te per hanc unctionem Regem creem, aut futurum esse dignum; Longe hoc:

Major agit Deus atque opera ad majora reservat:

Est hæc ipsa Domini Dei unctio, tibi in veram atque absolutam, veræ itidem atque absolutæ potestatis collationem.

Ab

Ab exemplis ad rem ipsam transgredientibus, non potest non esse certissimum, vocem hanc Super neque in sacra Scriptura, neque per rerum naturam, aliter aut sumi, aut explicari posse, ut jam ante monere cœpi, pleniusque ostendam, quam ut sese attollat atque efferat, ipsa vi sui atque efficacia, super omnia quæ depressiore sunt gradu. Non temere manifestius quid occurrat, aut evidentius, quam illud nonnunquam citatum; & nunc denuo citandum ipsius Dei pronunciatum, *Non te spreverunt, sed me: ne regnem super eos.* in quo & subalterni & supremi Domini Majestas elucet, & populi conditio, etiam cum vicariis patet, quaquaversum ab omni dominandi jure procul habita atque exclusa. Est adhæc in Sacris notissimum, esse hæc *lordship*, Dominari alicui, & esse super aliquem. Fidem assertioni huic facit Gedeonis exemplum, quem cum olim populus, nec non & filium ejus, sibi cum imperio præesse vellet, ut habet textus, ita compellavit: *Dominare nostri tu & filius tuus: Regessit autem ille, Non dominabor vestri, neque dominabitur in vos filius meus; sed dominabitur vobis Dominus.* Hic procul omni dubio Gedeoni absolute summam potestatem tam obnixæ preces deferunt: neque eas aliter accipit aut intelligit Gedeon, quam in vim sensus in quem conceptæ proferuntur; respuit illas, juris per eas sibi facti, jam tum & amittendi & retinendi dominus, simulque cum dicto omne dominium ab se ablegat ad Deum, & divino imperio, ut pote optimo, & cui tot jam annos assueverant acquiescendum esse insinuat. Huic dominio affine, quin imo prorsus idem cum

cum illo est, quod de Filio suo divinitus electo canit David : *Salomonem*, inquit ipse, *filium meum elegit, ut sederet in throno Domini supra Israel*. Quo loco sedere in throno Domini nihil aliud, quam imperare designat : id quod explicans alibi S. Scriptura, *Sedit*, inquit, *Salomon in throno Domini in Regem*. In Novo Fœdere verbum super nunquam aliam significationem habet : in se ac simpliciter, absolutum est ; aliis applicatum, non ponit, nisi quæ inferiora sunt, obnoxia, subjecta. Sic videmus ipsum Salvatorem nostrum omnino induisse perfectam sibi parendi superiori voluntatem, cum Pilato edicit, nihil ipsum facere, cujus non sit ei collata divinitus faciendi potestas. Notum est ejusdem mandatum, super vos jugum meum tollite, submittendas jugo cervices, incurvandas, deprimendas ostendens. Idem ex animis suorum omnem eliminaturus ambitionem, cupidinem imperii omnem eradicaturus, verbo dominandi, plane simili notatione ac significatu sua ad discipulos allocutione utitur ; *Reges*, inquit, *gentium dominantur illis, Vos autem non sic*. Cui consonum, Vos inter maximus esse qui volet, esto minimus. Neq; alio sensu resensetur inter notas *τῶ ἀρχιεπιστοῦ*, quod se elaturus sit super omne quod vocatur Deus. At præcipue citatus nobis Apostoli ad Ephesios locus, ubi Domino & Salvatori datum nomen & potentiam ingeminatur, quod sit super omnia, id quod defendo pervincit. Atque hæc quidem, plura etsi cumulari possent, sufficiant allata ex Sacris. Reliquum est ut & hoc constet quod dixi : scilicet non posse hoc verbum aliter accipi per rerum naturam, id est, quin in sensum communem, inque

inque naturam ipsam peccaturus sit, qui id aliter accipiendum putarit.

Nemini, opinor fiet credibile, frustra ipsum Deum, aut qui iussa Dei exsequeretur Prophetam, aut quæ de utroque attestatur Sanctam scripturam, verbo illo super toties uti voluisse, quinimo nunquam non aut hoc ipso, aut saltem verbo æquipollente. Quid ergo vult illa toties iterata, toties gēminata dictio aliud, quam ut indicet voluntatem enixam, & non luxandi revellendive beneplaciti perpetem constantiam? Exprimit autem tota illius vis atque efficacia, quod non sit inter Regem ac populum mutuus imperandi aut parendi ordo; sed quod obsequii gloria populo relicta, imperium in omnia sit penes unum Regem. Vtique non eum ad modum, quo instituto iudicio communi dividendo, controversa hæreditas cernitur, scindi se & in partes dispesci finit imperii Majestas: unum imperii corpus, unius anima regendum, quod fuit, esse non absistit. Vnum permanet id quod non possit esse, nisi unum. Sed quam adumbravimus intueamur naturam rerum. Dubio procul, qui imperat habet agendi partes, imperatis qui tenetur parere patiendi. Est vero superior ille ac cæteris major omnibus status, Majestatem qui exhibet, indivisum quid: ille cum agat tanquam superior, etiam necesse erit ut patiatur, si quidem habere super se cogatur imperia populi, quibus non possit non obtemperare. Sin vero & populus est super Regem, & ipse quoque Rex est super populum, jam duo dabuntur absolute summa, & erit aut neutrum summum alicujus summi, aut simul utrumque, aut alternò

I

reci-

reciproca vicissitudinis flexu fluxuque, modo hoc summum erit summi sui, modo illud, neque unquam summum aliquod erit, quod in ac per se vere summum dici possit aut absolutum. Erit utrumque incrementi ac decrementi non modo capax, sed & crescendi ac decrescendi necessitatibus obnoxium. Quo si abripimur, videat vel quis, cumulari hic absurda plura, quam fiant verba. Et quidem tali in statu, vel per umbram somnii absolum sit atque absurdum, sibi quid permanens imaginari velle. Detur, quod omnino frequens, populo & Regi, utrimque summis, inter se disconvenire. Vbi boni non modo, ac qualem decet, sed vel ullius ordinis volta supersit aut vestigium? Nusquam certe. Condedit interim Deus & regna & respublicas in spem cujusdam velut æternitatis; estque, ut alibi virorum summus, haud aliud duraturæ semper reipublicæ potentius argumentum, quam quod duravit. At nos docuit per unigenitum suum ille ipse Deus, omne regnum, quod in se divisum, est, iri desolatum. Quare & nobis quod dicamus nihil superesse potest, præter hoc unum, noluisse Deum dari summo uno summum majus, idque vitandi dissensus ergo, & averuncandis incommodis, quæ ex istiusmodi animorum divortiis, quorum mater nimio quam facunda est unitas in partes scissa ac divulsa, possent enasci. Summum vero hoc an unum sit persona ut in politestate monarchico, an unum corpore, ut in polycratico, non facit ad summam rerum, dum modo sit unum, absolutum, liberum, impendens, nec quidquam detur, quod illud exæquet, nedum ut superet. Quæ jam dicta de mutuo

tuo dissensu tanto, fortius urgeri æquum est, quanto plures sub manu ex assertione contraria difficultates emergunt, & cum difficultatibus, absurda: namque aut erit dissensus ille perpetuus, ut solet fere semper qua desinit incipere, & se ipsum, reseminare; & erunt duo illa sine missione inter se certatura, atque obversis armis sine fine committenda: aut temporaneus, & decedet, si dis placet, summo illi, quod tempore prius fingimus, summum posterius, prius vero illud, inducto atque extincto posteriore illo, ut è cineribus suis alter Phœnix, recolliget se, resurgetque, ac postliminio velut, redibit ad vires virtutesque suas, tantisper vi maiore adobrutas, ac tantum non sepultas. Quin etiam, si, quod omnino debemus, sursum oculos effevare lubet, ultro se nobis offerret quod huic nostræ, quam tuemur, veritati patrocinetur. Tres quidem imenso ac summo in numine sunt hypostases; sed non sunt tres illæ, nisi unus Deus. Soles duos (quod & in diverbio) cælum non fert. Plures quidem visos, ipsis, qui hæc ad posteros transmissere scriptoribus, pro ostento narratur; sed enimvero non fuit eadem cæteris, quæ nostro Soli, summa lux, non calor idem, nedum summus; & finem si spectamus, in unum coaluere. Dei ergo exemplum cum intuemur, memoria repetamus, à Regibus id exprimi: attendamus etiam, quadam sui imagine terrestrem hanc; politiam cœlestem referre. Quod & utrumque necesse est. Nemo sibi imperandi genus firmum, stabile, diuturnum, spondere ausit, quod non divini simulachrum gerat, & cœlici ordinis harmoniam, ei velut correspondendo, repræsentet.

Sin ad exemplum à sole allatum convertimur, fraudi ne
sit cum Poëta dixisse,

Solem quis dicere falsum

Audeat?

Plane ad disciplinam mundi superioris, ordinata est ista
inferioris mundi, quam eodem (sed suo utcumque & sibi
convenienti) ordine censi debere, nemo politicorum
est, qui non observarit. Quod & ipsum jure merito. Qui
nos inter patres insigni exemplo eo vocat, est suo de ido-
lorum vanitate tractatu Cyprianus; quo monente doce-
mur, *aquissimum esse, ut quemadmodum ad divinum imperium,
de terrenis mutuamur exemplum; sic cælestis imperii similitudi-
ne, terrena metiamur.* Exclamat alibi Boëthius,

*O Fælix hominum genus,
Si vestros animos amor,
Quo cælum regitur regat!*

In politia hoc locum habet, ubi Claudiani verbis,

*Non sic excubia, non circumstantia tela.
Quantum tutatur amor.*

Quid autem ad amorem hunc retinendum magis neces-
sarium, quam ne Regum populi que inter se Majestates
committamus: vero enim verius hoc profectum cœ-
litus effatum est, Neminem duobus simul Dominis in-
servire posse, fore enim, odio illum ut habeat, hunc amet.
Eliminandum hoc igitur è societate generis humani. Si
qui singuli de populo futuri sunt, (neque enim quæ in
universo populo fingitur esse Majestas, in singulis sit)
certe

certe ji nesciant necesse est, quem ad modum se sint composituri. Hi enim aut hærebunt ambigui, aut ibunt in partes. Sin prius, parum firma ibi rerum summę tutela, parum tuta custodia. Sin posterius, non erit alia fecundior seges factionum, seditionum, bellorum civilium, & quæ mala omnia ambitu suo stringunt confusionū. Est porro in hanc rem intra naturalia stantibus etiã amplius dicendum, nimirum, non posse dari summi alicujus summum, nisi cum præsentaneo prioris interitu. Fere simile est, nec minus naturale, quod calorem minorem perimat major, astra minora lunæ decedant, Luna Soli, corpora quantum libet ardua atque excelsa, procerioribus admotis decrescant. Ergo etiam si demus, fuisse populo jus illud summę potestatis, simul atque Rex super populum constitutus est, illud esse desiit, & demigravit ad Regem. Nugæ meræ sunt, si quis dicat, reservare illud sibi populum ac retinere: quod enim à populo retinetur Rex habere non potest: in quo super populum Rex est constitutus, nullum retinendi populo jus relictum est: non possunt ejusdem rei in solidum esse aut Domini aut possesores. Quidquid hic præcipuum habiturus est, de summo populi jure delibabit; quidquid populus, Regi decedet: neutrum summum erit, quomodocumque tandem apud unum ex illis aut extabit, aut habebitur. Ac quia nec summum erit, ideo neque erit perfectum. Posita enim commixtione aut confusione istiusmodi, non est ut se ipsum terminet aut absolvat. Est, ut didicimus, id demum perfectum, in quo reapse concurrunt omnia, quæ essentialia sunt requisita perfectioni constituendæ, &

perfectum demum id unum dicitur, in quo uno sunt omnia. Superadiungit sese jam demonstratis, etiam ratio politicæ necessitatis. Quippe cum in administranda rerum summa talis ac tanta sit negotiorum, ut unda undam se glomerantium ac protrudentium, moles, ut pluribus opus sit regni ac dominationis instrumentis, puta officialibus, ministris, magistratibus subalternis; hi vero se ipsos creare non possint, neque sibi ipsis officii normam aut formam præscribere, & quos non excedant limites præfinire; reliquum est, ut ab uno summo illi nanciscantur hoc, in quod destinandi sunt, quodque erunt, futuri scilicet id ipsum quod illi placuerit, quinimo, unde vi ac potentia summæ illius potestatis educti abductique sunt eodem reducendi, vel ad nutum, ac toties quoties visum erit. Hi, ut ut vel à Rege proximi, & uno eo minores, imperium in subdita sibi quidem exercent, sed demandatum; jurisdictionem, sed delegatam; & ut verbo absolvam, stant intra præscriptos officiorum fines: supremam vero illam potestatem non attingunt vel afficiunt: etiam si vel ad unum omnes, atque eodem momento loco atque ordine movere consultum videatur, solido non eo secius stabit imperii majestas. Apposite huc quadret, quod est apud Lucanum Cæsaris ad milites tumultuan-

tes,

Si cuncta minentur

Flumina, quotquot habent pelago subducere fontes,

Non magis ablatiis unquam decresceret aquor,

Quam nunc crescit aquis.

Lucano

Lucano Senecam jungamus. Sic ille. *Quam admodum totum corpus animo deservit, & manus, pedes, oculi, negotium illi gerunt; illum hæc cutis tegit, illius jussu jacemus, aut inquieti discurremus: ille cum imperavit, sive avarus dominus est, mare lucri causa scrutamur, sive ambitiosus, jam dudum dexteram flammis objecimus, aut voluntarie subsilivimus: Sic immensa populimultitudo, unius anima circumdata, illius spiritu regitur, illius ratione flectitur, pressura se ac fractura viribus suis, nisi consilio sustineretur. Neque certius ergo quippiam, quam cum populus agat sub imperio Magistratuum, Magistratus sub imperio Regum, Reges sub imperio nullius, quam Dei, qui eos super populum constituit; non esse ullam in populo aut penes eum potestatem, quæ non quanta quanta est Regi sit subjecta: imo ne nomen quidem ullum potestatis, quæ super Regem aliquod regnum affectet, in populo consistat, aut subsistat. Vbi ad Regem ventum est, ejus & nomen & jus non secus amittit populus, quam ubi ad maris ostia, à quo profluxerunt flumina, quo cum, ut ille ait, fessas erroribus undas deduxerint, ab ipso inundantur atque obruuntur; ita ut mare denuo fiant. Quovis modo, si quid esse dicendum est etiam in ipsis qui populo præsunt Magistratibus, id summæ potestati decedat oportet. Sunt in omni bene composito statu, sui ordinum gradus, ac dignitatum. Sic (alios omnes ut omittam) prisco Romanorum instituto, jus non erat, ut majus imperium rogaretur à minori. Non Consules, aut Prætores Censoribus, non Censores Consulibus aut Prætoribus auspicia aut turbare, aut retinere potuerunt. Majores quidem Magi-*

Magistratus à minoribus, non versa vice minores Magistratus à majoribus, poterant avocare concionem. Atque hoc id demum est, quod habet, hic nobis repetendum sapientis effatum, esse altum altis superiorem, altissimum esse super illos. Quod quidem, ad sibi subdita facta relatione, tam de Rege, quam de ipso Deo, convenienter & intelligi & dici potest. Sed de his satis, pergamus ad ulteriora. Incunctabiliter hanc assertionem firmat, id, quod statim ab initio hujus dissertationis dici à me coeptum: Deum nempe, quæ ad universi ejusque partium, conservationem ac gubernationem, à se concepta, decreta, atque conclusa sunt, sæpe admodum per Reges, ut dilecta sibi ac destinata organa, potenter explicare, & ad fines suos perducere. Illo autem ipso non aliud valentius evincat & pervincat, esse Reges à Deo immediate, esse eosdem sæpenumero organa immediata ipsius Dei, idque pro absoluto illius beneplacito, nulla populi, nulla regni, nulla cujuscunque demum rei attentata ratione, nisi illius liberrimæ voluntatis atque arbitrii, pro cujus clementissima ac prudentissima dispensatione fiunt omnia, quæcumque toto terrarum orbe fieri cernuntur. Quod etsi in tota passim regni Israelitici historia manifestario videre est, quo tamen ne unius hujus gentis ambitu inclusi, & velut fasciis involuti videamur; etsi necesse non sit argumento valido per se atque inconcusso, ut pore generali, robur aliquod aut præsidium mutuari à particularibus exemplis; sodes, in manus sumamus Esaiæ Prophetæ caput XLV. Certus sum, fore, qua se unquam inanimos nostros penetravit assertio veritatis,

tatis, aut erit hæc ipsa, aut posthanc, nullam, quæ id præstet, datum iri. *Sic ait Dominus Unctio suo Cyro:* At cui Cyro? qui non erat in rerum natura; quique adhæc toto gemini sæculi, & quod excurrit, decursu, nondum in rerum natura erat futurus. Dicitur autem jam tum unctus: & quidem haud disparem ad modum, quo filius patre è vivis sublato, dicitur hæres suus; itidem omnium dominatori Deo suus unctus appellatur. Quid quod & Theologorum inter eximios nonnullus unctum explicat vocatum, & institutum divinitus ad perficiendam voluntatem Dei. Sequitur, *(Confirmaturus sum dexteram,* At cujus, fodes, hæc futura est dextera? Sin hic dextera Dei designatur, ad magnifice attollendum Cyrum confirmanda, plane pro immediato haberi debet, quidquid illius futurum est confirmationis, neque est quod populus Deo, Cyrum summo cum imperio ipsi præpositum volenti, obmurmuret. Sin vero dextera illa Cyri est, quæ divinitus confirmanda prædicitur, æque immediatum erit, neque magis quid adversus Cyrum, quam adversus Deum ipsum, obtendendi juris populo potuit superesse. Verum enimvero nulla confirmata dextera opus erat, si quidem popularibus imperiis, ille, longe lateque dominator Rex, esset substernendus. Certe non sinant hoc illa quæ sequuntur. *Ad sternendum coram eo gentes, ut lumbos Regum dissolvam, ad aperiendum coram eo valvas, ut coram eo non occludantur.* Demus, quod vel in cogitationem demisisse nefas, populum intercessurum fuisse, obtensurum fuisse aliquod hujus farinae cerebrinum jus, sive suum illud, sive inherens, sive reservatum, sive quod hebeat à se

K

non

non abdicandum, siue quaecunque tandem stulta verminantium cerebrorum subtilitas comminisci posset aut protrudere, quid ad hæc Deus? *Ego inquit tibi (supple Cyro uncto meo) præturus sum, & in equalia æquaturus, valvas chalybeas fracturus, & vinctes ferreos succisurus, daturusque tibi thesauros abstrusissimos, & repositas opes abditissimas.* Quare autem est, quod hæc talia ac tanta Deus offerat, ostendet, promittat? *Ut cognoscas tu Dominum,* inquit. Sed quem illum? *Qui vocat te,* sic textus, *Deum Israelis esse.* Noverunt omnes id temporis nihil liberandis ope Cyri Iudæis, intercessisse commercii cum Cyro, non magis, quam Medorum genti cum Israelitis: & versa vîce: neque dicat quis temere cur Medi, qui haud ulli bono sibi fore prospicerent, si causa gentis ignotæ, quæ suæ tutelæ, suæ libertati superesse non poterat, se vitam suam, sanguinem, uxores, liberos, spem posteritatis, aras, focos, divina, humana omnia impendenda sibi putarent; id fuerint facturi, si modo quid penes ipsos juris erat, Cyrum tam vasta designantem inhibendi, si non erant ignari plus sibi in Cyrum licere, quam illi in sibi subditos. Pergit Sacer Codex, *Propter servum meum Iacobum, & electum meum Israelem, propterea me vocasse te nomine tuo.* Stupeat non immerito omnis homo ad immensam divinorum iudiciorum profunditatem, cum etiam minuta ac remota summis miraculis assurgere venerabundus inquitur. Cum vult Deus, ut cognoscat Cyrus, se, divinitus, & ignorantem, & sui, & multo magis illius Dei, à nomine suo fuisse vocatum; insinuat, à quo etiam vix abeunt Herodotus ac Iustinus, proprium nomen Cyro fuisse

fuisse Spaco, quæ vox Medorum lingua Canem sonat: occasionem scilicet nominis præbente cane, quæ expositi infantis ori ubera sua immulserat. Ejusdem divinæ Magnitudinis & providentiæ est, quod mox textus, *Et supple, cognoscas me qui te de nomine tuo vocarim ignorantem*) *cognominasse* te: Dictus ergo, & ignorans ipse, ita adgubernante Deo, Coreſch sive Cyrus. Est vero nomen Coreſch, Persis omnino perquam. honorificum, & eminentiæ gradum ferens. Coreſch quippe tantundem ac Dominus: Neque alia quoque ratione Solem, quem præ cæteris eximium habent Persæ, colunt: illum Coreſch appellant. Geminato testatur Deus hoc capite, *factum id à se, quamvis id Cyro esset ignotum*. Et quo nequid populus, ullius sibi potestatis in Regem conferendæ temerario ausu juris aut potentiæ præsumat, *Ego, inquit, Dominus, & nullus præterea, præter me nullus Deus, accingo te* (diligenter verba hæc perpendantur) *quamvis ignores me*. Factum ergo, quodcunque hoc est, libere, pro absoluto beneplacito, & immoto summi numinis decreto, in quod citra manifestissimum, sacrilegium, aut hoc siquid pejus est, involare nulli liberum sit. Patet id vero ex sequentibus etiamnum disertius. Testatur. Deus facere se id, *ut cognoscant gentes ab ortu solis, & ab occasu ejus nullum esse præter se, se Dominum esse, & nullum præterea: se formantem lucem, creantem tenebras, se facientem pacem, & creantem malum, se dominum ista omnia facere*. Simul etiamnum adhæc, ut appareat, quam stent illa Deo firma, quam fixa, atque inconvulsa: postquam quis, quantusque esset deprædicavit, *Ego, inquit,*

excitaturus sum illum iuste, & omnes vias ejus aequaturus; ipse reedificaturus est civitatem meam, & deportatos meos remissurus. Item mox d. c. Ad te transibunt, te sequentur; compediti transibunt, tibi se incurvabunt, te deprecabuntur, dicentes, tantum in te est Deus fortis, & nullus est præterea, nusquam præterea est Deus. Vtique si non erat futurus super populum, ac gentes sibi subditas, Cyrus, perversè, Tantum est in te Deus fortis; dicendum erat tantum in te, & populo tuo, aut quod Publicolis magis arideat, tantum in populo tuo, qui te super est, qui tibi nervos, toros, lacertos, totum robur impendit ac præbet, est Deus fortis. Illud etiam populi cujuscunque exclusivum, Nullus est præterea, nusquam est præterea Deus, quo ne sequius quid dicatur, omnino esset supervacuum. Revertamur ad Cyrum. Author est Iosephus Antiquitatum Iudicarum lib. 11. Cyri ad notitiam vaticinium hoc pervenisse decennio demum post elapsum geminum sæculum, idque ex ipsius prophetæ lectione; cumque se signari videret, se cœlitus portendi poscique, stupuisse quidem, sed & ardore prorsus entheo inflammatum ea exsequendi, quæ tanto jam ante tempore de se videret perscripta. Est etiam alterum hac in historia, merito quod stupeamus; nempe quod per se, & ad nudam ignoti scriptoris lectionem Cyrum hæc ipsa adegerunt, primo ut Deum vivum agnosceret: secundo ut agnosceret non temerandæ autoritatis impulforem, ad institutum hac tantum tamque momentosum, & suscipiendum, & executioni mandandum, quoque palmarium est, agnosceret quoque ac profiteretur,

tur, ignotum illum sibi Deum, hunc eundem esse, qui se ad fastigium regale ab expositivæ sorte conditionis, sublimem exexerat. quæ de re hæc ipsius Cyri verba in sacris referuntur, *Omnia regna terra dedit mihi Dominus cæli, ut readificarem domum in Hierusalem.* Si quis requirat, æqualis nam divinam hanc voluntatem exceperit successus, testatur aperte Herodotus de Cyro, fuisse supra hominem, tum genituram illius, tum expositi conservationem, tum regnantis, qua adversus hostes usus est foelicitatem. *Quamcumque gentem invadebat,* (ipsa verba sunt) *ea gens nullo pacto evadebat.* Est, ut videmus, hoc Cyri exemplum omnino tale, ut negari non possit, vel in illo sola Dei, voluntate attenda, indubiam necessitatem habere, ut ita constituti Regis, & absoluté Domini, pro absolutissimo jure agentis, instrumenta, libere agant, & impenderent, & ab omnibus omnino jubectionis cujuscumque demum vinculis liberi solutique.

Addamus & alterum exemplum Regis, sed qui in sacra pagina quam pessime audit, Nebucadnezaris, quem nemo fere est qui non ut immanem, & plusquam belluina feritate tyrannum proscindat: quem tamen non uno loco Deus servum suum vocat, in cujus ipsius consideratione libet, & vero est ex orbis Christiani bono, pedem paulisper defigere, quo prorsus illis penitusque omne effugium tollatur, qui quam optimis etiam Regibus super aut in populum ægre concedunt potestatem, statuunt vero malis, omnino & quacunque ratione etiam per vim armatam, insidias, venena, sicas, aliter si

non pote, adimendam. Non potest dari illustrius aliquod specimen, aut spectari clarius exemplum divini circa absolute summam hanc potestatem beneplaciti, quam in Nebucadnezare. Ipso videlicet Deo, gentibus quam multis, & regibus, quibus non ? per Prophetam suum laqueum mandante, cui colla induant, strangulandi Nebucadnezaris Ad nutum, nisi, quod potius, ipsi in servitutem se illi emancipent, ac incumbens sibi ac regnis suis malum, tam propudioso obsequio, etiam ultro, ac sua sponte permutent. Verba audiamus. Ego (sic apud Hieremiam Deus) feci terram, homines, & jumenta quae sunt in superficie terra, virtute mea maxima, & brachio meo extento. Ideo trado illam cui rectum videtur in oculis meis. Nunc ego itaque trado omnes regiones istas in manum Nebucadnezaris Regis Babyloniae servi mei, quin etiam bestias agri trado & ut serviant ipsi. Servient autem ei omnes gentes, filioque ejus, & nepoti ejus, donec adveniet tempus terrae ipsius etiam illud, quum servitutem ab eo exigent gentes ampla & Reges magni. Erit igitur ut in gentem illam, & in regnum illud, quae non servient ipsi Regi Nebucadnezari, Regi Babyloniae, & non indet collum suum iugo Regis Babyloniae, gladio, peste, ac sane animadvertam in gentem illam, dictum Domini, donec consumserit eas manus ipsius. Vos ergo ne auscultetis prophetis vestris, aut divinis vestris, aut somniis vestris, aut planetariis vestris, qui alloquuntur vos, dicendo non estis servituri Regi Babyloniae. Nam falsum isti prophetant vobis, ut longe vos abducam à terra vestra, & quum depulero pereatis. Gentem vero illam quae indet collum suum in iugum Regis Babyloniae, & serviet Regi Babyloniae ipsum utique relinquam in terra sua, dicit Dominus, ut colat illam

lam & habitet in ea. Hactenus apud prophetam Deus. Quem hæc agentem, videmus certe agere pro jure suo, non in creaturas duntaxat hæc aut illas, in abstracto, singula individua, sed in populos, gentes, cum regnis Reges, & ut verbo, in omnia. Cum autem dicit, illa se tradere cui rectum videtur in oculis suis, cum dare in manum ut serviant, dare in manum etiam bestias agri, cum se gladio, peste, fame, in inobedientes desæviturum edicit, cum manu illius in cujus potestatem transiere consumendos, nonne satis demonstrat absolutissimam illius super populum potestatem? nonne, velle sese, ut absolutissima sit, & omnibus numeris perfecta? nonne commodare sese omnibus potestatibus, à se constitutis, robur ac vires, contundendis, ac manu sua contundendis rebellibus suffecturas? Dicendum omnino: neque quid ultra huic compertissimæ veritati contra loquendum. Quapropter & hoc argumentum nostrum autoritate candidissimi juxta & pientissimi Theologi concludo. *Hos (supple Deo acceptos gubernatores) cum constet à Deo adjutos esse, gubernationem esse opus & beneficium Dei manifestum est. Addam autem & heroicos inter Ethnicos viros ardentibus à Deo motibus & ad virtutem excitatos, & in rebus gerendis adjutos, quales Alexander, Scipio, Augustus. Talium virorum in rebus gestis mirandi eventus omnes prudentes moverunt, ut faterentur habere eos impetus meliores & feliciores, quam reliquam multitudinem. Unde & Cicero, nullum fuisse virum magnum ut sine afflatu divino. Cumque ad constituenda imperia aut instauranda, & ad politias ac artes restituendas, Deus inserat singulares motus talibus ducibus aut artificibus, manifestum testimoni-*

monium

monium ostendit suæ præsentia in politiis, sicut Plato quarto de Legibus inquit: Quemadmodum boves non à bobus, nec capræ à capris reguntur, sed à præstantiore natura, videlicet ab hominibus, sic natura humana infirmior est, quam ut se ipsam regere possit. Quare Deus præfecit civitatibus non homines, sed præstantius & divinius quoddam genus, heroes videlicet; qui cum habeant ipsi prosperos successus nobis quoque imperia eorum grata & facilia sunt: Hi ita curant nos, ut pacem, pudorem, libertatem conservent. Additque, Verum est dictum, ubi non Deus, sed mortalis aliquis dominatur, ibi malorum & ærumnarum nulum est effugium. Sapientissime, & verissime hæc à Platone proferuntur, cujus hæc digna quæ intimis sensibus insigantur:

λίγὴ δὲ ἐστὶν ἡ φύσις τοῦ ἀνθρώπου ἀληθινὰ χεῖρον ἢ τοῦ βόου καὶ τοῦ κριός· οἱ γὰρ οὗτοι ἀνθρώπων μὴ διὰ τὴν αἰσθητικὴν φύσιν, ἀλλὰ διὰ τὴν νοερὰν αὐτῶν οὐδὲ πῶς αἰσθάνονται.

Aliud insuper argumentum est, quod ipso Regis nomine posito manifestum fiat, esse Regem populo sibi subjecto superiorem, & quia regit & qua regit. Sic in Sacris male concilati Iosepho fratres, Numquid Rex noster eris? Numquid ditioni tuæ, subijcemur? rogitant. Longe diversa, atque omnino alia ratio esset, si Rex aliter considerari non posset, quam ac si dumtaxat populi quem regit Rex esset. Certe quemadmodum homo non est creatus, ut sit finis hominis, nimirum, alterius alicujus, qui æque atque ipse est homo est, ad perfectionem ut eat; plane ad eundem modum, neque ob id creatus, electus, constitutus Rex est, uti sic ad perfectionem populi, cui cum imperio præest contendat, atque enitatur, qualiter docemur, intendi media ad perfectionem sui finis. Verbo dicam, ideo creatus, electus constitutus est, ut sit Dei minister, ut loco Dei, ipse illius
seu

seu legatus, seu vicarius populo sibi commissio in bonum, qua sibi relinquitur, cuncta moderetur ac regat: sin & aliter Deo visum, ex illius arbitrio & voluntate se componat cujus imperata exsequitur, quique cum habeat cor illius in manu sua, ipsemet testatur, sese illud ut rivulos & scaturigines aquarum inclinare. Vnde & impius agnoscatur esse, qui se, supra Regem, qui Deus hoc ipso sensu dicitur, efferre conetur. At hæc ne quis nova putet, &, qui loquendi mos, gratis sic dicta, expendantur, quæso talia sacri textus dicta, quale hoc exstat de Salomone, quod sederit super solium Domini in Regem: quo nihil apertius demonstrat, solium Regis in sacris non minus accipi pro solio ipsius Dei, quam pro sede aut solio Regis. Item illud Dei ad Samuelem, Non te rejecerunt, sed me, neregnem super ipsos; esse eos Dei ministros probat, dum nimirum populi ad importunas efflagitationes. Regem, qui sui vice fungatur, substituit, non ipsum dumtaxat super populum, sed & super ipsas quoque leges. & ut omnia verbo complectar, potestate absolute summa atque hoc ipso quod esset absolute summa, expressura Deum authorem suum. Quo nihil manifestius, quam in ipsorum iudicum personis, qui cum non nimis essent authoritatis, cuncta ad Deum referebant, & divinitus instructi paratique, ex ipsius Dei præscripto commissa exsequebantur, Deum præsedisse: quod Rege dato quodammodo cessavit. Habebat enim hunc sibi populum peculiarem, electum, hæreditatem suam, ipse ejusdem Rex dominusque erat, iudices instrumenta regnandi, non populi quidem illa, sed Dei

L

regnan-

regnantis. Hoc ministerium Iudicum à Deo mandatorum populus cum respueret, etiam in ipsum Deum injurius fuit. Atque hoc est, quod se summus ille populi rector rejectum non semel indignatur, quo ne super eos regnet, insinuans procul habitis iudicibus se procul haberi, contemni regimen suum, quod bonitate omnibus cæteris longe antestaret, efflagitato Rege ad instar aliarum gentium, quibus arbitria Regum pro legibus habebantur. Ex adverso, si Samuele jam in senium devexo, filiorum ipsius mores non ferens, alios sibi postulasset iudices dari, si nihil innovasset, si visset ipsi Deo imperium ac regimen suum curæ esse, Regemq; non extorsisset, talem, qualem cæteræ gentes habebant, jam neque peccare poterant. Nulla si quidem injuria Deo fit, simpliciter postulato Rege, modo nihil altius sublit. Neque Rex, ut Rex, per se malum quid est: quinimo testis est sacra scriptura, ut Abrahamo inter benedictiones benignum numen accenseat, quod *ex ipso Reges essent egressuri*: Iacobo itidem dictum, *Reges de lumbis tuis egredientur*: Iudæ, *Non auferetur sceptrum de Iuda*. Adde, quod Deus Regem quandoque constituendum, præfago dictamine, populo suo jam ante insinuasset, ejus creandi facultatem suis mandatis circum seplisset. Sic enim ait, *Eum constitues, quem Deus tibi elegerit de medio fratrum tuorum*. Quam autem politicam illam potestatem, sibi ministram voluerit Deus, argumento sit politicarum, quas ipse tulit, legum primiceria, quæ & indubium ordinis politici est caput. Non simpliciter dictum est, *Quicumque effuderit sanguinem hominis, effundetur sanguis illius*; quod sufficere poterat,

poterat, & Deo sic volenti facile erat, atque in proclivi : sed disertim habet textus, *Ejus sanguis effundetur per hominem*. Quis vero ille homo, nisi Dei minister futurus, atque illo ipso actu, & de facto minister? quis è ministris præter eum, qui ordinatio divina cum sit, ipse ex Deo est, quin imo non est nisi ex Deo, neque frustra gladium gestat? Cum ipso illo ordine (fatendum quod res est) divinitus, immediate Magistratus est à Deo constitutus, ut ex præcepto scilicet ejus Domini sui, cui jus administrat, eum de medio tollat, qui suum per scelus, jam ante à medio sustulit hominem ad imaginem Deo creatum, omnium Dominum, Deo suum heredem.

Hucusque ergo perfectissimam manuductionem sequuti, qua nempe ad Regum omnium futurum Regem, ac venturum Messiam suspirans anhelansque Ecclesia, quam gloriosissimo epiphonemate acclamat apud Prophetam *Dominus Iudex noster, Dominus Legis noster, Dominus Rex noster*, ostendimus, judicia summarum potestatum, sub se personas & res Ecclesiasticorum ditione sua comprehendere, demonstravimus, ipsarum legum fontem ac scaturiginem, supra quaslibet leges esse; pervicimus, fieri non posse, ut Regem sibi populum habeat, qui ipse super populum Rex sit. Superest, ut duo velut corollaria ex jam dictis exstruamus. Primum est, Regum, in tanta potentia, cum primis arduam esse stationem, eamque habendam cum cura atque adeo in timore & tremore. Posterius, populo, nulla de causa, fas liberumve esse, temerare nedum violare obedientiam, quam suo Regi debet. Claudat totum caput aureum Tertulliani ad Sca-

pulam effatum, *Reges in solius Dei potestate sunt, à quo sunt, à quo sunt secundi, post quem primi, ante omnes, & super omnes Deos & homines.*

CAP. VIII.

Regum arduam esse stationem; eoque habendam cum cura.



Cum arduam Regum dico esse stationem, & cum cura habendam, non hoc volo, arduum cum primis atque expositum fortunæ esse regendi cuncta onus: ut nec illud Nazianzeni, fatentis artem quandam artium, & scientiam scientiarum sibi esse visam, regere hominem, animal omnium maxime varium & multiplex: sed cum in hoc mundo, communi quadam civitate Dei hominumque, in qua Reges, ipsi Deo propiore cognatione, communionem, & agnationem attinentur, nihil esse difficilius, quam tanto muneri respondere; tum & ipsis necessitatem incumbere, ut nec Dei de se iudicio desint, & stationem, in qua se divinitus collocatos agnoscunt, tueantur. Hujus vero corollarii veritas, utinam quam est evidens, tam animis quoque omnium Regum atque imperantium infixæ, insculptæ, atque inusta esset. Est ejus etiam tanta ac tam manifesta justitia, ut sese animis facilius ac mentibus repræsentet, quam verbis repræsentari patiatur. Qui ergo sese proximum Deo novit, & hoc ipso nomine ei famulari quam promptissime debet: præcipue, qua ipsum Deum colit, ut Dominum suum, quaque, insuper tanquam divinus minister omnia & singula peragat

ragit atque executioni mandat, quæ Deum fieri velle sibi proponit; & qua proponit, etiam fieri debere, totus credit statuitque. Hic, quicquid adultus, perfectus, atque consummatus, animi se penitus commoveri sentientis impulsus, faciendum dictabit, præsto sit. Vocem loquentis Dei cum audiet, cor ne obduret. Turpis & exitiosa est in illis omnis mora, quæ non nisi per actum laudantur. *Omnes homines, ait adversus Petilianum Augustinus, servire Deo debent, aliter communi conditione, qua homines sunt, aliter diversis donis, quod ille aliud agat in rebus humanis, ille aliud. Non enim auferenda idola de terra, quod ante tanto prædictum est, posset quisquam jubere privatus. Habent ergo Reges, excepta generis humani societate, eo ipso quod Reges sunt, unde sic Domino serviant, quomodo non possunt, qui Reges non sunt.* Nō est quod illum insolita hæc circa remorentur, non est ut formidet quempiam læsura: ante omnia, non est, ut quoquo pacto aut insuper habeat, aut negligat, quæ actō profundum sulco sic animo suo sentit impressa: Deus illi sequendus, divina premat vestigia necesse est, iisque inhæreat. At hoc ipsum animo qui metitur, facile pervidet, esse id Regi rudimentū non molle, præsertim inter tot am fractus, abyssos, præcipitia & symplegades gravissimorum, quæ secum regnum trahit, negotiorum, decumani quorum fluctus, sibi semper superveniunt, se semper trudent, undique circumfunduntur, incumbunt, premunt. Est illi contra hæc omnia emoliendus animus altior qui sit, & urgentibus obnixus, commasculandus idem, & firmandus exemplis constantibus; quo tectus adversum fortuita, sui potens, & adversis rerum immerfabilis undis, rectum te-

neat clavum, ei affixus atque inhærens repellat incursum. Id autem rite recteque ut præstet, non aliud ipsi præsidium est præsentius, quam à vera virtute. Veram cum dico, cordatam volo, stantem solido, inconcussam: sed & illam cui maximum sit momentum ab animo intus intra se fovente conscientiam pulcherrimarum rerum, in quas indefinenter feratur. Idem quem modo citabamus præsul, tractatu de abusionum gradibus, pulcherrime in hanc rem, sic differit: *Nihil proficit habere, inquit, dominandi potestatem, si Dominus non habet virtutis regionem. Sed hic virtutis rigor, non tam exteriori fortitudine que & ipsis secularibus Dominis necessaria est, indiget, quam animi interiori fortitudine bonis moribus, exerceri debet. Sæpe enim dominandi fortitudo, per animi negligentiam perditur, sicut de Heli sacerdote factum fuisse comprobatur: qui cum per severitatem iudicii, peccantes filios non coercuit, in eorum vindictam velut consentienti, Dominus ferociter non pepercit. Tria ergo necessaria hos qui dominantur habere oportet, terrorem scilicet, ordinationem, & amorem: nisi enim ametur Dominus & metuatur, ordinatio illius minime stare poterit. Per beneficia ergo & affabilitatem procurèt, ut diligatur; & per justas vindictas, non propria injuria, sed legis Dei, studeat, ut metuatur. Propterea quoque dum multi pendent ab eo, ipse Deo adhaerere debet, qui illum in ducatu constituit, qui ad portanda multorum onera, ipsum veluti fortiorem solidavit. Paxillus enim nisi bene fixus firmiterque alicui fortiori adhareat, omne quod in eo pendet, cito dilabitur, & ipse solutus à rigore sue firmitatis, cum oneribus ad terram delabatur. Sic & Princeps, nisi suo conditori pertinaciter adhaeris, & ipse & omnis qui ei consentit, cito deperit. Quidam*
nam-

namque per dominandi officium plus Deo appropinquant, quidam imposto sibi dignitatis honore deteriores fiunt. Moses enim accepto populi ducatu, familiaris Dei allocutionibus utebatur: Saul vero filius Cis, postquam sceptrum suscepit, per inobedientia superbiam Deum offendit. Rex Salomon, postquam patris sui Domini David sedem obtinuit, Deus illum supra omnes mortales, velui ad innumerosi populi gubernationem, sapientia munere ditavit. E contrario Hieroboam servus Salomonis, postquam regni domus David partem occupavit, ad idolorum culturam, decem tribus Israël, quæ erant in parte Samaria, divertit. Per quæ exempla evidenter ostenditur, quosdam in sublimiori statu ad majorem virtutem crescere, quosdam vero per supercilium dominationis, ad deteriora defluere: per quod utrimque intelligitur, eos qui ad meliora ascendunt, per virtutem animi, & Dei auxilium, posse id facere, & eos qui ad deteriora divertuntur, pariter per mentis imbecillitatem & negligentiam, errare. Unde dominum sine virtute fieri non decet. quam virtutem sine Dei auxilio nemo habet. Qui enim multa tuetur, si non habeat fortitudinem animi, non valet id agere, quoniam magna magnis infestationibus vel adversitatibus solent laborare. Omnis igitur qui præ est, hoc primitus omni animi intentione procuret, ut per omnia de Dei adiutorio non dubitet. Si namque coeperit in actibus suis habere auxiliatorem Dominum Dominorum, nullus hominum contemptum potest habere illius dominatum. Non est enim potestas, nisi à Deo. ipse elevat de stercore egenum, & sedere facit cum principibus populi sui, & deponit potentes de sede, & exaltat humiles, ut subditus fiat omnis mundus Deo, & erigatur gloria Dei. Hæc ille. Exserit ergo sese potenter illa virtus, cum in Deum vnum lex intuetur, cum hujus unius mandata, directi-

rectiones, impulsus, sic observat, ut non aliam actionum suarum habeat mensuram, neque fortius aliud obsequii sui, ac pro obsequio executionis fundamentum, quam beneplacitum divinum. *Qua contra mores hominum sunt flagitia*, ait idem lib. 3. Confessionum, *pro morum diversitate vitanda sunt, ut pactum inter se civitatis aut gentis consuetudine vel lege firmatum, nulla civis aut peregrini libidine violetur. Turpis enim omnis pars est, suo universo non congruens. Cum autem Deus aliquid contra morem aut pactum quorumlibet jubet, & si nunquam ibi factum est, faciendum est, & si omissum est, instaurandum, & si institutum non erat, instituendum.* Hinc intelligi potest quantum supra quosvis alios permissum sit Regi, sed & simul quanta ei sollicitudo ad recte agendum adhibenda sit. Est is illius status, quod multoties dictum, ac dici necesse est, quem nullus superat, nullus exæquat: est ergo etiam illius culpa, si quam commiserit, ut ut levis, eo gravius peccatum atque acerbius, quod à ductore populi committatur: Notatum filiis medicorum, periculosissimas esse affectiones, quæ à cerebro in inferiora devehuntur. Idem in Rege verum. In Hierarchia coelesti, promptissimum angelorum Deo famulantium obsequium laudat Rex vates; quod stent accincti, exsequantur sine tergiversatione, sine mora. Sed horum itidem ut dignitas major ac sublimior status, ita & gravior lapsus fuisse, pie creditur. Ex his sibi Rex exemplum sumat. Scire enim eum oportet, supremo se numini, cujus in terris vices gerit, debendi reum esse: nempe, teneri ei de reddenda ratione negotiorum gestorum: non esse vero, ut supremo huic creditori decoquat,

quat, sed ex adverso, cum hic in terris quidem, nemini facultas sit ipsi dicam movendi, actioneve legitima interpellandi, qui alias secundum civilia jura duntaxat teneretur actione de dolo, etiam de negligentia, culpaque levissima causam dicturum. Et revera esse nequit, ut Rex, quatales, gravius in se aliquod præjudicium temere perhorrescat, præ hoc ipso, quod nullum supra se judicem habet dum vivit. Quod quivis facile videat: si enim sunt, ut sunt omnino summi illius Numinis ministri & procuratores, ut quam religiosissime custodiant fines mandati jus æquumque est. Quare cum minister Dei sit subditis in bonum, cœlestisque beneficentiæ quidam velut œconomus & distributor; quid æquum, quid iniquum sit, perpetuo ante oculos habere debet, quo constantem atque inflexibilem illam justitiam normam, & ipse constanter sequatur, observet ac colat; quinimo ne quidem patiatur animum suum à jugi atque perenni illius observantia agere destitutum; tum demum vere suus futurus, cum & neminem lædens, suum cuique tribuet, uni justitiæ nexus dicatusque. Quod neque tamen in puncto, aut in acie novaculæ (ut fert loquendi mos) nimium præcise accipiendum est. Est hic suum temperamentum, quod omnino benigne cum subsequi, qua datur, est ex humani generis publico bono. Iustus sit, neque quid agat, quod à justitia devium sit, modo sic tamen, ut præfractum justitiam durioris rigorem in his, quæ non omnino avertantur ac respuunt blandam gratiarum faciem, non nvolens clementiæ condonet; & mitiori subinde parti accedat: etiam hoc dum agit exempli divini futurus ob-

M

fer-

servator non futilis. Occasione non ominno dissimili ita scribit Augustinus lib. Quæst. Vet. & Nov. Test. c. 15. *Nimia justitia incurrit peccatum, temperata vero justitia reddit perfectos. Non enim sine malitia est, qui nimium est justus, quia peccantibus ad singula si respondeas, non deerit ubi pecces. denique Dei temperata justitia est: peccantibus enim aliquando irascitur, aliquando ignoscit, aliquando reddit, non quantum digni sunt, suffert enim eos, ut sint qui proficiant. Lex enim quia sese ipsam mollire non potest mitiganda est, ut possit prodesse sub se agentibus. Hic ergo nimium justus non est, qui Dei imitator est. Quoniam vero hoc illud heliotropium est, ad quod usquedum sese convertere Princeps debet, & ab imitatione divina prosperos sibi successus & vovere & augurari potest, operæ fuerit & ex eodem Augustino edoceri, qua demum in re divina illa imitatio, ad quam vocatur, consistat. Sic ergo ille De gradibus abusuum gradu 9. Nonus, inquit, abusuum gradus est, Rex iniquus. Etenim Regem non iniquum, sed correctorem iniquorum esse oportet. Inde in semet ipso nominis sui dignitatem custodire debet. Nomen enim Regis in intellectu aliter hoc retinet, ut subiectis omnibus rectoris officium procuret. Sed qualiter alios corrigere poterit, si proprios mores, qui iniqui sunt, non corrigit? Quoniam in justitia Regis exaltatur solium, & in veritate Regis solidantur gubernacula populorum. Justitia vero Regis est neminem per potentiam opprimere, sine acceptione personarum inter virum & proximum suum judicare, advenis, & pupillis, & viduis defensores esse, furti prohibere, adulteria punire, iniquos non exaltare, impudicos & histiones non nutrire, impios de terra perdere, paricidas & pejerantes vivere non sinere, Ecclesias defendere,*

pau-

pauperes eleemosynis alere, iustos super regni negotia constituere, senes & sapientes & sobrios consiliarios habere, magorum & hariolorum pythonissarumque superstitionibus non intendere, iracundiam suam differre, patriam fortiter & iuste contra adversarios defendere, per omnia in Deo confidere, prosperitatibus non elevare animum, adversa cuncta patienter tolerare, fidem catholicam in Deum habere, filios suos non sinere impie agere, certis horis orationibus insistere, ante horas congruas non gustare cibum, Va enim terra cuius Rex puer est, & cuius, Principes mane comedunt. Hæc regni prosperitatem in presenti faciunt, & regem ad cœlestia regna meliora perducunt. Qui vero regnum secundum hanc legem non dispensat, multas nimium adversitates imperii tolerat. Idcirco enim pax populorum sæpe rumpitur, & offendicula de regno suscitantur, terrarum quoque fructus diminuuntur, & populorum servitia impediuntur, multi & varii dolores prosperitatem regni inficiunt, charorum & liberorum mortes tristitiam inferunt, hostium incursum provincias undique vastant, bestia armentorum & pecorum greges dilacerant, tempestates aeris, & hemisphæria turbata, terrarum fecunditatem & maris ministeria prohibent, & aliquando fulminum ictus segetum & arborum flores, & pampinos quoque exurit. Super omnia vero Regis iniustitia non solum presentis imperii faciem offuscat, sed etiam filios & nepotes, ne post se regni hereditatem teneant, obscurat. Propter piaculum enim Salomonis regnum Dominus Israel de manibus filiorum suorum dispersit, & propter iustitiam Davidis Regis, lucernam de semine ejus semper in Hierusalem reliquit. Ecce quantum iustitia regis saculo valet, in-
tuentibus perspicue patet. Est enim pax populorum, tutamen patriæ, immunitas plebis, munimentum gentium, cura lan-

guorum, gaudium hominum, temperies aeris, securitas maris, terraeque sœcunditas solatium pauperum, hæreditas filiorum, & sibi met ipsi spes futura beatitudinis. Attamen sciat Rex, quod sicut in throno hominum primus constitutus est, sic & in pœnis, si iustitiam non fecerit primum locum habiturus est. Omnes namque quoscunque peccatores in præsentis sub se habuit, supra se modo implacabili in illa futura pœna habebit. Hæc ille. Sed heu quam difficile est tam lubrico culmini non lapsurum insistere ! Suam enim potentiam librare & perpendere si Rex quandoque incipit, & vires quibus abuti possit, in apertum deducere, ut sui non obliviscatur inter illecebras illas & peccandi incentiva, id vero verius promptius sit, quam ut speretur. Quotusquisque non in ejus contemplatione se perdit, quo potentior, quo major, dum splendoris ipse jubarisque sui mancipium, turgēt inflatus, ruinæ proximus ? Nebucadnezar, ut ait sacer textus, ob amplitudinem, quam dederat ei Deus, id erat consecutus, ut omnes nationes, & populi, & linguæ, tremere ac timerent à conspectu ejus. Quem volebat (textus verba sunt) occidebat, & quem volebat servabat in vita, & quem volebat extollebat, & quem volebat deprimebat. Sed cum elatus esset animus ejus, & spiritus ejus obdurus esset ad superbe agendum, depositus est à solio regni sui, & gloriam ejus removerunt ab eo. Nam ab hominibus depulsus animum ad bestias applicuit, & cum onagris habitationem suam, herbam ut bobus gustandam dederunt ei, & rore cæli corpus ejus intinctum est, donec agnovit dominari Deum excelsum in regno hominum, & quem vult constituere in eo. Vidit similiter filius illius Balthasar, Regales inter epulas,

epulas, digitos humanæ manus scribentes à Regione lychnuchi, Numeravit, Numeravit Deus regnum tuum, & perfectissime (interprete Daniele Propheta) numeravit illud, Appensus fuisti lancibus, & es inventus minore pondere. Divisum est regnum tuum, traditumque est Medis & Persis, Et, ut habet historia, eadem nocte interfectus est Balthasar Rex Chaldæorum. Ac ne plura exempla cumulem, quam Deo sit execrata ista superbia, Herodes doceat, non aliam ob causam ipse sui bustum, dum vivus vidensque infamibus insectis pediculisque in saginam datur. Hic Rex animos sursum ferat, ad cælum tollat oculos. Notum illud Poetæ :

*Vos quibus rector maris atque terra
Ius dedit magnum necis atque vitæ,
Ponite inflatos tumidosque vultus
Quicquid à vobis minor extimescit
Major hoc vobis Dominus minatur.*

Item & hoc :

*Regum timendorum in proprios greges
Reges in ipsos imperium est Iovis.*

Iurisdictionem quam ex mandato exercet, summo-pere caveat oportet, ne unquam animum inducat, sibi eam propriam competere; nedum aliquo jure præcipui, sibi deberi: quim sciat ex adverso, si quid inique usurpet intervertat, invadat, immensis æternisque suppliciis à se commissæ expiaturum. Quos temporalis pœna non affligit, altera, insatibili tormentorum dolore sævior, sine fine

prosequitur. *Audite Reges, & intelligite, ait Sapiens cap.6. discite iudices finium terra. Præbete aures vos, qui continetis multitudines, & placetis vobis in turbis nationum: quoniam data est à Domino potestas vobis, & virtus ab Altissimo, qui interrogabit opera vestra, cogitationes scrutabitur: quoniam cum essetis ministri regni illius, non recte iudicastis, nec custodistis legem iustitia, neque secundum voluntatem Dei ambulastis. Horrende, & cito apparebit vobis: quoniam iudicium durissimum, in his, qui præsumunt, fiet. Exiguo enim conceditur misericordia: potentes autem potenter tormenta patientur. Non enim subtrahet personam cuiusquam Deus, nec verebitur magnitudinem cuiusquam; quoniam pusillum & magnum ipse fecit, & æqualiter cura est illi de omnibus. Fortioribus autem fortior instat cruciatio. Atque hoc illud vere est, quod asperrimam reddit conditionem regnandi, quod ipse Rex simplici obligationis vinculo irretitus non sit, sed & illa præstare qua cæteris major celsiorque teneatur, quæ scripta aliqua in ipsum aut ipsi lege nullus sancire aut possit, aut debeat: quod vel eo usque atque in tantum sibi met ipsi legem ferre teneatur, ut sibi nequaquam indulgere possit, quæ præter Regem ac ei similes, cæteris omnibus leges fortassis sint permissuræ. Ut habet regula, licita sunt, quæ non fiunt aliqua lege prohibente. Rex contra, si quid designat, etiam præter æquum quod sit, actutum reus est: nosse debet, velle Deum id esse vinculum publicæ incolumitatis, nihil ut sibi licere permittat, cui in summa fortuna omnia pro libitu licere, aut videri, aut credi possit: Velle Deum ut talem se subditis suis exhibeat, qualem se sibi Deum præbere desideret. Id ni faciat Rex, jam non*

ima-

imaginem ipse referat Dei, qui in omnes beneficus, amari, coli, atque observari tantum cupit; obesse, nocere, aut male de quoquam mereri nec vult, nec potest, sed ex adverso, quod execrandum est potentiæ genus, potens modo valensque sit ad nocendum. Convenientissimum ergo est, ut non nisi quæ à rationis lege definita sunt, velit nullis finibus constricta potentia. Omnia sibi subijcere quæ volet, se rationi submittat, omnibus imperitatura, si se illi regendam permiserit. Divino proximum illud est, *Ut est felicitatis tuæ posse quantum velis, sic magnitudinis est velle quantum possis*: Nec non alterum illud, *Quæ facta ledunt pietatem, existimationem, verecundiam nostram, & (ut generaliter dixerò) contra bonos mores sunt, ne quidem nos facere posse credendum est*. Sed enim, si pluribus hic agamus hac de re, iustituto nostro prævortamur, quod est, ostenso eo in quo Regia potestas consistat, etiam quid officii regalis sit demonstrare. Quo ne tamen prævaricari videamur & qui capite insequenti multi futuri sumus in demonstranda, quam Regi suo subjecti debent, obedientia, levi nimis brachio hæc ipsa percurrere, visum est his subnectere, quæ anno c10 10 cxviii. in alma Lugdunenſi. Academia, de Rege ad Regum sapientissimi Salomonis præscriptum efformando, publico examini subjecimus. Sunt autem hæc quæ sequuntur.

SAPIEN-

SAPIENTISSIMI REGUM
SALOMONIS

R E X

feu ..

Descriptio boni Regis, petita ex libris
SALOMONIS.

T H E S I S: I.



N omni bene ordinata gubernatione sunt gradus : semper enim ^a est altus superior altis , imo altissimus superior est illis. Estque hic ordo à Deo, non tantum in inferioribus, in quibus ^b Dives & pauper inter se occurrunt, efficiente hos omnes Iehova: sed etiam in summis: neque enim falso exclamat Sapientia, ^c Per me Reges regnant, & dominatores decernunt iustitiam: Per me Principes gerunt principatum, & ingenui omnes iudices terræ. Hujus autem ^d voluntas voluit Deus etiam in brutis vestigia elucere, ^e Rex enim non est locustis, & tamen procedunt conserta omnes.

^a Eccles. v. 8. ^b Prov. 22. 2. ^c Prov. 8. 15. 18. ^d Prov. 30. 27.

II.

Quemadmodum autem non habere Regem certum est irati Dei argumentum, ita habere plures. ^a In defensione regionis multi sunt Principes ejus.

^a Prov. 28. 1.

III.

In regno hæreditario fere observatum est, Principem filium pluris fieri à suis civibus, quam patrem ætate confectum: ^a Vidi sane cunctos viventes ambulantes sub sole, cum puero secundo, qui stabit pro eo. In electivo vero, ex pulvere quoque & ergastulo evocantur quidam ad sceptrum: E domo victorum egreditur aliquis ad regnandum. Eligendus au-

^a Eccles. 4. 15.

N

tem

tem non servus: Nam ^b non decet stolidum oblectatio, multo minus servum dominari super Principes. ^c Vidi servos infidentes equis Principis, & cunctes tanquam servos super terram. ^d Sub tribus commovetur terra, imo quatuor non potest ferre; quorum primum est, sub servo quum is regnat. Quis ergo capiendus? liber; & inter hos nobilis, interque nobiles nobilissimus. ^e O te beatam Regionem, cujus Rex natus est clarissimus?

^b Prov. 19. 10. ^c Ecclef. 10. 4. ^d Prov. 20. 21. 22. ^e Ecclef. 10. 14.

IV.

Imprimis vero debetur Regibus Honor & Fides.

^a Time Iehovam fili mi, & Regem; cum mutantibus vero se ne commiscetor, quoniam repente consurget contritio eorum. Rursum, ^b Moneo ut os Regis observes, & verbum juramenti Dei.

^a Prov. 24. 21. ^b Ecclef. 8. 2.

V.

Honorem consequetur Rex, si fuerit honorabilis: Hoc erit, si fuerit virtute præditus: danda ergo opera virtuti. 1. ob præmia; nam ^a ob benedictionem rectorum exaltatur civitas, & ore impiorum subvertitur. 2. ob exemplum aliorum: Nam ^b Dominatoris attendentis verbo mendaci omnes ministri sunt impii. Porro sicut bonus Rex ingens bonum; ita Rex malus Ilias malorum; imo ^c quod leo rugiens, & ursus esuriens, id est Princeps impius super populum pauperem. ^d Melior enim est puer pauper & sapiens Rege sene & stulto, qui nescit admonitionem recipere amplius.


^a Prov. 11. 11. ^b 29. 12. ^c Prov. 28. 15. ^d Ecclef. 4. 13.

Virtu-

VI.

Virtutum Regiarum, quas magnus Rex Salomon commemorat Synopsin hic inferuimus.

CONSPECTUS VIRTUTUM REGIARUM.



VII.

In intellectu posuimus SAPIENTIAM & PRUDENTIAM: ^a Per hanc enim Reges regnant, & Principes decernunt iustitiam. Per eam Principes dominantur, & Principatum obtinent omnes iudices terra. Ipse etiam Salomon de se, ^b Idcirco dedi cor meum ad cognoscendam sapientiam, & ut viderem negotium quod sit in terra. Observatumque est omni ævo, ^c Ducem carentem intelligentiis multiplicare rapinas. ^d Va autem terra quando Rex tuus puer est.

^a Prov. 8. 15. 16. ^b Ecclef. 3. 16. ^c Prov. 28. 16. ^d Ecclef. 10. 16.

VIII.

Promoveantur autem consilia copia bene consulentium. Nam ^a *quum non fuerint consilia, corruet populus: salus autem in multitudine consultorum.* ^b Dissipantur etiam cogitationes, quando non est consilium, sed multitudine consiliariorum firmantur. Cæterum in deliberationibus recurrendum identidem ad os Dei. Nam *quum non est visio, dissipatur populus: custodiens autem legem est beatus.* ^c Profuerit impios consiliarios amovere. ^d *Remove impium à conspectu Regis, & firmabitur in iustitia solium ejus.*

^a Prov. 11. 14. ^b 15. 22. ^c 29. 18. ^d Prov. 26. 1.

IX.

Sed in consiliis capiendis non est eadem Regum, atque aliorum hominum ratio. Nam illi quo Deo viciniore sunt, hoc certius ab ipso inspirantur: estque hic divinum quid in illis atque admirandum, *Calorum altitudinis, & terra profunditatis, & cordis Regum non est investigatio.* ^b Et, ut rivuli aquarum, sic cor Regis in manu Iehova, ad omne quod vult inclinat illud.

^a Prov. 25. 3. ^b 21. 1.

X.

In appetitu ponimus virtutes morales, quarum aliæ servant *τι μὲν αὐτῶν ἡμεῖς*, aliæ *ὅ μὲν αὐτῶν ὁ θεὸς ἡμεῖς*. Prima esto FORTITUDO, quam exaggerati animi robore in suscipiendis cum ratione periculis definimus; Cum ratione, in quâ alioqui *melior est tardus ad iram, quam fortis, & qui*

Prov. 26. 31.

domi-

dominatur spiritu suo, quam qui capit urbem. Hæc virtus Regem hosti suo terribilem reddit. Quatuor sunt quæ bene gradiuntur, Leo fortissimus inter animalia, Molossus, Hircus silvester, & Rex in quem nemo insurgit.

b 300. 29. 30. 31.

XI.

TEMPERANTIA modum servat in expetendis voluptatibus. Est autem hæc ingens Regis ornamentum, sive castimoniam, sive sobrietatem, sive in cibo frugalitatem spectes. De moderatione in rebus venereis luculentum est, *præceptum Lemuelis, quod ei dedit mater sua. Fili mi, ne dederis mulieribus fortitudinem tuam, & vias tuas ad delendum Reges. Ne declinet ad vias ejus cor tuum, neque oberres in semitis ejus: Multos enim vulneratos cadere fecit, & sortes omnes occisi ejus: Via inferni domus ejus, descendentes ad cubicula mortis. Ipse quoque Salomon optimus harum rerum post resipiscientiam suam testis pariter & monitor, Inveni, inquit rem amariorem ipsa morte, nempe mulierem: quia est sicut retia, & laquei cor ejus, & ut vincula manus ejus.*

a Prov. 31. 3. b 7. 25. c Eccl. 7. 20.

XII.

Moderatio in potu est SOBRIETAS, quæ vel maxime ad ~~modum~~ pertinet, quum ebrietas ~~etiam~~ excutiat. Absit ergo a Regibus o Lemuel, absit à Regibus bibere vinum, & à dominatioribus desiderium potus mebriantis, ne forte

a Prov. 31. 4.

N 3

bibat,

bibat, & obliuiscatur statuti, & mutet iudicium omnium afflictorum. Moderato tamen usu vini ipsi interdictum non esse, ostendunt illa Salomonis, ^b *Agedum, bibe animo hilari vinum tuum. Nam quis esset fruiturus, & quis confestim esset usurpaturus potius quam ego?*

^a Ecclef. 9. 9. 17. 26.

XIII.

Sed & in cibus vitanda ipsi ^{impetant}. ^a *Vae tibi terra, quando Principes tui mane comedunt. Beata vero terra, quum Principes tui comedunt suo tempore ad robur, & non ad comessationem.*

^a Ecclef. 10. 16. 17.

XIV.

Circa pecunias versatur LIBERALITAS. Rex ergo sicut prodigentiam fugiet, sic non debet nimis esse ^{luxuriosus}. ^a *Dux qui multiplicat rapinas caret intelligentiis; sed qui odio habet avaritiam, prolongabit dies. Nec cogitabit largitione moderata se depauperari: Est enim, ^b qui dispergit rem, & additur ei amplius, & est qui rei suae parit plus aquo, sed ad inopiam. ^c Anima quae benedicit impinguabitur. In sermone erit ^d *Non est decorum stulto labium excellens, quanto magis Principi non est decorum labium mendax? Odit ergo mendaces, vera & recta amat. ^e Beneplacitum Regum labia iusta, & loquentem recta diligit. ^f Dominatoris attendentis verbo mendaci omnes ministri sunt impii.**

^a Prov. 28. 16. ^b 11. 24. ^c 25. ^d Prov. 17. 7. ^e 16. 13. ^f 29. 12.

XV.

In offensionibus cohibebit Rex iram, eritque MAN-
SÜETUS, ac LONGANIMIS: nam ^a *ira Regis est nuncius*
mortis, ac *vir sapiens removebit eam.* ^b *Qui cito irascitur facit*
stultitiam. ^c *Tardus ira est multus intelligentia.* ^d *Meliorque est*
tardus ad iram, quam fortis, & qui dominatur spiritui suo, quam
is qui capit urbem. Imo ^e *veluti rugitus Leonis est ira Regis,*
& sicut ros super herbam est benivolentia ejus. Amat quoque
^f *istam Princeps in aliis; g Longanimitate quippe flecti-*
tur Princeps, & lingua mollis confringit ossa, vel ut alibi ait
magnus Rex, ^h *mollis responsio avertit excandescentiam.*

^a Prov. 16. 14. ^b 14. 17. ^c 29. ^d 32. ^e 19. 12. ^f 25. 15. ^g 15. 1.

XVI.

In congressibus laudatur CANDOR & AFFABILI-
TAS, quæ instar læti sideris simulatque affulgit, homi-
num animos ad sui amorem rapit: ^a *Quum illuxerit facies*
Regis, erit vita: & benivolentia ejus erit velut nubes effun-
dens serotinam pluviam.

^a Prov. 16. 15.

XVII.

Talis ergo erit Rex erga se: spectemus nunc, qualis
esse debeat ^a *coris imperis, & cælestis potestatis*: quandoquidem ^b *in*
multitudine populi est gloria Regis, quum autem non fuerit po-
pulus est attritio Principis.

^a Prov. 14. 26.

Impri-

XVIII.

Imprimis ergo Rex Iustus esto. ^a Nam Rex qui sedet super solium iudicii dispergit oculis suis omne malum. ^b Iustitia exaltat gentem, at ignominia est populus, peccatum. ^c Quando dominantur iusti, latatur populus; quum vero dominatur impius, gemit populus. ^d Rex in iudicio stabilem reddit terram, vir autem exactionum, diruet eam. ^e Iustitia stabilitur solium, abominatio autem est Regibus facere impietatem: Curabit ergo ut iustæ sint commutationes: quippe cum ^f Statera dolosa sit abominatio Iehovæ, pondus vero perfectum voluntas ejus: Abominatio Iehovæ sunt diversa pondera; & bilanx dolosa non est bona. Duplex pondus & duplex mensura abominatio sunt Iehovæ utraque. Similia leguntur Prov. 13. 1. & 20. 23. Nec facile spondebit pro alio, memor illius, ^g *lyl'm. mupm* ^h *l'm.* ⁱ Contritione conteretur homo quum fide jusserit pro extraneo; qui vero odit stipulantes, confidet.

^a Prov. 20. 8. ^b 16. 34. ^c 29. 2. ^d 4. ^e 16. 12. ^f Prov. 9. 1. ^g 14.

XIX.

Idem faciet in distributionibus præmiorum & pœnarum. Malos ergo puniet. Nam ^a dum crebuntur impii abscondit se homo: quum vero pereunt, multiplicantur iusti. Quum exsultant iusti, multa est gloria; quum autem crebuntur impii, abscondit se homo. ^b Felicitate iustorum latatur civitas, & quum pereunt impii, erit exultatio. Propter benedictionem rectorum exaltatur civitas, ore vero impiorum subvertitur. ^c Remove igitur impium à conspectu Regis & firmabitur in iustitia solium ejus.

^a Prov. 28. 12. ^b 11. 10. 11. ^c 25. 1.

Faciet

XX.

Faciet autem id sine *αποκαλεί* : Non abjudicabit pauperi jus propter inopiam suam ; aut potentiori propter opes. Regis enim *α* *qui judicat in veritate pauperes thronus in æternum firmabitur.* Contra vero Accipere personam impii non est bonum, ut declinare faciant justum in judicio. Quæ quum ita sint, *Aperi, ô Rex, os tuum, judica justitiam, & judicium pauperis & egeni.*

a Prov. 29. 14. *b* Prov. 28. 5. *c* 31. 9.

XXI.

Iustitiæ comes est *επιείκεια*, quæ est *επιείκεια τῷ νόμῳ δικαιοῦ* *αὐτοῦ τοῦ βασιλέως* Hanc imprimis sibi commendatam Rex habeat: Nam *a* *benignitas & fides custodiunt Regem, & Rex sustentat beniguitate solium suum.* *b* *Qui seclatur justitiam & beniguitatem, consequetur justitiam, vitam, & honorem.*

a Prov. 22. 28. *b* 21. 21.

CAP. IX.

*Nulla ratione fas liberumve esse populo ,
quam Principi debet obedientiam temerare ,
nedum violare.*



Alterum , quod promiseram , corollarium erat, nulla ratione à populo temerandam esse, nedum violandam obedientiam, quæ Principi debetur. Vbi quidem omnino exceptum atq; exemptum esto illud *dividendum*. *effatum. Obedire Deo magis oportet, quam hominibus :* cuius præterquam quod est inconcussa, ut quæ promanavit à Spiritu Sancto, veritas, etiam communem sensum æquitate sua in assensum trahit. Neque enim Principi recte exhiberi obedientia potest, nisi & Deo obediatur cui Princeps servit : Principi autem exhibetur obsequium paratissimum, cum Deo ipsius auctori, statore, vindici, illud ipsum impenditur. Non possunt terrena cœlestibus oblectari imperia, si quod sunt Principes, aut esse aut haberi volunt, eoque sciunt, esse sibi parendum Deo, ut Regum Regi, Dominoque supremo, per quem regnant, cuius muneris omnis illa potestas est, quam exercent in subiectos. Recte Augustinus De verbis Domini secundum Mathæum sermone sexto. *Tinendo potestatem, inquit, ipsos rerum humanarum gradus advertite. Si*
aliquid

aliquid jufferit curator, nonne faciendum est? tamen si contra Proconsul jubeat, non utique contemnis potestatem, sed eligis majori servire. Nec huic debet minor irasci, si major prelata est. Rursum si aliquid Proconsul jubeat & aliud jubeat ipse Imperator, numquid dubitabitur, in illo contemptu illi esse serviendum? Ergo si aliud Imperator, aliud Deus, quid judicatis? Solve tributum, esto mihi in obsequium: Recte quidem, sed non in Idolio: in Idolio prohibet. Quis prohibet? Major potestas. da veniam: tu carcerem, ille gehennam minatur. Hinc jam tibi assumenda est fides tua, tanquam scutum, in quo possis omnia ignita jacula inimici extinguere. Sed insidiatur contra te Potens? Acuit novaculam, unde capillos radat, non unde caput incidat. Hinc idem Augustinus de Ægyptiis illis obstetricibus, quæ Israelitarum vivos conservarunt natos, quod opus misericordiæ fuit, sicut pro vita sua mentitas esse, fuit infirmitatis, quam Deus gratia gratia condonat; homines vero, non nisi ingrati & protervi, possunt ad exemplum imitationis sibi proponere: omisso illo quo peccasse per infirmitatem indicantur, certum est, ait, eas non modo laudatas, quod inhumano Regis edicto non paruerint, eoque, ut quæ Deum timuerint, meruisse commendari, sed etiam ob hoc ipsum Dei in se beneficentiam provocasse. Ita sacer textus, Idcirco benefecit Deus obstetricibus illis, quum augetetur ille populus, & corroboraretur valde. Sic laudatur etiam Obadiæ pietas, qui deserviente in Prophetas Dei Iesabele, eosque excindente, eorundem exterminio occurrens, centum Prophetas abscondit, & quinquagenos viros in speluncam abdidit, quos & pane & aqua cibavit. Quam grata idem Deo fuerit pietas Danielis, edicto Darii cultum Dei vivi

præferentis, testantur leonum rictus totam noctem occlusi, cum tamen iidem projectos in foveam, qui Daniele accusassent, cum uxoribus maritos liberosque ilico discerpserint, & ne quidem passi ad oram foveæ eos deferri, *Dominium in ipsos* (ita ait sacer Codex) *exercuerint, omniaque ipsorum ossa comminuerint.* Vtique vix alias potentius demonstratum, quam probaretur supremo numini tam pertinax constantia obedientiæ, vel in evidentissimo vitæ periculo, inde se avelli non passæ, in quo solo defigi amat, & actis profunde radicibus immota perstare. Vnde & in Principes sibi obversos iram ac furorem suum potius explicaturum sese Deus testatur, quam ut obedientiæ, quam hic exigit, vel tantillum derogari patiatur. Quidquid ergo fit ad sartam rectam tuendam obedientiam, quæ Deo debetur, recte fit; & ad illam, de qua jam dicturi sumus, obedientiam non facit. Quæ autem hæc sit si quis roget, expediam. Est ea, quam Simplicius suis ad Epictetum commentariis requirit, quo loco ita scribit: *Neque Magistratibus obsequi tantum, sed & operam, qui possunt, navare debent, atque existimare in his niti salutem civitatis. Sin autem verbo tantum Principes erunt, & Magistratus officia negligent, improbandi illi quidem erunt, ut sunt improbi: sed quod Magistratui convenit eis præstabitur; ut & Principatum eis deferamus, & in iis rebus pareamus, quibus animus non leditur.* Talis obedientia in tantum necessaria est, ut etiam pro tyrannis manifestariis Deum teneamur orare. Nam ut Magnus ille Augustinus, quem priusquam hæc scriberemus manu sæpe trivimus Lib. 19. d: Civitate Dei; *Quandiu permixtae sunt*

sunt amba civitates, utimur & nos pace Babylonis, quam quidem non habebit in fine, qui non bene utitur ea ante finem. E Babylone ita per fidem populus Dei liberatur, ut apud hanc interim peregrinetur, propter quod & Apostolus admonuit Ecclesiam, ut oraret pro Regibus ejus, & sublimibus, addens, & dicens ut quietam & tranquillam vitam agamus cum omni pietate & charitate. Et Propheta Hieremias cum populo Veteri Dei venturam prænunciaret captivitatem, & divinitus imperaret, ut obedienter in Babyloniam irent, Deo suo etiam ista patientia servientes; monuit & ipse ut oraretur pro illa, dicens Quia in pace ejus est, pax nostra: utique interim temporalis pax, qua bonis malisque communis est. Dico, ergo, non statim si quid vel primario, vel secundario divinis legibus adversari videbitur, quod agit Princeps, in argumentum trahi debere læsæ divinæ Majestatis, ut ei sit reluctandum. Exemplo res planior fiet. Lex est, Qui sanguinem effuderit, ut sanguis ejus effundatur per hominem. At, occidit Ioab filius Serujæ Abner filium Neri, & Amasam filium Ietheri, cædem bellicam designans in pace. Reposuit, habet textus, sanguinem bellicæ cædis in zona sua, quæ adharebat lumbis suis, & in calceamento quod habebat ad pedes suos: David neutrius cædem ulciscitur: quin Ioabum habet inter procures suos, & non postremum regni columen. Non ideo populo, quod David negligat implere legem Dei, recalcitrandum dicas, aut excutiendum obedientæ jugum, aut ad vindicias divinas fuisse proclamandum, tanquam ad pileum & libertatem. Quin legum complurimæ sunt, quibus etiam contraria atque obstantia Rex imperet: & vero non datur ulla

recta lex, quæ non partem sui trahat à lege divina : actamen obedientia tum demum neganda est , cum iussa Principum divinis è diametro obluçantur ; cumque in Dei vivi injuriam ea sanciant , quæ vel quivis agnoscat in illius vilipendium ac probum, propalam decreta. Ad hanc nos obedientiam manu ducit , omnesque oblocutiones comprimit ipsum Dei jus , ipsa voluntas in alto Majestatis fastigio quemcunque voluerit, aut humilem, aut etiam improbum collocandi. Est hic ordo providentiæ divinæ omne hominum genus ineffabili judicio dispensantis. *Contra Dei iram Israel speravit in Damasco ; diruatur civitas, quæ adversus illius voluntatem impiis præstat auxilium : Iudas speravit in Ægyptiis ; & Ægyptus destruetur : Ægyptii confisi sunt in Æthiopibus ; Æthiopes quoque vincantur ab Assyriis : Assyrii superbierunt, non Dei sed suarum virium arbitrantes esse victoriam ; & ipsi vincantur à Babiloniis : Babylon elevavit contra Deum caput ; & ipsa à Medis Persisque superetur : Persæ & Medi ex parte persecuti sunt populum Dei, & aries savissimus ad Orientem & Occidentem omnes populos ventilavit : veniat hircus Alexander , & conterat eum pedibus suis, & iste, qui ultra modum erectus est, veneno pereat, regnumque ejus dividatur in partes , & cum multo tempore collisum fuerit, Romano vincente populetur : Romanus ipse ferratis dentibus unguibusque sanctorum carnes , & cruento ore laceravit ; excindatur lapis, de monte sine manibus, & potentissimum primum regnum ac ferreum, deinde fragile & infirmum, in testarum modum conterat : ait Divus Hieronymus. Qui & ipse ad caput 2. Osee, Non ergo, inquit, miremur, si quando cernimus & Regibus Reges , & regnis regna succedere , quæ Dei gubernan-*

bernantur, & mutantur, & finiuntur arbitrio, causasque singulorum novit ille, qui conditor omnium est; & sæpe malos patitur suscitari, ut mali malos puniant. Quæ quam vim habent ad illam, de qua sermo est obedientiam, doceat nos lib. 2. dialogorum adv. Pelag. Augustinus: Daniel Prophetam, inquit, loquitur ad Nabuchodonosor, quod dominetur Excelsus Regno hominum, & det illud cuicunque voluerit, & extremum atque projectum constituat super illud. Interroga eum, qua de causa ultimum atque despectum constituat in Regem, & faciat quod voluerit: & discute utrum voluntas ipsius justa sit, de quo scriptum est: Qui suscitavit de terra humilem, & de stercore elevavit pauperem, ut collocet eum cum Principibus; cum Principibus populi sui. An forsitan, juxta te, absque judicio atque justitia gloriam querit auramque popularem, ut humiles erigat in regnum, & potentes humilitate commutet? Audi Prophetam dicentem. Omnes habitatores terræ quasi nihil reputati sunt apud eum. Fecit enim quodcunque voluit & in cælo & in terra: & nemo est qui resistat voluntati ejus, aut possit dicere, quare hoc fecisti? cujus sunt omnia opera in veritate, & vix illius justitia, & superbientes potest ipse humiliare. Antiochus Epiphanes Rex crudelissimus, subvertit altare, ipsamque justitiam fecit conculcari, quia concessum erat ei à Domino, causasque reddit, Propter peccata plurima. Ergo non fecit, quod ipse tantum voluit, sed quod propter peccata populi concessit Dominus. Denique sequitur, quod non ex propria fecerit fortitudine, sed ex ejus imperio qui præcepit, ut fieret. Sed nec exemplis opus. satis ipsa Dei voluntas est, & plus satis illud, quod horrendum quoque vix contra omnes effulminat, qui eam aut sistere se posse præsumant,

mant, aut morari velint. *Quum descendit nix aut pluvia de cælo*, ait apud Esaiam, *rursus illuc non revertitur, sed inebriat terram ipsam, facitque ut pariat ipsa, & producat, & cdat sementatori, & panem comedenti. Sic erit etiam verbum meum, quod egressum erit ex ore meo, non revertetur ad me vacuum, sed faciet id in quo delector, & prosperabitur id, in quod emisero.* Et apud eundem, *Va litiganti cum fectore suo: testa cum aliis testis terreis. An dicturum est lutum fectori suo, quid facturus esses, cum ad opus tuum istud nulla sint manus? Va illi, qui dicit patri suo, quid geniturus esses, & sœmina, quid esses paritura?* Sic ait Dominus Sanctus Israelis, & formator ejus, *quæ ventura sunt petite à me, & de opere manuum mearum interdicite mihi. Ego feci terram & hominem super eam creavi, ego manibus meis extendi coelos, omni quoque exercitui eorum præcepta dedi.* Consequens est ut cum indubie parendum sit Deo, qui hic Reges habet ut instrumenta sua, non minus quoque parendum sit Regibus, per quos ipse à se concepta, designata, decreta, explicat, agit in fines suos, atque ad effectum perducit. Neque hic querenda nobis ratio, videntibus quippe, eam quæ Regibus præstatur ac deferitur, obedientiam, partem esse, ac neque minimam quoque aut inficiandam, illius obedientiæ, quæ Deo debetur. Sic Israelitis totres contra Mosen & Aaronem murmurantibus respondent ipsi, *Vos murmurastis contra Dominum, nos enim quid sumus* (at erant tamen istius politiæ Magistratus summi) *ut iussissetis contra nos? Non contra nos murmur est vestrum, sed contra eum.* Itidem horrenda illa seditione, qua dissiliens tellus refractarios absorpsit, sic locutos habet textus: *Omni globus tuus stat*
contra

contra Dominum; quis enim est Aaron ut murmuretis contra eum? Hinc & Theocratico in regimine, in quo obedientia Dei primario spectari debuit, inobedientia mortis supplicium luit. Hæc enim lex est: Vir ille qui commiserit superbe, ut non auscultet sacerdoti, constanter ibi ministranti Domino Deo tuo, aut summo judici, utique morietur. Vir ille, & tolles malum illud ex Israele. His consona sunt, quæ in Novo leguntur Fœdere, Qui vos recipit, me recipit; & qui me recipit, recipit eum, qui me misit. Item, Qui vos audit, me audit; qui vos spernit, me spernit; & similia. De quibus graviter Salvianus Massilienlis Lib. de Provid. Dei 8. Sacrilegii, inquit, genus est, Dei odisse cultores. Sicut enim si quis servos nostros cadat, in nos servorum nostrorum cadit injuria; si à quoquam filius verberetur alienus, in supplicio filii pietas paterna torquetur: Ita & cum servus Dei à quocunque leditur, Majestas divina violatur, dicente ipso ad Apostolos Domino, Qui vos spernit, me spernit. Benignissimus ac piissimus Dominus communem sibi cum servis suis honorem & contumeliam facit, ne quis, cum laderet Dei servum, tantum hominem à se laesum arbitraretur, cum absque dubio injuriis servorum Dominicorum Dei admisceatur injuria. Ad talia ista respexisse liceat dicere Apostolum, quum de obedientia etiam carnalibus Dominis præstanda, cui hæc de qua agimus, persimilis est, ita loquitur, Obedite Dominis carnalibus, cum timore & tremore, in simplicitate cordis, sicut Christo. Item, Facite ex animo quodcumque operamini, sicut domino, & non hominibus. Quare & aurea illa sunt Vegetii li. 2. de Re militari concipi militaria sacramenta dicentis per imperatoriam Majestatem, quæ secundum Deum (verba illius sunt)

P

generi

generi humano diligenda est & colenda. Nam Imperatori, cum Augusti nomen accepit, tanquam presenti & corporali Deo, fidelis est præstanda devotio, & impendendus pervigil simulatus; Deo enim vel privatus, vel militans servit, cum fideliter eum diligit, qui Deo regnat auctore. Recte sane: libere enim agit Deus, nec quibus utatur instrumentis, aut quomodo, quis ei præscribat. Si Principem populo subjicere ei visum, dicit actutum, ut in illo Samuelis, *Audi omnia quæ tibi populus est dicturus*: Si maritum uxori, *Quæ tibi omnia dicet Sara, audi vocem ejus*, statim dictabit. Objecerat Augustino Petilianus, quod videretur Deus etiam humano sanguine aliquando lætatus, ut cum occisorem fratris Cainum, superstitem vita frui voluerit. Ille vero recte ita respondet, *Si occisori fratris noluit inferri mortem, sed relinqui carnifici vitam, vide ne forte hoc sit, quod cum cor Regis sit in manu Dei: unde multas ad vos corripandos, & commonendos leges ipse constituit; nulla tamen vos lex Regia jussit occidi; fortasse propterea, ut quicumque vestrum, in pertinaci sacrilegi furoris aura persistunt, Cain parricide supplicio, & vita carnifice crucientur*. Ergo siquid aliud hujusmodi aut facere aut præcipere Deo placuerit, e vestigio parendum est. Parendi necessitatem inycit, non modo quod urget imperium, quale in Bileamo, cum inquit, *Etiamsi Balaac daret mihi domum suam plenam auro & argento, non possem transgredi statutum Domini Dei mei faciendo parvum aut magnum*: Sed & occultarum causarum nexus nulli pervestigandi, &, velis nolis, semet ipsos evoluturi. Pulchra sunt in hanc rem illa Boethii: *Sola est divina vis cui mala quoque bona sint, cum eis competenter utendo, boni alicujus*

ni alicujus elicit effectum. Ordo enim quidam cuncta completitur, ut quod ab assignata ordinis ratione discesserit, hoc idem, licet in alium, in ordinem tamen relabatur, ne quid in regno divino liceat temeritati. Naturarum quippe omnium conditor Deus, ad bonum dirigens, cuncta disponit: dumque ea quæ protulit in similitudine retinere festinat, malum omne de Reipublicæ suæ terminis eliminat. Quo fit, ut quæ in terris redundare creduntur, si disponentem providentiam spectes, nihil unquam mali esse comperias. Hæc ille. At vero, quid non licebit temeritati, & quidem effræni, si statim, simul atque cum dicto, ubi hoc aut illud minus placuerit, liberum erit ponere os in coelum; si tribunitium Intercedo divinis decretis occurrere, aut quos Deus unctos suos agnoscit, sistere, aut injectis moris ab executione coeptorum, muneris sibi commissi satagentes, distingere? Quod porro sacrosancta debeat obedientia, magnum hoc quoque indicium est, quod id se velle multis magnisque signis externis Deus demonstravit. Inter quæ non postremum est, impressus ille Regibus character, quem non immerito privatam censuram Valerius Antias appellat, & sine tribunalium fastigio, sine apparitorum ministerio; potentem in amplitudine sua obtinenda. Qua, nimirum, grato intuitu animis hominum illabitur, admirationis prætexta velata, sic ut recte quis eam esse dixerit, longum & beatum honorem sine honore. Id vero cum Deo tralatitium est, quasi signaturas suas rebus imprimere (sic enim & Caino, & Lamecho impressas notas tenemus, & generatim cum Regio vate impressum nobis lumen dominici vultus profitemur) tum in rectoribus populorum peculiare fuisse,

pro parte ex supra dictis, ubi de unctione, deque uictis Domini sermo fuit, patet. Accedat quod indubitam obedientiam exacturus Deus, velut parario ac prævio quodam munimento rectores à se impositos aut imponendos, condecorasse legatur, ac tantum non præmunisse non commendatione duntaxat sua, sed etiam donis suis, & quæ humanitatem excederent insignibus gloriæ. Quemadmodum cum Iosua Mosis esset suffecturus, *Tolle, inquit, Iosua filium Nun, in quo est spiritus Dei, & pone manum supra eum, & dabis ei præcepta cunctis videntibus, & partem gloriæ tuæ.* denique imaginem suam Deus in ipso Dominio, in ditione, ac potestate voluit elucere. Quibus positis, quin & subiectio & obedientia ponantur, nemo neget. Sic enim ad imaginem Dei creatus homo, statim accipit jus dominandi in subiecta; uxoris Dominus vir futurus imago Dei appellatur, mulier non item, ut pote maritum supra se habitura. Et habet nescio quod ipsa jurisdictio simulachrum Dei imperantis. Sed nec illud de nihilo est, quod illud præceptum, quo parentes, ac sub eorum nomine, ut communis est sensus, potestates superiores honorare, atque observare jubemur, primum sit, quod sperandæ benedictionis promissum prosequatur atque exornet: sicut ex adverso nullum tota Sacra Scriptura exemplum reperire datur, quod non repræsentet acerbas rebellantium pœnas. Circa quod miraculo non caret, cum quod inobedientia Deum semper habuerit vindicem atque ultorem; tum quod non modo antecedentem culpam subsecuta pœna exceperit, sed quod vel condonato merito

merito culpæ pœnæque, surrogata fuerit in locum pœnæ privatio beneficiorum Dei, ne quidem iis hic exceptis, quos sibi ipse Deus præ mortalium cæteris lectos haberet atque acceptos. Quam horrendæ comminationes, quam graves calamitates, quam asperæ plagæ denunciatae divinitus fuerint per Prophetam fœdifrago ac desciscienti Sedechiæ, videre est apud Ezechielem. cap. 17. Si quis defectionem Israeliticarum tribuum objiciat impunitam; is eam sciat pœnæ meritum fuisse; eamque cum Deum non modo non habuerit invitum, sed auctorem quoque, non esse uti nos eam dicamus vel defectionis nomen tenere. Deo nimium ad pugnam prohibente ascensum, & pugnam contra filios Israel, fratres suos, non est ut defectionis nobis dicatur iram Dei in se provocatura. Quod ipsum tum certe dubio caret, non modo, cum id à se factum fuisse Deus dicat, sed & ipsa S. Scriptura causam defectionis referat, non ad hoc duntaxat, quod auscultasset Rex populo, sed disertim edicat, causam fuisse ab ipso Domino ne auscultaret; nempe voluisse Deum ita fieri (verba textus pono) *ut præstaret verbum suum, quo allocutus fuerat per Achiam Silonitem Ieroboamum filium Nebathi.* At neq; ea quæ fuit à Ioramō defectionis Edomæorum, nec quæ eam excepit Lybniensium, defectionis vere fuit, sed pœna ei divinitus immissa, qua Regem ipsum Deus in populo suo punit. *Ambulavisti, inquit ei Elias, in via Regum Israelis, & effecisti ut scortarentur Iuda, & Reges Hierosolymorum, sicut effecit domus Achab, ut scortaretur Israel, insuper fratres tuos, domesticos patris tui, meliores te, interfecisti: Ecce Dominus afficit te*

P 3 *plaga*

plaga magna in populo tuo, & in filiis tuis, & in uxoribus tuis, & in omnibus facultatibus tuis. Sed enim neque ideo minus illa ipsa defectio fuit in pœnam sui. Sive enim spectes, quod non asseruerint se per illam, Edomæi, aut Lybnienses in libertatem, sive quod Regi mancipati, bello se implicuere inevitabili, pœnas dedisse constat. Neque enim non licebat Ioram eo per vim à se avulsos pari violentia sibi redasserere: neque detrectare erat ipsis in proclivi mandata Regis, quem asciverant. Plane duos Reges habuere; unum quem rejecerant, alterum quem elegerant. Quod & ipsum non leve est argumentum irati Dei. Ut alibi Regum Sapiientissimus, *In defectione populi, Reges illius, inquit, multi sunt.* Scio quidem à nonnullis afferri exemplum Iehu, qui Achabum, qui filium ejus Ioramum, qui Iesabelem matrem, qui fratres ejus septuaginta, patruos quadraginta, totam stirpem regiam interfecerit, una cum omnibus Baalis sacerdotibus: sed negabit pro me sacer textus, illud aut inobedientiam, aut rebellionem, nedum perduellionem vocari posse. Quin, potius obedientia pura ac pura fuit; cum non potuerit Iehu id non facere, quod fecit, ut qui hac lege in Regem divinitus fuisset inunctus. Audiamus ipsa verba. Ita ait Dominus Deus, *ungo te Regem super populum Domini, ut percutias domum Achabi* (notetur) *Domini tui.* Sic ulciscar eadem servorum meorum, Prophetarum, & eadem omnium servorum Domini, à manu Iesabelis. Exscindam cum familia Achabi mingentem ad parietem, conclusumque & derelictum in Israele, & reddam Domum Achabi, sicut Domum Ieroboami filii Nebath, & sicut Domum Baaschi filii Achie. Etiam Iesabelem

Come-

comedent canes in portione Israelis, nec erit qui sepeliat. Vnicum est, quod sciam, exemplum in Daniele, qui admodum adolescens ipsos iudices falsi reos peregit, convicit, damnavit, & turbæ trucidandos permisit, privatus interim, & nullo Dei jussu, nulla autoritate speciali munitus. Sed non est in argumentum juris hoc ejus factum trahendum: motus quidam inerat divinus, ut hoc facto typum Christi Daniel hic exprimeret, liberaturi scilicet Ecclesiam suam à contechnationibus & sycophantiis Scribarum ac Phariseorum; non secus atque ille Susannam (quæ ibi typus Ecclesiæ) falsa sub accusatione indigne laborantem, circumventam, & tantum non damnatam liberavit. Non tutum est autem argumentari à typo ad rem ipsam. Possent alioqui complurima probari, quæ discretim improbantur. Exemplum est in Samfone Christi typo, homicidium sui, dum convulsis columnis una seseque & magnam allophylorum turbam una ruina extinguit. Ita nec tutum abjjs exempla velle sumere, quos divinus aliquando spiritus egit, nullis adstrictus legibus, legibus ipse superior. Si quis nunc alter Phinees Israelitam cum Madianitide illicitos concubitus agentem, privatus, abreptus animi fervore, interficeret: si quis Samuel voluminoso aqualiculo turgentem in frustra Regem difsecaret membratim, certum est defuturos qui applauderent, aut acclamarent factum bonum. Quin etsi vel hoc daretur, inter Iudæos è licitorum fuisse genere, minime tamen tale esset, quod nobis liceat imitari; sed inter ea potius connumerandum, quæ fuerunt isti populo propria: nisi quidem rationes adducantur, cur ad nos idem quoque

quoque spectet. Hoc vero, & si quid aliud est, quod eodem facere videatur, sponte sua apparebit quale sit examinanti rationes, quas ad oppositam partem hoc senescentis mundi deliquio adduxerunt nonnulla hominum portenta, neque enim homines merentur vocari, quorum seditiosis atque infamibus libellis hoc actum fuit, ut populis omnem erga superiores obedientiam radicitus expectorarent. Scio hos, etiam ex sacra Scriptura petito mangonio, contessellasse nonnulla, quæ videri possint minus cautis quid tale probare: sed id bene cum primis se habet, quod ut ut omnem moveant lapidem, misceant cœlo terram, cœlum terræ confundant, nihil tamen in medium è sacris in hoc usque momentum eruere quiverint, cujus autoritas directâ aut mandatum aliquod præ se ferens, aut consilium quoque mandato vicinum, tam infamem atque infandam illorum assertionem statuminet aut tueatur. Multa torquent & per subdolas ac subleestas illationes ad se trahunt, per longe petitas sequelas phaleratis verbis ornant, & per mellitos bene fluentium verborum globulos insinuant: cæterum ubi pes figendus est, & standum in vestigio, ut amissis aculeis animantia torpent, atque animam agunt potius quam causam. Recte ad Esaia 2. caput Hieronymus: *Tam diu videitur humanus sermo habere rationem, quam diu scientiæ divinæ non fuerit comparatus: cum autem mendacium veritati, tanquam stipula igni, appropinqua veritatis, cito devoratur ac perit, & omnia dogmata falsitatis, quæ nunc idola nominantur, ab eo quod simulata sint atque conficta, penitus conteruntur.* Ex

iis quæ illi mutuari è sacris conantur , primicerium hoc est , quod populi sit Regem eligere , eoque & populo potestas sit eum , quem elegerit , destituendi , si sic abutatur ille sua potentia , ut omnino negari non possit , populum iustas habere causas , cur eum destituat. Sed errant miseri & in jure & in facto , sic ut major & minor , quibus utuntur , ambæ falsæ sint. Facti quod hic sit , jam ante exemplis Saulis & Davidis revulsum est , sed potentius etiamnum exemplo Salomonis revelli potest. Hunc ut Rex esset , jussit David , Rex ipse. Pro more meo loqui lubet , & ut circumstantiarum haberi ratio possit , ipsis sacri textus verbis. Lib. 1. Reg. c. 1. versu 20. ita ad Davidem Bathscheba : *Domine mi Rex oculi omnium Israelitarum in te conversti sunt , ut indices eis , quis sessurus sit in solio Domini mei post ipsum. Nunc autem ecce Adonia regnat , te Domine mi Rex ignorante : item jurasti per Dominum Deum tuum ancilla tue , Salomo filius tuus regnaturus est post me.* Eodem cap. ad Davidem Nathan Propheta similia dicit. Quid David ? *Vocate mihi* , inquit , *Bathschebam , quæ ingressa est in conspectum Regis : juravitque Rex dicens , Ut vivit Dominus , qui redemit animam meam de omni angustia , quemadmodum juraveram tibi per Dominum Deum Israelis , dicendo , Salomonem filium tuum regnaturum post me , eumque sessurum in solio meo pro me , ita facturus sum hoc die.* Et paulo post : *Deinde dixit David , Vocate mihi Tsadocum Sacerdotem , & Nathanem Prophetam , & Benajam filium Iekojadæ , veneruntque in conspectum Regis. Quibus dixit Rex , Sumite vobiscum servos dominorum vestrorum , & facite ut Salomo filius meus insideat mula meæ , ita deducite eum ad Gichonem ,*

Q

ut

ut ungat eum Tsadoc Sacerdos & Nathan Propheta in Regem super Israël; & clangentes buccina dicatis Vivat Rex Salomo. Deinde ascendetis post eum, & ingressus sedebit in solio meo, & ipse regnabit pro me: nam praecepi eum antecessorem esse in Israël & Iehuda. Nullæ hic populi partes, quin imo, quas sibi assumpserat inscio rege, a rege damnatae sunt ipso facto: cui facto regis, gnarus sibi in eligendo rege nihil juris esse, pro ut debebat quoque, obediendo acquievit populus: & qui antea gratulabundus acclamaverat, Vivat Rex Adonia, facta Salomonis electione ascendit post eum, canens tibiis lætusque adeo magna, ait textus, lætitia, ut finderetur terra præ voce eorum. Ipse etiam Adonia non minus tutum in Salomone præsidium amplexus est, quam in cornu altaris, quod vitæ suæ diffusus tenuerat. Ejus affectu in officio se continuere, nullus ullum sibi in electione jus esse credidit: ad solum Davidis mandatum, per ministros Davidis, acta, transacta sunt omnia. Exempli his similia etiam plura supersunt in regibus Israël. Inter reges Iudæe certe neque Iora filius Iosaphat, neque Ioachin Osiæ filius, neque Achaz, neque Ezechias, neque Manasses, neque Amon, neque Ioachin, neque Asa ad populum retulere, quod aut uncti fuerint, aut in reges electi. Verum neque exemplis est opus. Omni pro exemplo sit naturalis illa præsumptio, quod videamus, populum istum sibi in reges suffecisse nequissimorum parentum filios, & a quibus jure timeri possent hæreditarii sceleris traducia incommoda. Id autem facturum fuisse ne quidem ille credat, cujus simili occasione atque articulo rerum hæc sunt,

Libera

*Libera si populo linguas suffragia, quis tam
Perditus, ut dubitet Senecam præferre Neroni?*

At vero non deerant, quos, electuri libere, potuissent certos, veros, legitimos creare successores regni, atque erant ipsi certissimi non esse auferendum sceptrum de Iuda. Nihil veri similis, quam non fuisse illis tale jus Regem eligendi, quale mortalibus istis placet comminisci. Iosæ filium populus quidem unxit in regem; sed recte æstimare qui rem volet, nullo negotio judicabit, tam non esse id ulli populi juri adscribendum, ut potius expressio fuerit amoris erga filium regis defuncti, eoque illius hæredem & successorem. Perhibet utique de Iosia hoc testimonium Scriptura sacra, quod *par non fuerit ante ipsum Rex, qui reverteretur ad Dominum ex toto corde suo, & ex toto animo suo, totisque viribus suis, omnino secundum legem Moysi, neque post eum par extiterit ei.* Quod de jure adducitur, nimirum superesse eligentibus electum destituendi facultatem, si indignum sese reddat, tam est falsum, quam quod falsissimum. Cessat nimirum potestas eligentis; est enim omnis illa eligentis, quanta quanta fuit potestas, toto ex asse collata in electum. Doceant non collarum esse. Scio equidem, multum in illo ipsos collocare; quod, ut alibi facit textus, *in multitudine populi sit Regis gloria*: populus ergo ipso Rege habeatur præstantior, ut qui Regi contulerit Imperium: sic ut Rex sit causa ipsius populi, & quæ affinia his plura solent effutiri. Quasi in

Q 2

cam

eam sententiam illud dictum sit, in quam ipsi detorquent. Certe in populi multitudine Regis est gloria, potentior quippe qui pluribus imperat; nec tamen eo minus illè Rex erit, qui non tam longe aut late imperat, quam alter qui forsan imperio suo Lybiam, quod apud Poëtam est, remotis Gadibus jungat. Majus aut minus speciem non mutant. Sed quorsum ista? Si eo pertinere putant, ut Rex populi causa creatus esse persuadeatur, jam ante figmentum illud nobis confutatum est. Imperium populo qui substernat, actioni formam substernat, accidenti substantiam. Certe Anticyras ablegandus merito credatur, qui curatori pupillum quæri dicat, medico egrotum, Domino servum, patri filium. Nec magis sapiat, quam qui oves, boves, sues supra pastorem dicat, eo quod opilio, bubulcus, subuleus, gregi aut armento sint quæsit; idem hominem animans ad imaginem Dei conditum, abjiciat infra bestias. Non sunt omnia quæ ad invicem ordinata sunt ejusdem dignitatis aut gradus, nec inferiora, quæ aliis utilitatem sui præstant. Nam quin cor & partes vitales reliquis integralib. antestent, etsi iis vitam ministrant, dubitat nemo. Neque item quin caput, arx & sedes rationis, cæteris membris nobilius sit. Atqui docuit nos non unus Septimius Severus, caput regnare, non pedes: & ut quondam vir, dum vixit, supra laudem Thomas Morus cecinit,

*Totum est unus homo regnum, idque coheret amore,
Rex caput est, populus cætera membra facit.*

Sene-

Seneca Regem, ut ante dixi, animæ comparat. Certe si populus spectetur ut corpus, quandoquidem pati cogitur, dicendum est, eum nihil agere. Corpus ab anima habet principium motus, habet actionum, inutile futurum atque iners, imo fatuum atque insulsum, nisi anima id sisteret, atque sufflaminaret, tanquam ejus forma. Princeps hoc mystico in corpore, qui animæ vicēs gerit, agit; & unus cum sit, neque de facili in plura, aut plures scindi aut distringi, coercet populum, sæpenumero neque libertati suæ, neque ulli etiam bonæ rei (adeo bellua est multorum capitum) absque hoc foret supersuturum. Itaque ut iterum ille idem Seneca, *Non est hic sine ratione populus urbibusque consensus, sic protegendis amandisque Reges, & se suaque jactandi, quocunque desideraverit imperantis salus. Neque hæc vilitas sui est, aut dementia; pro uno capite tot millia excipere ferrum, ac multis mortibus unam animam redimere, nonnunquam senis & invalidi. Quemadmodum totum corpus animo deservit, & cum hoc tanto majus sit atque speciosius, ille in occulto maneat tenuis, & quâ sede lateat incertus, tamen manus, pedes, oculi, negotium illi gerunt, &c.* Sed velim in se ut descendant isti poplicolæ, quod si a se impetrent, jam rogatos velim, an imperium unquam fuerit populi. Cum rogantibus eum Scribis & Phariseis Salvator noster voluit exhiberi sibi numisma, cum edoctus, esse expressam in eo Cæsaris imaginem, edixit, dandum Cæsari esse, quod esset Cæsaris, nonne agnovit imperium non spectare ad populum, sed ad illum cujus imaginem habebat impressam exhibitum numisma? Dicendum omnino: Nam neque Princeps effigiem numismati, imprimen-

dam

dam jubeat, quam pro Imperii jure. Ipse id pervincit nominis sonus, siue enim a Numa Rege dictū numisma, siue *auri vā nŕus*. in idem recidit. prius a Rege derivatum, ostendit illud regale, siue Imperii jus, non a populo, sed a Rege arcessi debere: posterius idem confirmat; est quippe æs, aurum, argentum cudere, flare, ferire, regale; non illud a populo promanans, sed quod competat pro Imperii jure. Ejus ergo sunt census. Ejus & alia compendia, uti illa de quibus ait textus, *Mulctarum severa compendia fisco nostro protinus importari debere nemo ignoret*. Nec Regi, quo minus id fiat pro jure summo Imperii, populus intercedit; quin si aut his, aut similibus se interponat, capitalis flagitii reum se facit. Iura item tributorum, & quæ ejus generis sunt plura sic sibi Rex habet propria, ut ad ea ne quidem populus aspiret. Quin imo recte rem censentibus, ne quidem vera sunt illa Senecæ, *Reges Imperio cuncta possidere, singulos Dominio*. Namque cum in bona nostra, cum in actiones nostras, major potestas sit Legis ac Regis (cujus quidem Regis potestatem ostendimus excedere potestatem legis) quam sit nostrummet ipsa atque ipsorum; verius est, directum dominium esse penes Regem, subjectis vero non aliud superare, quam utile. Qua sane in re, ut ut dura & præfractior videri possit, nullum tamen est flagitium dominationis. Quotiescunq; interest Reipublicæ ut privatæ res in usum publicum destinentur, omnem citra contradictionem necesse est, ut subditi jure suo decedant; si quid nolint, etiam cogantur & modo captis pignoribus, modo gravius coërceantur: ut videmus ista indies contingere. Sed & approbat hoc utilitas

utilitas publica, probat ipsa publica res, quæ incolumis privatas facile salvas præstat: *Publica* vero, ut ait ille, *perdendo, tua nequicquam serves*. Circa hæc talia non populi, sed Principis arbitrium versatur. Quod & poetæ Ligurino notatum:

Quidquid habet locuples, quidquid custodit avarus

Iure quidem nostrum est, populo concedimus usum.

Quis porro unquam populus, vitæ ac famæ restituendi, criminibus aut noxæ eximendi sibi sub Rege potestatem fecit? Cujus sunt jura extremæ provocationis, nisi Regis? Et quoniam Brutus ac ejus simiæ volunt, posse populum ipsos Reges cogere in ordinem per Magistratus minores expediant vel ipsi, quis Magistratus illos minores creet? Populusne? minime gentium. An ipsi illi se ipsos? Neq; hoc. Omnes omnino Magistratus, vel ductandis exercitibus, vel juri dicundo præfecti, hoc quod sunt, ut notavi, Regi debent. Vnde hoc, nisi quod sint, & spectent ea ad ipsum, quo dictum est, jure. Hoc idem est quod legitur libro Hæster, *Honorabitur quem Rex voluerit honorari*. de populo altum silentium. Magistratus hos etiam abdicare qui potest, idem Rex est, non populus: Rex, quod ei tale jus sit; non populus, quod eo destituatur. Vnde apud Claudianum Princeps

Solus

Iura Magistratusque facit.

Iura nempe, quæ mutus sint Magistratus: Magistratus, per quos Leges ac jura vivant. Ergo & milicium habere delectus;

dēlectus, exercitus, copias conscribere, bella gerere, fœdera sancire, pacem firmare populus, minoresve Magistratus nequeunt, Rex absolute potest. Sed quid necesse est percensere singula? cum ex jam dictis apparere satis possit, quæ de populo supra Regem, de collato ei per populum imperio, & similibus adferunt monarchomachi, non esse nisi nugas bullatas, habere quidem non nihil specie tenus, sed quæ examen non ferant, & penitius introspecta pelluceant. Alterum commentum, cur (si diis placet) possit se populus ab obedientia Principis subducere, est, quod dicant, quoddam esse fœdus inter Deum, & populum & Regem, cui standum sit, & si Rex steterit, nullis amplius obligationum vinculis ei populum teneri. Sed est commentum hoc plane diabolicum: neque enim aut usquam, aut unquam ex Deo fuit ista populi ab obligatione sua liberatio: quam nullus unquam mortalium adstruat ex Sacra scriptura. Fœdus quod dicitur intercedere omnino planum est. Lex ejus in verbis Samuelis disertim comprehensa est: *Si timentes Domini colueritis eum, & auscultaveritis voci ejus, neque rebellaveritis præsstituto Domini, utique permanebitis, tum vos, tum etiam Rex ipse, qui regnat supra vos, sequentes Dominum deum vestrum. Sed si non auscultaveritis voci Domini, & rebellaveritis Domini præsstituto, utique erit manus Domini contra vos, ut contra parentes vestros.* Ergo tenentur & Rex & populus Deo obedire, & populus Regi. Sed si ex istius fœderis lege contingat, non obedire Regem Deo, populum autem obedire, quid sequetur? Hoc quidem, ut Rex non possit ullam culpam fœderis non adimpleti
rejicere

reijcere in populum, si quod muneris erat sui fecerit; sed ut ideo solvatur ab obedientiæ nexu populus, id vero nulla divina lege sancitum est. Manebit ipse populus fors, hæreditas Dei viventis, Regis commissæ non luet. Non erit manus Dei contra ipsos, nisi quo modo fuit contra parentes ipsorum, immorigeros, ac rebellantes. Animam quæ peccaverit ipsam morituram esse, ipsam Dei vindices manus experturam, indicat textus iste. quid obedientiæ nexui intercedit cum illo pacto commune? quin clarum est, alterum absque alterius ope posse subsistere. Erit malus Rex, divinæque iræ patebit; sed non ideo convellatur obedientia erga eum, qui soli Deo peccavit, neque ideo quod malus sit Rex, etiam Rex esse desistet. Quod si acutuli isti, hunc esse loci istius sensum nobis persuasum velint, fore manum Dei contra populum, si non auscultaverit voci Domini vel Rex ipse, si Rex Deo rebellaverit; videant ne sua nobis pro textus ipsius verbis venditent, neque & ipsum Deum barbarum, inhumanum, immanem faciant, qui satagentem fœderis jurati populum, velit ideo in criminis reatum adduci, quia Rex non steterit fœderis legi. Absit. Potuit affligi, potuit successibus ad vota non respondentibus arctari, potuit probari; sed interim anima quæ peccavit ipsa moriatur, iniquitatem patris filius ne ferat. Sed quid opus est operosa hic confutatione? Si cui populo ex tali fœdere jus aliquod fuisset, omnino id fuisset populo Israël; namque & hujus solius fœdus è sacris adduci potest in exemplum. At ille, ne per somnium quidem id sibi juris arrogavit. Amplius dicam, malos, improbos

R

Reges,

Reges, propalam fœdi fragii reos peractos, ac divinitus quidem, & condemnatos quoque habuit non paucos. Si cui unquam populo tralatitium fuit

humili laffisse veneno

Summa, nec impositos unquam cervice volente

Ferre duces,

certe Israëliticus is fuit, neque dubium quin etiam se sibi ac libertati suæ fuerit asserturus, si quod habuisset jus se sibi asserendi, si quam potestatem. Cum in nullis necessariis temporibus suis, in nullis item opportunitatibus, jure hoc sint usi, nempe ut iis ignotum fuerit relinquatur. Plura his ad luxandam subjectorum obedientiam nescio peti è Scriptura sacra; utique adducta vidisse non sum memor, quare nec longior hic ero. Vnum est quod intactum prætermitti non potest: nimirum hos homines, ubi vident in Novo Fœdere non modo se nihil habere præsidii, sed & plurimum sibi ejusce præcepta adversari, eo delabi solere, ut dicant illo sæculo talia quidem fuisse data præcepta obedientiæ, qualia urgemus nos, sed tum sub jugo tyrannorum genuisse Ecclesiam, neque vires suas aut asserere sibi potuisse aut explicare. Quo quid ineptius? quasi destituerit Evangelistas atque Apostolos Spiritus sanctus, aut præcepta in horam & diem dederint potius quam in sæculum & in sæcula sæculorum. Oppido putidus & nihili sit, si quem dicere non pudeat, inconcussæ veritati aliquod à tempore dari laxamentum posse: esse eam versipellem, mutabilem, & pro

& pro rerum temporumve momentis circum agi iugurum. Neminem profecto cordatum talium non dispudeat. Iidem & cum dicunt, genuisse adeo Ecclesiam illo sæculo, parū attendere videntur quæ potestas & Christi fuerit ipsius, & Apostolorū, si ad hæc talia voluissent animos adjicere. Sed quo ne subsidia à miraculis petere velle videamur, id ipsum quod illi obtendunt inspiciamus de oppresso ac tantum non perditō Ecclesiæ statu. Quod quidem falsissimum esse facile convincitur, Tertulliano teste, qui ab Apostolicis temporibus vixit non nimium remotus. Sic ille: *Si malum malo disfungi penes nos liceret, vel una vox pauculis faculis largitatem ultionis posset operari. Sed absit ut aut igne humano vendicetur divina secta, aut doleat pati in quo probatur. Sin autem hostes extraneos, non tantum vindices occultos agere vellemus deesset nobis vis numerorum & copiarum? Externi sumus, & vestra omnia implevimus, urbes, insulas, castella, municipia, conciliabula, castra ipsa, tribus, decurias, palatium, senatum, forum. Sola vobis relinquimus templa. Cui bello non idonei, non prompti fuissetmus, etiam impares copiis, qui tam libenter trucidamur? Si non apud istam disciplinam magis occidi liceret, quam occidere, potuimus & inermes, nec rebelles, sed tantummodo discordes, solius divortii invidia adversus vos dimicasse. Si enim tanta vis hominum in aliquem orbem remoti sinum abruptissemus à vobis, suffususset utique dominationem vestram tot qualiumcunque amissio civium, imo etiam ipsa destitutione punisset. Procul dubio expavissetis ad solitudinem vestram, ad silentium rerum, & stuporem quendam: quasi mortuæ Urbis reliquias*

*quæfissetis, quibus in ea imperaretis. Quare nihil reliquum est, quam ut figmentis istis ipsa veritas Evangelici non consilii, sed præcepti opponatur, quod multijugis rationibus vallatum, in omnem vitam, & in omnes omnium actiones, sese penetrat atque intrinsecit, quæcunque à nobis supra dicta sunt ambitu suo includens. Sic ergo inquit Apostolus, Omnis anima potestatibus sublimioribus, sive dominantibus, esto subiecta. Hujus præcepti amplitudinem jam ante circa illud exhibuimus, quod omnem animam sub se compræhendat; restat ut etiam, quam late patere debeat ipsa obedientia illa seu subiectio, attendatur. Id quod nos docet Bernardus: *Perfetta, inquit, illa est obedientia, quæ terminis non arctatur, neque contenta angustiis professionis, largiori voluntate fertur in latitudinem charitatis, ad omne quod offertur spontaneo vigore liberalis alacrisque.* Hujusmodi obedientiam respectans Chrysostomus, monet, ut ne rationem exigamus eorum, quæ à Deo fiunt, verum quidquid ordinaverit, id omne admittamus, nihil anxie indagantes, nihil curiose perscrutantes, licet in animi humani rationem non cadat, quod ille mandaverit. Est & illud tertio loco in dictis verbis consideratione dignissimum, cum sublimioribus potestatibus omnem animam subiectam esse vult, quod & meliores pejoribus obedientiam debeant, dummodo emineant illi; Regi ergo omnes. Simile huic & quasi præludens exemplum in humili rhamno, sive Cynosbato, cui ut pote ab aliis arboribus in Regem electo decedunt cum oliva, ficubusque, & vites, & hi celsiores cedri Libanotides. Exemplo sit nobis in No-*

vo Fœdere ipse Salvator, quem discimus serio suos hortatum, ut quæ à Scribis ac Phariseis edicerentur servarent, addita ratione, quia hi Mosis Cathedram insiderent. Sic Chrysostomus: Si in asina & divinatorum operata est gratia Dei, propter dispensationem & utilitatem Israelitarum, manifestum est, quod neque in nobis operari detrectabit, sed & hoc facere sustinebit propter vos. Nemo itaque dicat, tenuem me esse & humilem, & nulla observatione dignum. Vel sic me observate. Sum enim talis. Perpetuus Dei mos est, multorum gratiam etiam talibus applicare. Et ut hoc discatis, ad Cain dignatus est loqui propter Abel; diabolo, propter Iob; Pharaoni, propter Ioseph; Nabuchodonosori, propter Danielelem, Balthasari propter eundem. Dicendum ergo cum Tertulliano, autore & antiquissimo, & omnibus laudato, Audaciam fore de bono divini precepti disputare, neque enim, quia bonum est, Deo auscultare debemus, sed quia Deus precepit. Ad exhibitionem obsequii prior est majestas divina potestatis, prior est autoritas imperantis, quam utilitas servientis. Utique quidquid Dei vice homo precipit, perinde accipiendum est, ac si ipse Deus preciperet. Atque hoc innuit Apostolus, cum addit, Non esse potestates, nisi à Deo; & quæ sunt potestates, esse eas à Deo constitutas. Quæ ipsa verba cum sint tam generaliter concepta, quam ulla concipi aut proferri possent, & generale præceptum non modo immediate excipiant, sed firmissima quoque ratione & argumento illud suffulciant, omnino & generalem & genuinam obedientiam requirunt. Quod ipso sui momento vel per se probant allegati textus verba. Nullas enim, ait nisi à Deo, esse potestates. Quo respiciens lib. 4. de Civitate Dei, ita pronunciat Augustinus;

Deus igitur ille felicitator, author & dator, quia solus ipse est verus Deus, dat regna terrena bonis & malis. Neque hoc temere, & quasi fortuito, quia Deus est, non fortuna; sed pro rerum ordine ac tempore nobis occulto, notissimo sibi, cui tamen ordini temporum non subditus servit, sed cum ipse, tanquam Dominus, regit, moderatorque dispensat: felicitatem vero non dat, nisi bonis. Idemque confirmans, libro sequenti, Nullo modo credendum esse, ait, regna hominum, eorumque dominationes, & servitutes, a Dei providentia legibus alienas esse. Sed & Apostolus quæ generatim edixit, quasi ad singulos digitum intendens ita repetit, ut nemo se hinc eximat: quod egregie summus quidam Theologus in hunc observat locum magno consilio hanc doctrinam à Spiritu sancto Ecclesiis fuisse propositam, ut qui velit suo quemque loco & tempore obtemperare Magistratibus presentibus, atque ideo dici. Quæ sunt potestates, quasi dicat, Ne requiras Cyri, aut Alexandri Imperium: hæc Deus Iudex multo ante evertit, & constituit alia Imperia. Quæ sunt igitur, id est, quæ quolibet tempore regnant, hæc scito a Deo ordinata esse. Quare etiam Imperia nominat ordinationem Dei. Hinc obedientiæ necessitatē deducit, egregioq; Davidis exēplo ac rationibus confirmat sæpe nobis dictus ille Augustinus in lib. qu. Vet. & Nov. Test. Non nescius, inquit, David, divinam esse traditionem in officio ordinis regalis: idcirco Saul adhuc in eadem traditione positum, honorificat, ne Deo injuriam facere videretur, qui his ordinibus honorem decrevit. Dei enim imaginem habet Rex, sicut & Episcopus Christi. Quam diu ergo in ea traditione est honorandus est, si non propter se, vel propter ordinem. Unde Apostolus,
Omnibus,

Omnibus, inquit, potestatibus sublimioribus subditi estote. Non est potestas, nisi à Deo, quæ enim sunt, à Deo ordinatæ sunt. Hinc est ut gentilem in potestate tamen positum honorificemus, licet ipse indignus sit, qui Dei ordinem tenens, gratias agit Diabolo. Nam ideo Pharaoni futura famis somnium revelatum est: & Nabuchodonosor aliis secum assistentibus, solus Filium Dei vidit in camino ignis, non utique merito suo, qui in idolo se adorari voluit, sed merito ordinis regalis. Concludamus & nos ex iisdem Apostoli verbis decantatissimum illud & omnium ore jactatissimum, boni civis esse tueri præsentem statum. Concludamus item, genuinam omnibus deberi obedientiam, quam supra audivimus, velut Christo postulare Apostolum ut carnalibus dominis præstetur. Discant ergo, qui sibi hæc dicta sciunt (scit autem omnis anima) sese Divinæ voluntati omnino permittere. Iustus nihil sibi arrogat, sed totum se committit Imperio, ait Ambrosius de Noë & Arca cap. 21. & mox, Verecunda justitia est, quia inverecunda iniquitas, quæ usurpat indebita, neque reveretur autorem. Sane huic ordinationi resisti vetans Apostolus, maxime id caver, ne hujus inobedientiæ adversus potestates eminentes prona facilitas, etiam inobedientiam erga Deum provocet ac promoveat: Quemadmodum Iudæi ait in Homilia 2. ad Timotheum Chrysostomus, Deum spernere didicerunt, quia Moysen contempserunt, quem lapidibus impetebant. Vel dicamus, ut supra, partem esse ipsius erga Deum obedientiæ, hanc quæ potestatibus præstatur: in istis illum etiam de honorari. Hoc illud esse qui insurgit adversus potestatem, adversus Dei ordinationem insurgere, eoque & qui insurgunt

turgunt adversus eas inobedientia inexcusabili, supplicio addicens Apostolus, pronunciat iudicium accepturos. In hanc rem illustre est illud Chrysostomi, *Non leve est Deum in exiguo contemnere, qui non tantum ad qualitatem peccati respicit, quam ad personæ contemptum: propter quod non homini soli intendendum est, quale sit quod jubetur, sed etiam quantus sit ille, qui jubet.* Idem alibi prudentissimum vocat, qui non tam consideret, quid iustum sit, quam illum qui iusserit, nec quantitatem imperii, sed imperantis cogitet dignitatem. Iure ergo his talibus qui adversantur divini contemptus pœnas minatur Apostolus, de quibus non dicam latius, quum hoc ipso capite de rebellionē atque inobedientia numini invisa, eoque graviter usque dum punita ex professo egerim. Hoc observasse, imo repetiisse sufficiat, eadem, quæ supra statuta sunt, Apostolico nunc eloquio confirmari. Ut & iterum per ea quæ versiculo quarto sequuntur: *Minister enim Dei est, tibi ad bonum, sed si male facias, time: Nequaquam enim frustra accinctus est gladio. Minister enim est Dei & vindex iræ illis, qui faciunt malum.* Si ergo ministri Dei sunt, si ad bonum ministri bene facientibus, sicut male facientibus vindices sunt iræ divinæ, & in hac quoque vindicanda ministri Dei, non est quod obedientiam populus detrectet, quasi Rex populi gratia sit creatus, potius quam ad hoc à Deo constitutus, ut sit Dei Minister. Nusquam est, quod Scriptura Regem vocet Regem populi, illo intellectu, quo quis dicat Regem creatum fuisse populi causa, Regem super populum frequenter vocat: hoc vero loco directe potestates appellantur Ministri Dei, neutiquam vero populi

populi ministri. Quo cum omnibus obedientiam sum-
mopere inculcet, tum vero id fortius facit Apostolus,
cum adjungit esse ministrum ad bona, sed & hoc ipso
quod adjungit, ministrum esse Dei, & ad vindicias iræ
divinæ accinctum. Non est ut quis, nisi ex professo sa-
crilegus qui sit, dubitet, quod à Deo fit, fiatne bonis in bo-
num. Pariter sacrilegus sit, & perduellis in Deum juxta
ac Regem, qui in jussa aut facta Regis inolet, quæ tamen
nescit, an non velit illa sic Deus fieri per Regem, non tam
quidem ut Regem, quam ut ministrum suum, & cujus
ministerio uti velit ad expianda commissa contra se, &
satisfaciendum iræ, quam concepit. Nihil certius est illo
testimonio Gregorii Magni in Moralibus suis ad Iobū:
*Deus etiam tunc misericordia dona tribuit, cum irrogat vin-
dictam, quia, dum superbos punit sanctos erudit, ut unde illi defi-
ciunt justi in suis profectionibus adjuvantur.* Addamus vero,
quod omnibus confessum, vix à quoquam tamen atten-
ditur, etiam tunc divina ordinatione piis in bonum mi-
nistrare magistratus, cum ipsos illo permittente vel af-
flictionibus (nam & hæ ad salutem faciunt) exercent.
Eligitur quidem Saul, ut exemplo quoque stabiliantur à
me dicta, male expetitus; post electionem illius edicit
Samuel, si post Deum steterint & Rex & Populus, id est,
si Deo se morigeros præbuerint, & Regi & Populi pro-
pitium numen esse futurum. Eligitur ut minister Dei sal-
vaturus populum. In bonum ergo beneficientibus. Sed
& dum eligitur, duriores eum esse in subiectos futu-
rum, non obscure elucet. Hoc & Varabulo notatum &
Lyrano, qui Hebræicum *Iatfor*, quod vulgo vertitur, do-

minabitur, idem esse dicunt, quod cohibebit. Quo sensu etiam dubio procul dictum Psalmo 2. cohibebis eos virga ferrea: Indicatur, inquam, Regem gravi illo sui imperii jure usurum esse: Vnde hoc quia vult Deus duricervici populo ostendi, unde retrocesserit: quia vult & per eum ipsum cui obedire debeant ipsos puniri. Factum autem hoc à Deo fuisse nemo mirabitur, qui modo Deum sibi talem proponet, qualem se Israelitis in Theocrasia exhibuit. Manna fastidita qui carnes efflagitarunt & coturnices adnauseam, imo & ad necem accipere. *Adhuc esca eorum erant in ore ipsorum, & ira Dei ascendit super eos, & occidit pingues eorum, & electos Israel impedivit*, inquit psalmographus. Hoc ipsum circa postulatos Reges perpendens Hieronymus, ad illud Hoseæ, dabo Regem in furore meo, & auferam in indignatione mea, *id factum*, ait, (verba ipsius sunt) *non quod voluerit Deus illos tales Reges habere, sed quod dimiserit eos voluntatibus suis, ut comedentes & incrassati carnibus, nausceant & evomerent per nares suas, & odisse inciperent eos quos tanto studio sequebantur.* Nimirum hoc voluerant Israelitæ, qui Samuele spreto Deum ipsum projecerant; quibus & in pœnam Rex partim impositus, ut nec Deo jam placere possent, nisi quod sibi quæsierant malum æquo animo ferrent. Cum talis sit hæc ordinatio divina, nequaquam certe violanda, hinc ejus infert Apostolus observandæ necessitatem; quam & graviter inculcat atque confirmat Augustinus in expositione quarundam propositionum in Epistola ad Romanos, Proposit. LXXIV. *Quod ait*, inquit ille, *Idcirco necessitate subditi estote, ad hoc valet, ut intelligamus, quia necesse est propter*

propter hanc vitam subditos nos esse oportere, non resistentes, si quid illi auferre voluerint in quo sibi potestas data est, de temporalibus rebus: quæ quoniam transeunt, ideo & ista subiectio non in bonis quasi permansuris, sed in necessariis huic tempori constituenda est. Tamen quoniam dixit necessitate subiecti esto te, ne quis non integro animo & pura dilectione subditus fieret huiusmodi potestatibus, addidit dicens. Non solum propter iram, sed etiam propter conscientiam, id est, non solum ad iram evadendam, quod potest etiam simulate fieri; sed ut in tua conscientia certus sis, illius dilectione te facere, cui subditus fueris, iussa domini tui, qui omnes vult saluos fieri & in agnitionem veritatis venire. Et hoc enim cum diceret Apostolus, de ipsis potestatibus dicebat. Hoc est quod servis alio loco suadet, Non enim ad oculum servientes, quasi hominibus placentes, ut ob id ipsum quod subduntur dominis suis, non eos oderint, aut fallacius promereri desiderent. Quod officium sit subditorum erga principes, ex hoc Apostoli loco luculenter quivis intelligat: Tria nimirum ista, quæ ad hanc nostram attinent questionem complectens inconcussa. Quorum primum est, ut subditi mentibus suis quam serio infigant, Magistratui obediendum esse, quia sit Dei minister: alterum si quæ hic obveniant adversa, non esse ideo excutiendum obedientiæ jugum, neque rejiciendam in Deum culpam, sed in propria peccata, vel accipiendum pro divina probatione: tertium, ut facta divinitus Deo committant, ac permittant, & illius se sacrosancto beneplacito quam humillime submittant. Ad primum spectent illa Irenæi Cujus jussu homines nascuntur, illius jussu etiam Reges constituentur, apti his qui in illo tempore ab illis reguntur. Qui tamen enim

illorum ad utilitatem illorum & correctionem subditi erunt dantur, & ad conservationem iustitiæ, quidam autem ad timorem, ad pacem, & ad increpationem: quidam autem ad illusionem, contumeliam & superbiam. Secundum spectant illa Gregorii, qui ad Iobi versiculum illum, Propter peccata populi facit regnare Hypocritam. Nullus, ait, qui talem Rectorem patitur, eum quem patitur accuset, quia nimirum fuit sui meriti, perversi Rectoris subiacere ditioni. Culpam etiam proprii magis accuset operis, quam injuriam gubernantis. Certe Isidorus ad hunc ipsum textum, in verbis, Non est potestas, nisi à Deo, bonam à propitio, malam ab irato atque averso, colligit constitui. Reges, inquit, quando boni sunt, muneris est Dei, quando vero mali, sceleris est populi: secundum enim meritum, plebium, disponitur vita Rectorum. Et post multa in hanc rem adducta concludit: Irascente Deo talem Rectorem populi suscipiunt, qualem per peccata meruerunt. Eodem pertinet illud Augustini contra primam epistolam Manichæi: Quidquid divinitus ante ultimum illud iudicium vindicatur, sive per improbos, sive per justos, sive per nescientes, sive per scientes, sive occulte, sive palam, non ad interitum hominum, sed ad medicinam valere credendum est, quam qui respuerint extremo supplicio preparantur. Ex quo eodem apparet, quod tertium constituimus, scilicet. ex re nostra esse, ut Dei beneplacito nos totos permittamus, quod idem ille egregie, ut omnia, qua per rationes, qua per exempla, eximi doctrina format, ut in lib. de natura boni adversus Manichæos cap. 32. Potestas non est, nisi à Deo, sicut scriptum est, loquente Sapientia Per me Reges regnant, & tyranni per me tenent terram. Dicit & Apostolus, Non est potestas, nisi à Deo

à Deo. Digne autem fieri in libro Iob scriptum est, qui regnare facit, inquit, hypocritam hominem propter perversitatem populi. Et de populo Israël dicit Deus, Dedi eis Regem in ira mea. Injustum enim non est, ut improbis accipientibus nocendi potestatem, & bonorum patientia probetur, & malorum iniquitas puniatur. Nam per potestatem Diabolo datam, & Iob probatus est, ut justus appareret: & Petrus tentatus est, ut non de se præsumeret: & Paulus colaphizatus, ne se extolleret: & Iudas damnatus, ut se suspenderet. Cum ergo per potestatem, quam Diabolo dedit, omnia iuste ipse Deus fecerit, non tamē pro his iuste factis, sed pro iniqua nocendi facultate, & voluntate, quæ ipsius Diaboli fuit, ei reddetur in fine supplicium, cum dicetur iniustus qui ejus nequitie consentire perseveraverint. Ite in ignem æternum, quem paravit pater meus diabolo, & angelis ejus. Sed & hoc sedulo observandum populo, etiam ipsis qua Regibus, qua populis sæpenumero divinitus auferri vires, quibus se teneant ac sustentent, sic quoque ut nolit populo quidquam præsidii in Rege relinquere, atque adeo ut sarcastice etiam quandoque infractas vires & Regi & Populo exprobet: sicut in illo Hoseæ 13. *Ubi nunc Rex tuus? Maxime nunc te salvet in omnibus urbibus tuis: ubi nunc Iudices tui, de quibus dixisti, da mihi Regem & Principes?* Quoquo modo acquiescendum ordinationi divinæ est: tam illi liberum est, ut qui malus sit regnet, quam ut bono Rege subditi latentur. Cum sub malo pressus ingemiscit populus, tum malis incumbētib; patientiam opponat, tum prudenti rerum æstimo incommoda regni comodaque inter se componat, & tristitia meliorum interventu emolliat. Quid enim Christianis magis com-

mendatur quam patientia? Cujus hoc est, *Quemadmodum scriptum est propter te morti tradimur tota die, habiti sumus velut oves destinatae mactationi*, ejus etiam illud est, *Neque unquam malum pro malo reddatis, non vosmet ipsos ulciscentes dilecti, quin potius, date locum iræ: scriptum est enim mihi ultio, ego rependam dicit Dominus. Si igitur esuriet inimicus tuus, pascere illum, si sitit, da illi potum; hoc enim si feceris coacervabis carbones in caput illius. Nihil Apostolis inculcatum frequentius illo, Tradent vos in concilia, & in conciliabulis suis flagris cadent vos: quin & ad Principes & ad Reges ducemini propter me, in testimonium ipsis & gentibus. A Synagoga excludent vos: sed & veniet tempus, ut quisquis interficiat vos, videatur cultum Deo prestare. At quæ data mandata resistendi? utique nulla. Nec mirum: quo enim jure magis resisteretur principibus, quam quibusvis aliis injuria nos afficientibus? Effugium si pateret, hoc concessum est; *Quum vos in hac civitate persequerentur, fugite in aliam.* Sed si nullum pateret, testabatur aliud nihil, nisi hoc, *Ne vincaris à malo, sed vince malum bono. Per patientiam possidete animas vestras, & similia.* Tanto mandato summa fuit addita merces: *Beati, qui persecutionem patiuntur propter justitiam, quoniam ipsorum est regnum cælorum.* Qui perdidit animam suam propter me servabit eam. Qua tanta mercede proposita, videre est Apostolos, quum cæsis præciperetur ne loquerentur amplius in nomine Jesu, gaudentes à conspectu concilii abiisse, quod digni habitus esset, qui pro nomine ejus contumelia afficerentur. Horum vestigiis tantum, non omnes illi primi plique Christiani instituerunt; quorum si numerum dicere velim,*

Icaria numerum dicere coner aquæ.

Ambrosium tamen citare lubet seorsum, qui cum vellent Iustina & Valentinianus basilicam Arrianis tradi, *Volens*, inquit, *nunquam deferam, coactus repugnare non novi. Dolere potero, flere potero, gemere potero. Adversum arma, milites, Gothos, lacryma mea, mea arma sunt. Talia sunt munimenta sacerdotis. Aliiter nec debeo, nec possum resistere.* Quo vero ne quis putet hæc dictis facilius, quam factis exprimi posse, certe sciat oportet hæc tanto antistiti è fibris eruta, non in labris, quod ajunt, fuisse nata. *Ambrosius*, inquit *Ruffin. lib. 2. c. 16. adversus reginæ furorem non se manu defensabat, aut telo, sed jejunii, continuatis vigiliis, sub altari positus, per obsecrationes defensorem sibi atque Ecclesiæ Deum parabat.* Hoc unum esto subsidium: alterum levamen à prudenti rerum consideratione petatur. Quod neque ipsum à praxi veterum Christianorum diversum abire: ut intelligere est ex Augustini Epistola ad Petilianum, qui cum ei malos Reges identidem objectaret, constanter & cordate respondit: *Enumerare conatus es, quos Reges justisenserint inimicos, nec considerasti, quod plures enumerari possint, quos habuerint amicos. Pater Abraham à Rege divinitus admonito, ne uxorem ejus attaminaret, ut amicissime habitus est, & munera accepit, Isaac filius ejus Regem similiter amicissimum expertus est. Iacob in Ægyptum à Rege honorabiliter acceptus, eum etiam benedixit. Quid loquar de filio ejus Ioseph, qui post carceris tribulationem, quo velut igne aurum, sic castitas ejus probata est, magnis ab eo sublimatus honoribus, jurabat etiam per Pharaonis salutem, non tanquam typho elatus, sed beneficentiæ non ingratus.*

Regis

Regis filia Moysen adoptavit, David ad alienigenam Regis Israel compulsus iniquitate confugit. Helias ante currum pessimi Regis, non illius imperio, sed suo cucurrit obsequio. Helisæus hospita mulieri, si quid sibi forte à Rege per ejus intercessionem præstari vellet, etiam ultro offerendum putavit. Neque est quod vel ab Ethnicis hoc idem doceri pudeat Christianos. Monet nos Historicorum princeps, Ferenda esse Regum ingenta, nec usui esse crebras mutationes. Apud eundem præclare nostras Cercalis. Quomodo sterilitatem & nimios imbres, & cætera natura mala, ita luxum vel avaritiam dominantum tolerare. Vicia erunt donec homines, sed nec ea continua, & interventu meliorum pensantur. His ac similibus rationibus moti, quomodo se gesserint primi illi Christiani, audi ex Tertulliano ad Scapulam: Nos inquit, pro salute Imperatorum Deum invocamus, æternum Deum, verum, & viduum, quem & ipsi sibi Imperatores propitium super ceteros malunt. Quam autem enixæ illæ fuerint preces, & ipse ostendit: Omnibus, inquit, imperatoribus precamur vitam prolixam, imperium sæcurum, domum tutam, exercitus fortes, senatum fidelem, populum probum, orbem quietum, & quæcunque hominis & Cesaris vota sunt. Quas etiam preces vires habuisse apud Deum gloriatur: Marcus Aurelius, inquit, in expeditione Germanica, Christianorum militum orationibus, ad Deum factis, imbres & victoriam impetravit. Multum notabilia sunt quæ apud Iustinum Martyrem citantur ea de re verba, ex ipsius Marci epistola ad senatum. Sunt autem hæc quæ sequuntur. Projicientes se in terram Christiani non pro me tantum, sed pro universo exercitu, qui tum aacerant precati sunt, ut ita solatio nobis

nobis essent in presenti fame & siti, in quintam enim jam diem aquam, quod ea defecisset non ceperamus: nam in medietullio Germania, & in finibus hostium eramus: Simulatque vero illi in terram sunt provoluti, & Deum precatione invocaverunt, quem ego ignorabam, confestim aqua de cælo est consecuta, ad nos illa quidem frigidissima, in Romanorum vero hostes grando ignea. Hæc obedientia quam Deo grata, tam certo tibi & ejusce benedictionem spondeat, inobedientia, promeritas expectet ac prædictas pœnes, nominatim ipsum rerum publicarum interitum, quem ab hoc solo malo Romano imperio Seneca ominatur. Hic casus pacis Romane finis erit, inquit, hic tanti fortunam populi in ruinas aget. Tam diu aberit ab isto periculo hic populus, quam diu sciet frænos ferre, quos si quando abruperit, vel aliquo casu discussos, sibi reponi passus non erit, hæc unitas, & hic maximi imperii contextus in partes multas dissiliet, idemque huic urbi dominandi finis erit qui fuerit parendi. Atque hic quidem finem huic capiti imponere visum erat: ut tamen majus à me dictis robur accedat, ob argumenti ejusdem tenorem adscribere è re putavi concilii Tolerani quarti caput quartum supra septuagesimum: simul etiam ut omnibus exploratissimum compertissimumque tandem sit, ea quæ hæctenus à me prolata sint, talia esse, ut & illa totius concilii conspirans in unum consensus, non sancte minus ac piè, quam graviter ac cordatè confirmarit.

CAPVT POSTREMVM
CONCILII TOLETANI

IV.

POST instituta quædam Ecclesiastici Ordinis, vel decreta quæ ad quorundam pertinent disciplinam, postrema nobis cunctis sacerdotibus sententia est, pro robore nostrorum Regum & stabilitate gentis Gothorum, pontificale ultimum sub Deo iudice ferro decretum. Multarum quippe gentium (ut fama est) tanta extat perfidia animorum, ut fidem sacramento promissam regibus suis observare contemnant, & ore simulent juramenti professionem, dum retinent mente perfidia impletatem. Iurant enim regibus suis, & fidem quam pollicentur, prævaricantur: nec metuunt volumen illud iudicii Dei, per quod inducitur maledictio, multaque pœnarum comminatio super eos, qui jurant in nomine Dei mendaciter. Quæ ergo spes talibus populis, contra hostes laborantibus, erit? Quæ fides ultra cum aliis gentibus in pace credenda? quod fœdus non violandum? quæ jurata in hostibus sponsio stabilis permanebit, quando ipsis propriis Regibus fidem non servant? Quis etiam adeo furiosus est, qui caput suum manu sua propria defecet? Illi (ut notum est) immemores salutis suæ, propria manu seipso interimunt, in semetipsos suosque Reges proprias convertendo vires. Et cum Dominus dicat: Nolite tangere Christos meos: & David: Quis, inquit, extendet manum suam in Christum Domini; & innocens erit? illis nec vitare metus est perjurium, nec Regibus inferre exitium.

Hosti-

Hoflibus quippe fides pacti datur, non violatur. Quod si in bello fides valeat, quanto magis in suis servanda est? sacrilegium quippe est, si violatur à gentibus Regum suorum promissa fides: Quia non solum in eos fit pacti transgressio, sed & in Deum, in cuius nomine pollicetur ista promissio. Inde est, quod multa regna terrarum, celestis iracundia ita permutavit, ut pro impietate fidei & morum alterum ab altero solveretur. Unde & cavere oportet, casum huiusmodi gentium, ne similiter plagà feriamur præcipiti, & pœna puniamur crudeli. Si enim Deus angelis in se prævaricantibus non pepercit, qui per inobedientiam cœleste habitaculum perdididerunt, unde & per Esaïam dicit: Inebriatus est gladius meus in cœlo: quanto magis nos interitum salutis nostræ timere debemus, ne per infidelitatem eodem saviente Dei gladio pereamus? Quod si divinam iracundiam vitare volumus, & severitatem ad clementiam provocare cupimus, servemus erga Deum religionis cultum atque timorem, custodiamus erga Principes nostros, pollicitam fidem atque sponsionem. Non sit in nobis, ut in quibusdam gentibus, infidelitatis subtilitas impia, non subdole mentis perfidia, non perjurii nefas, & conjurationum nefanda molimina. Nullus apud nos præsumptione regnum arripiat, nullus excitet mutuas seditiones civium, nemo meditetur interitus Regum, sed, defuncto in pace Principe, primates gentis cum sacerdotibus successorem regni consilio constituent, ut dum veritatis concordia à nobis retinetur, nullum patria gentisque dissidium, per vim atque ambitum moliat. Quod si hæc admonitio mentes nostras non corrigit, & ad salutem communem nostrum nequaquam perducit; audis sententiam nostram: Quicumque ergo ex nobis vel totius Hispaniæ populis, qualibet conjuratione vel studio, sacramentum fidei suæ, quod pro patria gentisque

Gothorum pollicitus est, stabilitate temeraverit, aut Regem necesse attriverit, aut potestate regni exuerit, aut presumptione Tyrannica regni sacilegium usurpaverit: anathema sit in conspectu patris & angelorum, atque ab Ecclesia Catholica, quam prophanaverit perjurio, efficiatur extraneus, & ab omni cœtu Christianorum alienus, cum omnibus impietatis suæ sociis: quia oportet ut una pœna teneat obnoxios, quos similis error invenerit implicatos. Quod iterum secundo replicamus dicentes: Et post hæc tertio repetita, atque acclamatione omnium probata, ista sequuntur. Quapropter nos ipsi Sacerdotes, omnem Ecclesiam Christi, ac populum admonemus, ut tremenda hæc, & toties iterata sententia nullum ex nobis præsentem, atque æterno condemnet iudicio: sed fidem erga gloriosissimum Dominum nostrum Sisenandum Regem custodientes, ac sincera illi devotione famulantes, non solum divina pietatis clementiam in nobis provocemus, sed etiam gratiam ante faciem Principis percipere mereamur: Amen. Te quoque præsentem Regem, futurosque sequentium ætatum Principes humili aë, qua debemus, deposcimus, ut moderati & mites erga subiectos existentes, cum iustitia & pietate populos à Deo vobis creditos regatis, bonamque vicissitudinem, qui vos constituit largitori Christo reponatis: regnantes cum humilitate cordis, cum studio bonæ actionis. Ne quisquam vestrum solus in causis capitum, aut rerum sententiam ferat: sed consensu publico cum rectoribus ex iudicio manifesto delinquentium culpa pateat: servata à vobis in offensis mansuetudine, ut non severitate magis in illis, quam indulgentia polleatis; ut dum omnia hæc auctore Deo, pio à vobis moderamine conservantur, & Reges in Populis, & Populi in Regibus, & Deus in utrisque lætetur. Sane de futura Regibus hanc sententiam

promulgamus, ut si quis ex eis contra reverentiam legum facinore sive cupiditate crudelissimam potestatem in populis exercuerit, anathematis sententia à Christo Domino condemnnetur, & habeat à Deo separationem atque iudicium propterea quod presumpserit prave agere, & in perniciem regnum convertere. De Simithilana vero qui propria scelera metuens, seipsum regno privavit, & potestatis fascibus exiit, id cum gentis consultu decrevimus, ut neque eam vel uxorem ejus propter mala, quae commiserunt, neque filios eorum unitati nostrae unquam conso- ciemus, nec eos ad honores, à quibus ob iniquitatem dejecti sunt, promoveamus. Quique etiam, sicut fastigio regni habentur extranei, ita à possessione rerum, quas de miserorum sump- tibus auxerant, moneant alieni, prater id quod pietate piissimi Principis nostri fuerint consecuti. Non aliter & Geillanem, memorati Simithilanae & sanguine & scelere fratrem, qui nec in germanitatis fide stabilis extitit, nec fidem gloriosissime Do- mino nostro pollicitam conservavit. Hunc ergo cum conjuge sua, sicut & antefatos à societate gentis atque consortio nostro pla- cuit separari, nec in amissis facultatibus, in quibus per iniqui- tatem creverant, reduces fieri, prater id quod consecuti fuerint pietate clementissimi Principis, cujus gratia bonos donorum pre- miis ditat, & malos à beneficentia sua non separat.

CAP. X.

De Majestate Reali, sive Regni.

Majestatem scriptorum nonnulli dividunt in personalem, quæ penes Regem, & Realem, quæ penes ipsum Regnum sit. Recte ne, an secus, non disceptabimus, dummodo ejus, quod nunc in disquisitione venit, securi simus. Realem duplici modo considerant: primo, quo sine regno constitui non possit, sed in eo ipso insit ac permaneat, unde nec avelli citra exitium magis possit, quam vita ipsa ab homine: secundo, quo regno quidem etiam ipsi adhæreat, sed sic tamen, ut quæcunque ipsum regnum persona obtineat, eam comitetur, etsi nullo personali, sed uno, eoque perpetuo regni jure, unde neque extinguatur cum ipsa persona. Verius est, Majestatem, sive Regni illa sit, sive Regis, unam esse atque eandem planissime, & ipsos, qui sic eam dispeſcunt, in eo labi, quod non discernant rem ipsam, à modo rei habendæ. Dubio enim caret, tam in multorum, quam in unius cujusquam regimine veram esse Majestatem: æque item certum est, aliter Majestatem in hoc, quam in illo regimine haberi: quemadmodum & aliter atque aliter sæpe etiam pro rerum & temporum articulis. Sic Romæ, in interregno, quinque diebus, è decemviris singuli jussu Senatus Imperii summam repræsentabant. Sic etiam cum dictatorem dici visum (eo forte quod omnes ejus dicto audientes essent)

essent) spectavit ad ipsum, utique in speciem, summa rerum. Halicarnassæus enim omnia ipsius fuisse potestati permissa dicit. Sed, ut Tacitus, *Dictatura ad tempus sumebantur*: quin imo persæpe & rei gerendæ ergo, seditionis sedandæ, clavi pangendi, creandorum comitiorum, & quæ his similia sunt, dictatorem dictum in fastis occurrit. Nemo tamen dicat, vel sublato interregno vel dictatura deposita, Majestatem quandam interregi, aut pridem dictatori constituisse. Idem esto iudicium de Græcorum Æsymnetis, Heduarum Vergobretis, & si qui alii hujusmodi occurrant Magistratus, quos, summa potentia & authoritate præditos, præfinitum temporis spacium ad privatæ fortis stationem reducebat. Administrabant hi ac repræsentabant Majestatem, suo quisque modo, non ut propriam possidebant: erat enim ipsius regni. Quod ne quemquam turbet, rei scilicet inanimæ tribui Majestatem; cavillari non decet: Non ædes, non vici, non civitates regnum constituunt, sed homines. Est suum regno corpus, sed mysticum nempe, ut cuius universitati. Proinde nec ambigendum, num sit in eo Majestas, sed qualis ea sit, inquiri dignum est. Atque hoc dum eruitur, quomodo sit constituta, non qualiter administretur spectandum: origo ejus attendenda, non exercitium illius juris, aut modus habendi. Realis ergo illa Majestas (liceat eam cum cæteris ita vocare) non minus aut naturalis est, aut divina, quam personalis. Et si enim scribit Philosophus. Ethic. 8. *οὐδὲν ἀρχικὸν καὶ πατερικόν, καὶ πρῶτον ἐστίν, οὐδὲ βασιλεὺς βασιλοῦμενος*: tamen omne est imperium à natura, non regni minus, quam regis. Est etiam eadem majestas divina, ratione

ratione ordines; quorsum illud referas, *Rex non est in locustis, & tamen ordine omnes procedunt.* Et naturalis, & divina est ratione finis: qui ubique idem, summum scilicet bonum politicum, & totius, atque ejus partium perennis; quantum datur, conservatio. Dum ergo ne desit in quem Regni nomine Majestatis conferatur exercitium, fieri nequit, ut deficiat cui imperetur: eoque dato, non jam ultra quidnam illud sit quod imperitet, aut quod sit absolute summum, querendum est.

*Majestas mundum quæ temperat omnem
Quo primum partu est edita, summa fuit,*

ait Poëta. Et hæc quidem Majestas, cum sit realis, tanquam Regno cōgenita & cōæva spectatur. Eadem etiam neque esse desinit, nisi cum Regno. Non hanc delibant interregna, non discordiæ, non fatales imperiis mutationes, dum ne totum regnum subvertant aut evertant. Ipsa est regni basis, ipsa fulcrum. Hoc Palladium illud est, hæc delapsa cœlo ancilia, hi denique æterni Vestæ ignes, quorum pervigili custodia, tutelaque totum imperii corpus conservari veteres fabulabantur. Totius imperii jus sic in hac majestate consistit, ut de ipsa recte dici possit, quod sit communis totius reipublicæ sponsio. In tantum quidem, ut vel ipso etiam Regno major esse non obscure videatur: cum quæ absolute summa hic potestas est, in fundamentalibus regni legitibus, earumque conservatione, observantia, & executione tota consistat; leges autem illæ sacrosanctæ sint, ut ne quidem ab ipso Regno in præjudicium posteriorum tolli possint. Utique ergo
vel

vel hoc nomine, atque in tantum majestas illa Regno excelsior reputari debet, quod neque ipsum Regnum, illam à se possit abdicare, ac vel in totum vel in partem imminutam ad posteros transmittere. Quod si contingat, eam majore vi, fraude, dolo, aut quocunque denique modo, prædictis legibus oppressis imminui, piæ sunt ad eam reddassendam posterorum vindiciæ, justa arma, & quæ citra ullam alicujus contradictionem, ex æquo se Deo atque hominibus probatura sit, violentia. Nam & conservandi quæ sic à majoribus ad posteros transmissa sunt naturalis est obligatio, & ipsis quasi ossibus inhaerens, ad feros ultimosque adeo spectans nepotes: ut jus hic sibi quæsitum sit etiam nondum natis, nō ad rem, sed in re, hæredibus quippe suis, & ultra præfixos à civili Romanorum lege fideicommissio terminos, fideicommissariis perpetuis, hæreditariis, nec ullo pacto aut ullo jure submovendis, aut excludendis. Fundamentales autem eas leges quod sibi dixit ipsum est Regnum, neque id jure aut vi alicujus pacti aut stipulationis, sed pro jure suo, libertatis suæ, imperii sui, quod uni Deo obnoxium in æternæ cujusdam durationis indubiam spem per has leges (quantum quidem per naturam capit humanitatis fors ac conditio) æternum valituras erexit. Semel his constitutis, omnis ab iis deflexus nefarius est, omnis contradictio sacrilega, omnis ad eas subruendas conatus extremis suppliciis expiandus. Nam hæ quidem leges non modo instrumenta sunt Regni, nempe ut ejus administratio secundum ipsas sit dirigenda (quemadmodum leges instrumenta regnandi sunt) sed ita immediate ac principa-

liter Regnum ipsum spectant, ut ipsum in iis consistat & subsistat. Ideoque ut parricidae sunt ipsius Regni, quicunque in hacce istas fundamentales ejus leges involare atque committere ausi fuerint. Nimirum hæc constitutum Principem leges sibi proponant, non constitutum, sicubi tamen constitutum agnoscunt, non aliter agnoscunt, nisi suo dictamini adstrictum: Regnum etiam ipsum considerant, ut secundum sui tenorem gubernandum, nequaquam vero cum sui neglectu agendum ferendumve ad arbitrium alicujus aut nutum. Porro nihil intercedit, quo minus ipsum Regni corpus & retinendi & amittendi juris sui sit dominum. Cui vero id juris est, quin id aut retinere, aut abdicare à se, sive in totum sive pro parte possit, in controversiam vocet nemo. Ergo hominibus liberis tam fuit in proclivi, absolute se alteri gubernandos regendosque permittere, quam sub conditione: & vice versa. Sed nihil naturali æquitati, convenientius, quam servari ea, quæ semel placuerunt. Ergo si Regem super omnia constitui contingit, nullo reservato jure, protinus illa Realis Majestatis evanuit ac decessit: non item, si sub conditione. Tum enim ipsi regi lex dicta est, & quidem etiam (si non electione, sed nascendi sorte regnum defertur) posteris illius, dicta quibuscunque successuris, & quam diu stabunt suo loco regni ipsius res ac rationes, dicta lex est in omne ævum. Hoc casu universaliter verum est, legem dicentis partes superiores esse, præ quam sint illius, qui legem accepit: qui se legi, quam accepit, jam tum submitit, & submittere tenetur: qui abnuat, etiam adigi possit, constringi

stringi ac cogi. Quare ut ne cumulemus non necessaria, omnia quæ de essentialibus Majestatis hæcenus dicta sunt, pro repetitis atque denuo assertis etiam hoc loco habentor.

CAP. XI.

*De Realis & Personalis Majestatis inter
se communiōe.*

IX præcedentibus patet, utrumque hoc, quicquid est, potestatis absolute summæ, per se stare; ac propterea ad hoc ipsum ut stet, alterum alterius ope aut cōspiratione non indigere. Verum enimvero cū rerum experientia magistra doceat, influere sæpenumero ea quæ realis sunt majestatis in personalem, & à personali ad realem vicissim nonnulla subinde conferri (qualia sunt, inde apud Romanos Consulū pro temporibus dictaturæ, dum dictator absolute quidem summus est, & tamen ipsius populi majestas: hinc vero illa principum professio, qua se legibus principatū submittere profitebantur, quod tamen ut facerent legibus soluti, non erat necesse) recte fecerimus, si tale intercedere ostenderimus temperamentum, quod utrimque salutiferum, neutra de parte vel tantillum demat. Non nego, offerri hac in re nonnunquam, quæ magis consilii sint, quam assertionis aliquid demonstrativæ: sed ex adverso etiam notum est,

V 2

quæ

quæ communicari possunt majestatis jura, non ideo semper ex usu esse ut communicentur: ac neque ideo quod communicata sint, totam ad se majestatem trahere, ut videre est in allegato statim dictaturæ exemplo. Sed de his sermo non est: atque idcirco omnia in planum deducere annitentibus dicendum est, frustranea circa majestatis materiam esse omnia, quæ non generaliter dicuntur & absolute, procul habita ab omni alterius cujuscunque demum communione, interventu, mixtura. His ergo vestigiis insistentes in rem mediam descendamus. Clarum est, singula suos sibi fines quam maxime ob oculos ponere. Ipsum etiam finem Majestatis, non minus est evidens, summam esse libertatem. Quomodo ergo libere agit Deus, ita & Rex agere se posse quam liberrimè velit: sic & velit à sua parte Regnum: adeo ut nec possint hæc duo simul consistere, si ambo sibi relinquantur, aut in se ipsis principium agendi habeant. Oraculum est in hanc rem illud Lucani:

*Dum terra fretum, terramque levabit
Aër, & longi volvent Tisana labores,
Noxque diem cælo totidem per signa sequetur,
Nulla fides regni sociis, omnisque potestas
Impatiens consortis erit.*

Hinc & subjungit:

*Nec gentibus ullis
Credite, nec longe fitorum exempla petantur,
Eraterno primi maduerunt sanguine muri.*

Nec

*Nec precium tanti tellus pelagusque furoris
Tunc erat, exiguum dominos commisit asylum.*

Nota sunt & illa ad Iocastam Polynicis apud Tragicum;

Pro regno velim

*Patriam, penates, conjugem flammis dare,
Imperia precio quolibet constant bene.*

Ipsū per se regnum satis ad dissidia causæ est. Certe nec in realem ac personalem Majestas dispertiri possit, nisi vel huic vel illi ab altero sit habendum actionis aut motus principium. Nec enim summi ipsius æquale quid sit, nedum aliud summū. Quandoquidem hic ergo de Regno, ut de summo est sermo, deque ejus Reali majestate, quam nulla sit quæ æquet, nedum vincat; planum est, eam, personalis Majestatis, quæ in ipso illo Regno existat, velut causam ac fundamentum esse; cujus causatum, & velut fundamento superexstructum sit majestas personalis. Hæc autem inter se dissidere non possunt: sed tamen, causam tolle, causatum ne quidem erit: idem & de fundamento dicere verum est. Ex adverso, eo sublato quod superexstructum fuerit, non desinet fundamentum esse capax alterius superexstruendi; nec sublato causato causam potestas deficiet, sese in aliud similiter à se aut causatum aut causandum promovendi. Tali ergo in Regno qui regnat, is non regnat ut Rex; id est, non regnat ille aut per se, aut suo jure, & quoniam Rex sit; sed quia ad hoc ipsum, ut regnet scilicet, à Regno in Regem est subvectus. Quod additius regnat, Regno debet; quod remissius, eidem Regno.

Regno, & legi à Regno datæ. Non ille ibi ut Dominus consideratur absolute summus, sed ut Regni administrator, aut dispensator, quanquam cæteris sublimior. Idem ille quatenus in administrantem ac dispensantem Domini cadit aut nomen aut qualitas, etiam Dominus vocatur: sed verbo tenus duntaxat, & pro eminentioris dignitatis prærogativa. In eo differt à Majestate reali personalis, quod sublata Regis persona, confestim hæc intercidat, quæ in reali Rege extincto perseverat. Nam quæ sunt successionum jura, exprimunt ea ordinem succedendi, designant naturæ desiderium, & quid expediat velut præmonstrant, eoque etiam in fundamentalia regni tacite sic commigrant, ut naturalis habeatur talis successio, & nullo jure contrario, nullo aut pacto, aut facto immutanda; manet interim per rerum iidem factorumque naturam impossibile, ut personalia quæ sunt egrediantur personam, utque extincta persona non etiam ipsa extinguantur. In reali vero Majestate unitatis ratio hæc est, ut non nisi toto corpore extincto pereat: si vel caput ipsum tollas, solutionem contigui, ut ita dicam, patietur, non continui. Hic enim id fiet, si vel Regem avelli contingat, quod de ramo aureo canit Poëta,

Uno avulso, non deficit alger

Aureus, & simili frondescit virga metallo.

Introducitur ad regale culmen ac subvehitur Rex, per stipulationes, per pacta conventa, aut simpliciter. De simplici autem illo ad regnum accessu non loquimur. sermo
cit

est eo de regno, cujus imperium sub conditione accipitur. Si pactis locus est, servanda est pactorum fides, sanctissimum humani pectoris bonum. Nempe cum in ea descenditur, ac juxta ea recipiuntur imperia, sic in unum corpus coalescunt realis & personalis Majestas, sic utraq; indivulsa se explicat, ut quam diu aut pactis fides constat, aut observantia suscepti mandati, scindi in partes aut dividi non possint; unde fit ut neque eas inter se dissidere possibile sit. Sin legibus, quas admiserat calcatis, excusso, cui se submiserat, imperio tyrannidem Rex affectat (hæc enim vera tyrannis, & ut in vita Miltiadis Æmylius Probus, *Omnes & habentur & dicuntur Tyranni, qui potestate sunt perpetua in ea civitate, qua libertate usa est*) ipse quidem dum res novas molitur, sibi causam status mutat, sed nequaquam Regno. Namque aut successus eum destituit, & fundamentum libertatis manet inconcussum: aut fit voti compos, sed manet tamen Regno suum jus; ille vero dum ipso jure, ipso facto excidit statione in quam erat subvectus, adversum omnes, regno libertatem vindicare & reasserere nitentes, agit improtectus. Ergo, ut videre est, duo sunt, è quibus ipsa, quanta quanta est, desumitur Majestas: imperii absolute summi scilicet jus, & debita pro illo jure obedientia. Idem imperii jus esse in reali Majestate, quod sit in personali, dictum est hæcenus: dicendum etiam foret de membro secundo, videlicet obedientia, ni superfluum id esset, quia posito imperii summi jure quoque hæc ponitur, quin adeo istius juris vel solo nomine commemorato tota atque absolute ea posita est: ubi siquidem eadem est ratio, ibi eadem
juris

juris dispositio. Tam autem est à Deo Majestas realis, quam est personalis : par ergo debetur obedientia. tam liberum est, Regnum quod unum sit corpore, quam Regem qui unum sit persona, supra se constituere. Hoc illo-
 ve constituto, idem imperandi jus statim assurgit, eadem necessitas parendi. Deus Regi in se considerato est im-
 mediata causa causæ : itidem est Deus immediata causa Regni, in se ac per se considerati : sed respectu Regis, ut ab ipso Regno ad fastigium regule subvecti, causa causati est, & mediata. Quoquo modo, quæcunq; obedientia debetur, profluit illa à justis mandatisq; divinis. Non est ergo ut hæc operosius exsequamur. At enim duo restant dicenda. Prius est, ex jam dictis facile colligi posse, vastas illas & tantis animis agitatae disputationes de jure summe potestatis, quæ orbem Christianum non modo exercue-
 re, sed & horrendo parricidiorum, bellorum civilium, & impiè fusi sanguinis profluvio, dolendum magis, an ex-
 fecrandum in modum? toties torque ab hinc annis inun-
 daverè, nullo negotio in unam consonantiam duci. Nam in personali Majestate nefas sit ulla, prorsus monar-
 chomachorum argumenta admittere : in Majestate reali locum illa inveniant, quatenus defensionem legitimam inter tutores Regni, ipsum Regnum ac res Regni non mi-
 nus ipso, Rege administrantes, dispensantes, regentesque coercitam, tuentur ; quatenus denique, respectu subdito-
 rum his tutoribus se adjungentium, docent, servitium ac ruinam libertatis bello etiam gravi posthaberi posse, Cæ-
 tera quæ obedientiam revellunt, factiones suscitant, se-
 ditiones armant, in b. illa civilia, nec paranda nec habenda
 per

per bonas artes protrudunt, exesse fas est. At quid exesse dico? quin demergi in horrendas abissi tenebras; & eo ablegari, ubi neque nomina neque facta Pelopidarum audiantur. Posterius est, non melius quæ quantaque sit Majestatis realis cum personali convenientia, judicari posse, quam ex juramento, quo fere semper ipsi Reges ubi Regnum capessunt se illigant. Quod ut recte etiam à nobis inspiciatur ac discutiatur, primum de juramento generali, quod Reges omnes præstant, deinde eo de juramento agemus quod non nisi ab illis præstatur, qui imperii sui principia non à se habent, sed aliunde consequuntur.

CAP. XII.

*De differentia juramentorum pro modo
summæ potestatis.*

Majestatis personalis & realis vocabula, quibus hætenus ad discriminis evidentiam sumus usi, etsi minus concinna alicui videri possint, servabimus tamē, bona legentis, ut spero, cū venia; & minus verborum quam perspicuitatis curiosi, juramentum similiter dividemus in juramentum quod præstatur ab Rege, penes quem absolute summa potestas residet, & juramentum quod à Rege fundamētalibus Regni legibus alligato præstatur. Quæ utrobique convenientia sit, & quibus in rebus dissideat, ob oculos ponemus. Apud omnes receptū est, quod

quod de Romanis Tullius, nullū vinculū majores nostrī ad astringendam fidem juramento arētius esse voluerint. Indicant id leges in xii tabulis, indicant sacra: indicāt Fœdera: quibus etiam cum hoste decernitur fides: indicant notationes animadversionesque censorum, qui nulla de re diligentius, quam de jurejurando judicabant. Hoc est quod jurejurandum Ennius vocabat jusjurandum Iovis, utque ex oratione Catonis observatum, eam in Capitolio Iovis Opt. Max. vicinam Romani voluere. Vetum enim vero gentiles omittamus. Multo & magis & sanctius id à Christianam religionem professis observatum. Inter eos adeo nullum datur Regnum (subjugata armis domitaque non tango) in quo in Regem seu nascendi sorte, seu per suffragia nullus subvehitur, sive absolute futurus rerum Dominus, sive Regni legibus alligandus, quin adstringat se juramento solemnī. Causas mihi perquirenti, præter eam quæ jam nunc allegata est jurisjurandi religionem, quatuor potissimum occurrunt. Prima est, quod Dei imaginem, rerum humanarum summa repræsentent, eoque & ipse Rex tanquam vivum spiransque in terris numen colendus sit ac de venerandus. At vero videmus pro immensa sua benignitate Deum nulla potentiori ratione ad nos descendere, & se nobis communicare, quam quod servantibus mandata sua etiam juret & geminatione juramentorum sanciat beneficiorum benedictionumque perennem constantiam, perinde quoque ergo nihil mortalibus acceptius nihilque potentius à parte Regis in cordibus subditorum excitare posse fiduciam sui, quam si juramento talem se fore,

fore, subditis promittat, qualem cum esse ipsimet velint, quem sibi beneficium, patrem communem, tutelarem Deum sint habituri. Altera est, quod credatur incentivum hoc accepi Regi futurum, ut quod conceptis verbis edito juramento ratum esse voluit, quam constantissime servet; nec ullam sinat levitatis cujuscumque, nedum luxati juramenti, rei sane sanctissimæ, notam in se recumbere. Hoc commune est votum, ut dictorum factorumque in Rege constantia & veritas sic perpetuo effulgeat, ut & hoc ipso exprimat quaquaversum, Dei illius, de quo in sacris dicitur, *Iuravit Dominus, neque pœnituit eum iurandi*, sibi religionem quam altissime intimo cordis sacrario receptam, nec unquam ponendam aut insuper habendam. Tertia est, quod visum sit hoc juramentum utrimque comprimis facere, ad amoris affectusque demonstrationem sinceram, cum sit tanquam arrhabo bonæ voluntatis & zeli, communem prosperitatem, tranquillitatem, pacem atque securitatem promovendi, tum quoque ut animi subditorum erga Dominum futurum reddantur propensiores, ipsique devinciantur. Quarta, ut reciproco hoc velut nexu ac vinculo gratiora reddantur imperia, & obsequia promptiora; tum si quæ ipsa imperia asperare possent, longius ut haberi, summovei itidem, atque arceri possint, si quæ moram obsequiis aut allatura aut obloquutiones causatura fore sit metus. Atque hæc quidem omnia communia sunt & conspirantia tam in personali quam reali Majestate, bono publico, quam optime inservientia: Regem enim si spectamus, præstant ei munimento omni maius fortiusque hoc mu-

nimentum, munimento non egere. Regem nimirum

*Non sic excubia, non circumstantia tela,
Quam tutatur amor.*

Ad subditos si convertimur, dant iis gloriam obsequii, libertati prpximam, dum modo apud se prudenter revolvant, etiam ut Deo, ita & pio Regi servire esse libertatem, neque adeo alibi gratiorem tam quam sub Rege pio inveniri, dum deniq; sciant, hoc vere illud esse quod ipsam libertatem immunem ab illa dominatione præstet, quæ neque finem sui novit, neque modum. Videamus & quæ sint diversa: quæ quidem bifariam possint considerari, tam ratione originis, quam ratione effectus. Effectus scilicet, qui sit ab una parte effectus ipsius juramenti; ab altera Principem ac subditos concernat. De utroque ita quam paucissimis statuendum censeo. Originem quod attinet, procul dubio, id ipsum, quod Rex absolute summus juret, magis esse consilii, cujus jam nunc & causæ & fundamenta reclusa patent, quam stricti alicujus mandati, aut præcepti: Contra vero ubi Regni legibus adstringendus quis Regno admovetur, non esse id tam consilii quam præcepti. Prior siquidē ille neminem agnoscat, à quo mandatum ullum expectet: consilium à se capit, aut ab iis quos in consilium adhibere ei placeat: Posterior & ab iis præscriptas, qui suū hoc præscribendi jus nullo modo in nudi consilii qualemcumque auctoritatem elanguescere aut degenerare velint. Ergo etiam in personali illa Majestate, non ideo juratur à Rege, ut ostendat tam arcta inter se subditosque intercedere obligatio.

gationum jura, ut nisi juret, Rex esse non possit; sed ut testetur fixum sibi immotumque esse, eorum quæ sui muneris sint, omnia sic satagere, ut non reformidet etiam nullo adigente aut impellente, quin imo proprio motu instinctuque, supremi numinis hominumque fidem adhibere, & per religiosam asseverationem vadari velut, atque oppignorare, suam de Regno Regnique ac subditorum rebus quam optime merendi constantiam. Quod ipsum secundario quidem verum est, in reali illa Majestate; quatenus nimirum juramentum per fidem quam à Rege exegit Regnum, insigne etiâ robur addit utrimque; placitis: sed omnino, ac primario quidem principaliterque, facit hoc juramentum ad substantiam ipsius contractus, ut absque hoc nihil cœptum, nedum absolute actum transactumve dici possit. Ac neque intercedit quippiam, quo minus dicamus, juramentum Regis absolute summi ultroneum prorsus esse, & ab ipsius liberissima sponte proficisci posse, ut qui neque jussis adstringatur, neque obligetur ullius hac in re consilio, præter, aut contra id, quod sibi placuerit deferre. Ultroneo mandatum opponi, nemo nescit. Deinde, cum exigente Regno juramentum sit præstandum, etsi potest id suo quodam modo esse ultroneum, quatenus & Regi & Regno circa hoc idem velle est & nolle; tamen profluit ab imperio Regni quod est in Rege principium volendi. Denique Regem jam constitutum ponit hoc juramentum, ubi personalis Majestas est; neque enim jurat nisi jam Rex, & quia Rex est; eoque ad summam rei, non potest ulterius haberi, quam pro eo quod ad altera illa, puta

coronationem unctionem ac cætera, epimetri sit atque accessionis loco. Diversum est in reali, in qua tantum abest ut pro epimetro reputari possit, ut ne quidem præstari valeat, nisi à Rege constituendo, & qua, ac quatenus Rex esse voler, quique similiter, & absque hoc, nunquam Regno sit potiturus, aut creandus in Regem, eo vero præstito confestim Rex sit futurus, & à subditis Rex agnoscendus. Et si quidem rem recta æstimemus, tendit hoc quodcumque est epimetron ad implenda inaugurationis solemnia, ubi Rex est absolute summus: quod etiam in opposito casu verum est sed non principaliter, utpote quod non tam ad supplenda solemnia, quam ad confirmationem initi utrinque contractus & illinc exigitur, & hinc præstatur. Accedit, quod ubi solemnia duntaxat implentur supplenturve, nihil hinc quod in contractum venit (& vero in personali Majestate nihil est quod deduci in contractum valide possit) vel augetur vel intenditur. Ab hoc diversum abit quodcumque vallandi muniendi contractus ergo, jurejurando sancitur: ut est in Majestate reali, in qua exigendi hujusmodi jurisjurandi non alia potentior impulsiva, quam ut sua sanctis effectis non reverentia modo constet, sed efficacia, eaque absoluta. Exigitur ut præstitum hoc juramentum excipiat realis præstatio, quæ ea omnia & singula ex amissim perficiat, quæ fuerint promissa: secus si fiat, hoc agitur ut habeat perjurus vindicæ Deum à sua parte, ab altera, id est à parte Regni, ut sit agatque soluta & per hoc perjuriū nullis adstricta vinculis Regni ac subditorum religio; quæ absq; hoc nec laxari possit, neque remitti, ut, quæ hoc ipso
quia

quia à Rege sic juratum sit, etiam à sua parte habenda sit omnino *Sacrasancta*, neque ullo modo violanda nisi per summum scelus ac nefas, nullis quorumcumque demum prætextuum aut excusationum obtentibus ac velamentis in contrarium valituris. Atque hæc circa originem notata sunt: veniamus ad effectus: quos jam nunc diximus duplices esse, & priores quidem ipsum juramentum spectare. Hoc si quis excussum eat, patebit è vestigio manifestaria utrimque diversitas. Agmen ducat quod in personali illa Majestate juramentum etiam quam exactissimè excussum nihil aliud sit quam pura ac puta fidei præstatio, per quam Rex fidem jurejurando facit, à se, quantum in se erit, quam religiosissime ac quæsitissima cum diligentia ac cura præstitum hæc & illa, quæ jurat. Regni legibus alligatus Rex, eadem fide neque minore religione pollicetur se præstiturum, sed addito ni præstet merito pœnæ: quod omnino à personali Majestate tam est remotum atque alienum, ut dum hic in terris agit, ne quidem per somnii umbram, ea ad eum se penetret. Hinc & altera eaque insignita utrimque differentia exsurgit: Nimirum sublato in personali Majestate merito pœnæ, sublata facultate se Regi opponendi, licet quid à Rege fiat, quod ab illa jurisjurandi religione abeat diversum, tamen id valiturum esse, neque esse, ut ex capite jurejurandi non servati nullitatis sic arguatur, ut omni effectu destitutum, summo velut de culmine, cadat in ruinam. Posito ex adverso, quod dicebam merito pœnæ, nihil moratur, quo minus & habeantur, & sint ipso jure, ipso facto nulla, quæ cum vero ac genuino jurejurandi

tenore

tenore ac sensu abeuntia, præscriptos fines excedunt. Quam secundam differentiam etiam altera excipit, atque insigniter statuminat: Nempe quod per illud Regis absolute summi jusjurandum, nihil juris communicetur, nedum ut derivetur aut transferatur in subiectos. Vbi vero præstatur jurejurandum pro jure Regni, quæritur confestim subiectis duplex jus, primum leges fundamentales Regni factas rectas conservari debere, posterius id ni fiat, quod & è vestigio liberum sibi fiat ad implementum jurejurando sancitorum contendendi atque annitendi, vel per istiusmodi vias atque media, quæ naturalis sui defendendi ratio, & à se vim atque injuriam procul habendi cura, vel nullis legum formulis id sancientibus iusta per se dicat esse, ac legitima. Iungamus, quod quæ à Regibus absolute summis præstantur promissoria iuramenta, constantem quidem officii tenorem ac mansuram fidem præfigurent, sed tamen haud aliter haberi aut intelligi possint, quam in rem, in statum, in conditionem præsentem concepta; sic ut mutata temporum secta, facie rerum, Regni conditione, nihil intercedat, quo minus quæ de novo emergunt sic componantur prout videbitur ex usu; quod ut fiat nullæ Regni partes sint aut subtorum, nulla quæ totam Rempublicam curandi necessitatem Regi incumbentem moretur ex isto jurejurando enata religio; totum hoc à Rege dependet & à beneplacito regali. In alligato legibus Regni nihil tale. Audiat confestim, ab omnibus fieri debere, omnes quod tangat nullum hic ei præcipui jus, nedum ut habeat quippiam, quod aliorum potiori jure excluso, aut suum dicat. aut vindici-

vindicet pro suo. Hæc circa dubium forsan cuipiam fiet; cum juramentum illud Regis absolute summi ob tantam rerum sursum ac deorsum euntium vertiginem sic ad incogitata extendi non possit, quin & ipsi liberum superfleret, etiam eo non attento, sic se adgubernare ut res ferrent, an idem quoque non dicendum sit, de altero quem Regni leges tenent, & quidem seorsim habito iurerumandi vinculo, quod in foro poli ex æquo tam hunc quam illum constringit? Verum ut fatear, prorsus subsisto. quid enim, si vis major insurgat, ineluctabilis necessitas premat, irreparabilis calamitatis justissimus metus si omnes moras convocationū consiliorumq; abscindant? Quid juris? Ex adverso non me fugit quantum è Republica sibi sumat, qui non convellendas nisi cum exitio convellentium Regni leges, ad se trahat. Sed hæc aliis dijudicanda relinquo. Ad propositum thema facto regressu, patet quovis modo si quid, emergente aliquo tali casu reipsa atque de facto contigerit, quod juramento adversetur, subsistere tamen, quod ut de absolute summo Rege dubio carere jam dici cœptum, ita de Rege altero, nisi toto Regno in id adhibente consensum, dici non potest. Cujus quidem Regni consensus eo majoris efficacæ est, quod sit juramentum illud quod in Regno præstat, omnine divisum, ac quot sunt pacta conventa, quot stipulationes, tot sint juramenta, tot obligationum vincula, tot prodita remedia in transgressorem; cum sit ab altera parte juramentum quod præstat non indivisum ditaxat, sed individuum, & nullis specialium promissionum vinculis magis alligatum, quam ad observantiam

Y

totius,

totius, & cujus observantia nullis juris alicujus aut mediis aut remediis extorqueri possit à non observante, aut invito. Quin imo si vel obligationem aliquam hinc inde ponere velimus, plurimum tamen inter se differant. Namque ubi personalis est Majestas, populus & pro se & posteris suis gratiam facere possit jurejurandi, utpote non ex vi stipulatus sed voluntate promittentis, effectum fortientis: quod in præjudicium legum Regni fundamentalium ac posterorum fieri non posse satis superque jam nunc demonstratum est in hoc juramento, quod simul & dignitatis est, & simul reale, eoque undecumque causam habet perpetuam. Quæ quidem & ad ultimam posteritatem cum prorogetur obligatio, neque quis Regi in Regno tali succedere possit, nisi in illas fundamentales leges juret, absque hoc nunquam successor futurus, est in eo manifesta utriusque differentia, quod hoc successorem quemcumque demum obligatum habeat, & quo vis modo; alterum personale cum sit, eoque ultra personam extendi non possit, ad successorem nulla obligandi potestate transmittatur. Atque hæc etiam de effectu ipsum jurejurandum atque ejus naturam conditionem spectant dicta sunt. Videamus quæ sint illa in quibus differant principem ipsum ac subditos illius concernentia. Primum est hoc, si quod nascendi sorte ac jure succedendi atque ordine Rex habuit jus, illud per se stat, per se firmum ac ratum est, neque enim illud quod habet in Regno (cum IC^{is} loquor) sinitatis jus, per juramentum nanciscitur, aut adeptum sibi servat. Illud ergo, quod apud Herodianum Cæsar calla gloriatur, *excipit nascentem purpura,*
& idem

Eodem qui hominem videt Sol, intuetur Regem. Sed in Regno, cui leges suæ fundamentales sunt, nullum omnino Regi jus est, nisi præstito iu antecessum jurejurando. Alterum est quod prior ille soli Deo obnoxius agat, eoque vinculum illud juramenti, cui se innexit, nequaquam eum foro quod vocant fori, teneat astrictum. Non habet aut in Regno suo, aut extra illud, tribunal coram quo sistatur, causam dicat, absolvatur, aut damnetur. Secundus, & Deo se per juramentum obstringit, & subditis suis, quibus ex eo-juramento quæsitum jus, cui contra niti ac derogatum aut ire, aut velle, quin in perjurii crimen committat atque incidat non potest. Habet ergo is etiam in Regno suo tribunal suum, habet judices, & quibus standum sit Regni leges. Tertium est, quod cum summus & absolutus omnium sit dispensator Regum quem dico prior, etiam juramentum subinde non ita exacte teneatur servare, puta si suprema illa lex, nimirum populi salus cujus observatio Rerumpub. omnium & legum finis est, ita exigit: si quid occurrat iniquum privatim, utilitate in singulos publica pensandum. Secundus habet normam ad quam se componat, limites quos non excedat. Sin & prior ille (cujus tamen illi nulla obligatio) rationem subditis à se factorum reddere velit, & cur à juramento sibi recedendum judicavit, declarare, & audire eum subditi tenentur agentem pro jure suo, audire ut nulli coactivæ directioni ob non præstitum à se juramentum subjacenti. Quod in secundo verum non magis est quam si in scholis disputantem quis admittendum diceret, qui neget principia. Omnium ratio est, quæ

etiam notabilem in se differentiam complectitur, quod absolutè summus Rex, Deo, unde ei in omnia regimen, juramentum hoc magis præstet quam sibi subjectis, quin imo, subjectis ne quidem præstet illud juramentum, quantum ad illam parendi necessitatem, & valentiam ligandi, & robur cogendi ad observantiam juratorum, de quibus hic solis jam quæstio movetur. Alter autem & Deo jurat, quem juxta quoque & testem & vindicem ciet, & simul iis quibus cum imprio est præfuturus; in tantum ut juramento secundum leges præstito non minus stare teneatur, quam ipsis legibus, ut ex illo jurejurando enatum obligationem neque obliturare possit neque ullatenus albo eradere, quin imo ut subditos non habeat, nisi quatenus servat juramentum. Prorsus ut ex ipsis his omni jure liberi sit, neque iis fraudi esse aut possit aut debeat, si à juramento temerarius recesserit, quin compellant eum per tramites legitimos ac formas etiam legum, ut rata præstet quæ, tam religiosa adservatione interposita, in se recepit.

CAP. XIII.

De Obligatione quæ existit Juramentis.

EX allegatis jurisjurandi formulis eadem quidem videmus utrobique jurari, sed non eodem modo, aut eadem sub lege. Consequens est, ut & videamus, quis juramenti istius sit effectus; nullus futurus, nisi obligationem aliquam pariat. Est quidem ipsum juramentum

tum per se obligationis satis est, cum habeat Deum testem & vindicem. Vnde apud Tragicum;

*Fidem alligavit jurejurando suam,
Si pejeravit, timere nil gravius potest.*

Horrendum sane est incidere in manum Dei viventis. Sed hoc alio omni jure, atque illius mediis ac remediis consumptis supplicorum extremum est, quo perjuri servantur, quanquam etiam præsentis vindicta suas perjurio pœnas irrogari statuerunt vel ipsi gentiles: cujus exemplum est in Eumenis vita exemplum. Hic cum ad milites verba faciens nec illo ipso proficeret, quod diceret, *Quater intra hunc annum in mea verba jurejurando obstricti estis precibus in iram versis, animorum irarumque plenior. At vos, inquit (verba ejus sunt apud Iustinum) devota capita respiciant dii, perjuriorum vindices, talesque vobis exitus dent, quales ducibus vestris dedistis. Nempe vos iidem ante paulo Perdicca sanguine estis aspersi, & in Antipatrum eadem moliti. Ipsum denique Alexandrum si fas fuisset mortali manu cadere, interempturi, quod maximum erat, seditionibus agitaſtis. Ultima nunc ego perfidorum victima, has vobis diras atque inferias dico; ut inopes extorresque omne ævum in hoc castrenſi exilio agatis, devorentque vos arma vestra, quibus plures vestros, quam hostium duces absumſistis. Quis, eas diras exceperit exitus si querimus, non irritæ fuere. Tradit Plutarchus in Eumenis vita; nec non Stratagematum lib. 4. Polyænus, Antigonom ipsos, cui maxime profuerant, ob perfidiam execratum Sybirtio tradidisse Arachosia præfecto, omnibus modis atterendos conficiendosque*

dosque. Sed & ducem eorum Antigenem in caveam æneam inclusum, vivum combussisse, author est Diodorus Siculus lib. 19. Plane ac si fuerint hæc non tam op-
tantis, quam prædicentis, nec magis ut fierent cupientis, quam quod futura essent præfagientis ducis. Invisa Deo perjuria, sed & invisâ maxime hominibus: fieri enim non potest, quin perjurio læsâ, animorum illa conjunctio, quæ interveniente sacramento facta fuerat indissolubilis, in mortale atque execrandum odium convertatur. Hic locum habet illud Tullii, *Omnium est inimicus communis, qui hostis est suorum.* Sed de obligatione ipsa, in qua sola potissimus est juramenti effectus, pressius agamus. Ea subditos spectat, aut Regem: utrumque diverse, ac diverso respectu. In Regno, quod absolute summum imperium agnoscit Regis, ne attenditur quidem, an populus juret nec ne. Neque enim ibi ullius juramentum est obedientiæ vinculum, quam & absque juramento debeat, ac ni præstet, ex debito possit cogi. Quod jurat, eo tendit, ut Deum habeat testem ac vindicem: Regis vero intuitu seu juratus populus, seu non juratus res novet, turbet, imperium excutiat, nihil refert, ex æquo noxius est. At in Regno, ubi Regem ipsum sibi alligatum habent leges illius fundamentales, nequaquam pura aut absoluta est, sed conditionalis subditorum obligatio. Sub priorè illa regiminis forma abest à populo vis omnis ac potestas cogendi Regem ad contractus implerementum: Ipse ex adverso ad omne obsequium, & obedientiam omnem sic tenetur, ut ei se subducere sine summo scelere non possit: quod Regi illi absoluta illa sit
pote-

potestas facundi quod velit, ut nemo ei dicat, quid facis? quare omnino ei talis ac tanta debetur obedientia, ut in superioribus late est demonstratum. Sub altera posteriore non est idem juris. Nam quod ad subditos, hi quidem, seu pure, seu sub conditione juraverint, juramento stare tenentur, modo Rex à sua parte non desit: si hic deficiant, absoluta ei ac libera potestas est, eos ad præstandum obedientiam, ut refractarios, perduelles, divinæ ac humanæ Majestatis læsæ reos, & fœdistragos, quibuscumque & videbitur & poterit modis, cogendi. Sed quid si deficiat Rex ipse? quid dicendum? Certe non aliud esse jus Fortibus quam Sannatibus: ubi eadem sit ratio, eandem esse dispositionem juris quoniam verò hoc illud ipsum est, quod hoc capite potissimum nobis tractandum restat, non inutile erit considerare, hic jam subditos non spectari, ut quos hæreditarium aliquod jus, hujus illiusve in regnum successionem addixerit, aut qui vivant in eo regno, in quo manu regia omnia gubernentur; sed ut homines liberos, juris sui & retinendi & amittendi Dominos, nisi quatenus se per contractum Regi subjecerunt, ac tales proinde, in quos, dempto eo vinculo, nec nomen subditorum, nec quæ alias subditorum sit obligatio, cadat. Hinc planum primo, subditis, ut talibus, nullo plano modo licere, ut se superioribus suis opponant: at nec minus ab altera parte liquet, quæcunque ipsorum sunt beneficio contractus initi, facta illis ac recta ea servari debere. Ipsum hoc per se evincit nomen contractus, quem ut Græci propterea *συνθηκη* dixerunt. *Συνθηκη* his idem est quod contrahō: quod verbi sive deducas à

cas à *mut* & *mutuo*, ut significet Vicissim & reciproce agere, sive à *mut* & *mutuo* muto, ut concordem & simultaneam in unum mutationem demonstret, parum refert: manet ipsa res, quod nimirum, ut convenire dicuntur, qui ex diversis locis in unum quendam colliguntur; ita & qui ex diversis animi motibus in unum consentiunt, alter alterum trahant pertrahantque in assensum sui, sic & in unam sententiam decurrant, quodque (id enim hic palmarium) ex hoc in unam sententiam decursu, statim obligatio exoriatur, atque ex obligatione jus, seu remedium juris id quod sibi debeatur persequendi. Usque adeo enim contractum obligatio determinat, ut non alius sit contrahentium finis, quam ut mutua obligatio introducatur. Certe Ulpianus ait, Contractum esse utroque obligationem. Institutionum Paraphrastres Theophilus, Contractum esse duorum pluriumve conventionem & consensum, ad constituendam obligationem, & ut alter alteri fiat obnoxius. § ult. de obligat. Hoc vero in casu potentior etiam ac major obligatio est Regis, quam Regni, cum sit proprie Regnum quod stipuletur, quod legem contractui dicat, Rex vero obligetur ex promissione, quæ stipulationi respondeat: sic ut stipulantis obligatio proprie non videatur, sed promittentis tantum, quāquam, si verum amamus, ut decet ac profite-mur, verus hic sit contractus, vera obligatio, ut verus est etiam in mutuo contractus, ubi tamen unus est duntaxat debendi reus. Quoquo modo, quin tempore atque ordine prior sit Regis obligatio dubio caret: tam piram & absolutam esse, perinde in confesso est. Si cui negandum

dum videatur ipsam Regni obligationem esse conditionalem (neque enim ego sic statuenti me temere oppono) certe is non negabit, vel utrimque conditionalem esse, non negabit simultaneam esse, non inficiabitur utramque esse obligatoriam ultro citroque. Illud in rem præsentem satis est. Obligatione reciproca constituta, necessitas quoque implementi similiter reciproci constituitur, nisi quis id actum putet ut in alterius voluntatem conferretur, in quantum obligatus esse vellet. Quod absit. Non admittit ultro citroque obligatorius contractus clausulam *Cum volueris*, aut *Si volueris*: hanc si habet, mutilus est, & ut dicunt ICI. claudicat. Implementi vero posita necessitate (eo quod legi per contractum introductæ standum sit) actio ponitur ad implementum, quacumque datur juris communio. At nemo dicat, non dari communionem juris, ubi contractui fit locus, ubi obligationi è contractu enascenti. Quæ proprie hic difficultas, non tam est ea de communione juris, quam de prosecutione atque executione ejusdem: Certum quidem est, Regem esse legem animatam, proinde semet ipso iudice damnatam esse debere, si contractui non stet. Sed quid si hoc insuper habeat? Talis illa *aut impigra* non est sufficiens ad refarciendum interesse regni per violationem contractus damno mulcati ac læsi. Dicendum rotunde, nec in Regno, nec ad Regnum, quod vi talis contractus habeat Regi jus esse, nisi quæ placita sunt adimplere paratus sit l. Cum proponas. 23. C. de Pact. Consequens est, non esse ut hic Rex spectetur aut Regnum, sed quæ modo sit contractus natura. Is vero cum dictus

Z

fit

fit esse ultro citroque obligatorius, omni jure in se tacite comprehendere intelligitur, mansuram obligationem, & præstitum iri quod promissum est, si per alteram partem non stet, quo id minus fiat. Ei vicinum est, sublata per violationem contractus illa juris communione, quam ipse inter contrahentes introduxerat, contractum etiam obligandi vi atque efficacia ipso jure destitutum esse respectu illius obligationis, qua vel ultro se teneri fateatur læsa pars, nisi contractus violatio intercessisset. Quod dictum nolim sane ad omnem violationem contractus statim extendi. Nam etsi violetur contractus, non modo per actus ei obnixos atque adversos, sed etiam non adimplendo, ut disertim satis colligitur ex d. l. Cum proponas. C. de pact. ea tamen quæ hujusmodi sunt, ut monemus in l. si cui simplicius § de servitut, civiliter intelligenda sunt; quovis modo non cavillanda aut calumnianda. Loquor igitur de violatione essentialis in contractu conditionis; illius, nimirum propter quam contractus initus ac celebratus est, introducæque obligatio; quæ nisi & introducenda per talem contractum valide fuisset, non fuisset altera partium contractura. Sic & conjugium (cujus quidem consideratio hujus nostri casus perquam similis est) non omne peccatum tollit, sed quod directe & adversa fronte in ejus naturam incurrit. Quod dum statuo, non est ut contradicendum reformidem. Stat pro me sacer textus, cum ait, *Non est subjectus frater aut soror in hujusmodi.* 1. ad Corint. c. 7. v. 15. addita ratione, *In pace vocavit nos Deus.* Eam in pacem autor, stator, ac vindex regnorum Deus etiam illos qui cum imperio præ-


præfunt, & qui subfunt vocavit, ut staret inter eos dictorum factorumque constantia ac veritas. qui hanc luxanti paret tamen, Deo rem totam, & vindictam retributuro committens, ipse quidem non peccat: sed & qui non paret, ex quo ei liberum est non parere, faltem ex quo nulla coactiva legis aut iusta superioris vi ad hoc obligatur, fui juris est, & ut dicitur in huiusmodi non est subiectus. Regis vero ex altera parte obligationem validissime intendit superadditum firmando contractui iusjurandum: quod quale, & quanti momenti foret, quam traheret sequelam: quam arctos vinciendi nexus haberet, omnino antequam juraret, & scivit & scire debuit. Non vi, non metu, non dolo inductus, sed liberrimæ spontis ac suæ juravit. Per iusjurandum ipsum & Domino Deo (ita loqui fas fit) & regno quæsitum est jus. Reddendum ergo id quod juravit, & ipsi Deo, cui & per quem, & cui juravit etiam regno: præsertim eo juramento dato, à quo omnis dubitationis & ignorantia obtentus quam longissime absit. Huic utique juramento antistites juris tantum deferendum prudenter statuerunt, ut eo ipsi quo juravit dicendus sit aliis omnibus, quæ rei per iuramentum formatae adversari possent, quam liberrima voluntate, atque ut loquendi imos est, proprio motu renunciassent: eoque ipsi iurejurando etiam generalis ac tacita renunciationis vim inesse, inesse vim expressi consensus, inesse vim clausulæ *Ex certa scientia*, item clausulæ *Si non valeat ut ago, valeat ut valere potest*, aliarumque. Omnino ut neq; aut factò, aut lege, aut statuto contrariis ei abrogari possit, nedum derogari, sed firmo ratoque manente qua-

quaversum juramento, ad omnes se diffundat ejus obligatio, tam præsentes, quam absentes, & ut verbo absolvam, quoscumque, qui sunt, quique erunt. Hanc ipsam quoque obligationem dici non potest quantum firmet, quod non modo generale sit, & generalibus verbis aut conceptum aut datum, sed specificum, expressis minutim capitatumque omnibus & singulis, super quibus interpositum est juramentum. Tollit nimirum hoc omnem nedum contraveniendi, sed vel contradicendi valentiam; & quæ contra fiunt, ipso jure, ipso facto, nulla reddit atque irrita: quare & exactior illius observantia requiritur; & implementum, ni specifico specificum respondeat, omni æquivalentis atque æquivalentiæ prætextu longissime remoto, desertim requirit. At omnium maxime, quod juret Rex, se juramento illi quod regno præstat, non contraventurum. Hoc sane simulationem omnem, errorem omnem, omnes & simulationis & erroris allegationes averfatur ac damnat, & simulationis quidem non magis admittit, quam propriæ turpitudinis in judicium deductiones, excludit omnes omnino de contrariis quandoque remediis adhibendis cogitationes, omnes contrarios actus. Quò ne multis, in omnibus & per omnia tale habetur hoc jusjurandum, ut judicium, justitiam, ac veritatem sibi commites habeat; eoque non luxandum: quin si veniendum sit in disceparatione judiciale, tale sit, ut contra nitenti allegatio juramenti de non contraveniendo, sola in causam sufficiat, valeatque in vim peremptorii. Quicquid ergo contra hunc contractum designare, quicquid contra hoc juramentum statuere pro imperio Rex volet, tantundem erit,

erit, ac si mandati fines excedat, ac supra, aut præter jurisdictionem jus dicat. Non est, ut hic multi simus. Quum mandati fines mandatarius excedit, non teneri mandatorem liquet. Super, & præter jurisdictionem quum jus dicitur, impune non pareri, & jus dicat, & quæ pro omni jure, ratio naturalis. Concludo hunc talem Regem nequaquam fundametalibus Regni legibus solutū agere, cumq; humanæ societati nihil tam proprium aut conveniēs si, quam pacta servare, ac fidem datam non fallere, etiam hic absolute eum teneri. Proinde & hoc quoque ratum esto, fidem ni servet, nec Regni quoq; fidem ei ultra obstrictam esse; frustra eum fore, si ex pacto aut contractu commodum sibi aucupetur, quod ipse violaverit. Consequens est, quod cum primis cavere debeat, ne fidem quatenus Regno eam dicavit, etiam ipsi Deo dicatam, collutulet polluatve. Hac abrogata, teneat, omnem tolli humanam societatem, cujus potentissimum coagulum est fides, humanitatis totius supremum vinculum, & præcipuum bonum. Sed & subditi, & Magistratus, omnes denique, quam serio perpendant, noscendam sibi religionem suam in ipsa fide. Deum non rideri: Hujus nomine ad fallendos homines abuti impietas execranda sit; imprimis autem ad fallendum Regem, uni Deo secundum; quem *αρχὴ ἡμετέρας ἐστὶν* etiam gentiles appellarunt; veri autem Christiani Deo proximum & quicquid habet, à Deo consequutum.

F I N I S,

ANT 131806



86h3

XVIII
16